

**NATIONAL ASSEMBLY OF
SEYCHELLES**

Tuesday 04th April, 2023

The Assembly met at 0902am

National Anthem

Moment of Reflection

Mr Speaker in the Chair

MR SPEAKER

Bonzour Manm Onorab. Bonzour nou zofisyé ki asiste nou dan Lasanble, manm piblik ki zwenn nou ozordi pou nou travay lasemenn. Byenveni zot tou.

Dan plas *Communication from the Chair*, mon pou donn Onorab Aglae laparol pou en *statement* bref lo en lensidan dan son distrik. Onorab Aglae.

HON EGBERT AGLAE

Mersi Mr Speaker pou donn mwan laparol. Bonzour tou Manm Onorab e tou dimoun ki a lekout ek tou kretyen isi dan nou pei.

Mr Speaker, mon oule denons sa lensidan vandaliz kot nou spirityel legliz. I pa'n ariv zis Port Glaud me osi in ariv Anse Royale dan dyosez Anglikan.

E mon denons sa avek tou mon bann zabitan kretyen e tou popilasyon kretyen isi

Sesel. E mon demande ki Lotorite i pran sa bann mezir pli sever, pli pran sa bann aksyon en pe pli serye pou kapab anpese ki okenn bann lezot vandaliz parey i arive kot nou bann lezot sit spirityel. Mersi.

MR SPEAKER

Mersi Onorab. Mon repet anfori sipor Lasanble pou sa mesaz kondannasyon. Me, mon a zis dir mon asire ki Lotorite pe pran sa tre serye.

Nou a kontinyen avek, mon annan lezot *matter of privilege*. Me *matter of privilege* nou pou pran annord avek *Standing Order 25, order of business*, e sa se apre kekyon e *statement from Minister*.

Nou a komans *Order Paper* avek *Private Notice Questions*. Eskiz mwan nou annan en pe prezantasyon dokiman. Madanm Clerk, prezantasyon?

MADAM CLERK

Mersi Mr Speaker.

Bonzour Mr Speaker, bonzour tou bann Manm, tou bann *staff* Sekretarya e tou dimoun osi ki a lekout.

Bann Papye ki pe ganny prezante bomaten Mr Speaker i;

*S.I. 28 of 2023-
Environment Protection*

(Environmental Laboratories) Regulations, 2023.

S.I. 29 of 2023-Public Persons (Declaration of Assets, Liabilities, and Business Interest) (Amendments of Second and Fourth Schedule) Regulations, 2023.

Government of Seychelles Annual Financial Statements for the Year Ended 31st December 2021.

Annual Report of the Ombudsmen for the year Ending 31st December 2022.

Central Bank of Seychelles- Annual Report for the Year 2022.

Central Bank of Seychelles- 2022 International Reserves Managements Reports.

Central Bank of Seychelles- Financial Statements for the Year Ended 31st December 2022.

Mersi Mr Speaker.

MR SPEAKER

Mersi Madanm Clerk. Byen nou ava apel Minis avek son Delegasyon pou *Private Notice Questions* silvouple, Madanm reporter.

Bonzour, byenveni dan Lasanble, Minis Devika Vidot Minis pou Lenvestisman, Lantreprenarya e Lendistri. E osi son *CEO Enterprise Seychelles Agency* Mrs Lisa Lautoy.

Zot isi pou *Private Notice Question*, mon envit *Leader Lopoziyon* pou met son kestyon silvouple.

HON SEBASTIEN PILLAY

Mersi Mr Speaker, bonzour. Bonzour tou koleg Onorab, bonzour Minis e ou *CEO ESA*.

Bonzour tou dimoun ki a lekout e bonzour tou bann *vendors* e tou bann endividi ki konsernen avek sa kestyon, ki petet pe ekout nou.

Mr Speaker, mon kestyon i lir koumsa, eski i korek ki Gouvernman in demann tou bann *food vendors* e lezot *vendors* ki nou sit *ex-Regatta* pou sorti lo sa sit par Zilyet, e si wi, akoz e ki plan Gouvernman i annan pou sa bann biznes?

Eski Gouvernman in idantifye en lot morso later pou sa bann dimoun kapab fer zot biznes? Mersi Mr Speaker.

MR SPEAKER

Mersi Onorab Pillay. Minis ou repons?

MINISTER DEVIKA VIDOT

Mersi Mr Speaker. Bonzour Mr Speaker. Bonzour *Leader Lopoziyon*. Bonzour tou Manm Onorab, bonzour tou dimoun ki a lekout.

Larepons kestyon Mr Speaker i konm swivan; pou plizyer lannen bann

Gouvernman presedan, in promet devlopman pou Beau Vallon.

Ti annan bokou plan avek bann gro devlopman ki ti dan plan, me malerezman pa'n abouti dan naryen.

Pou bokou letan sa sit Beau Vallon in enn ki dan en leta ki pa ti lo standar, e se pou sa rezon ki nou Ladministrasyon in fer sir ki en proze i ganny konsevwar pou sa landrwa.

Mon Minister avek lezot partner dan Gouvernman in travay entans e atraver bokou konsiltasyon, pou fer ki sa lannen Beau Vallon i kapab ganny li en proze, kot nou pou kapab devlop li.

Pli enportan proze Mr Speaker, i pou anmenn plis loportinite pou bann pti biznes. Sa proze an tou pou anmenn loportinite pou en pe plis ki 40 pti biznes.

Swivan laprouvasyon a plan le 30 Novanm lannen pase, Gouvernman in rod fason pou enplimant sa proze. E nou'n reisi ganny lasistans atraver donasyon avek sekter prive, pou devlop sa sit.

Me sa devlopman i prensipalman, pou nou kre en lanvironnman ki pli prop, annord pou Beau Vallon donn sa bann pti biznes, en lenfrastruktir ki permanan, ki satisfere bann kriter Lasante

pou fer ki sa devlopman i enn ki atiran e alaoter pou deservi bann dimoun lokal, osi byen ki touris.

Parey zot konnen bokou dimoun i vizit Beau Vallon, e byensir an fezan sa e lev standar sa bann biznes - sa bann pti biznes e amelyor lanvironnman an zeneral, e byensir koman en proze ki pou anmenn bokou kontribisyon dan Sekter Tourizm.

Nou war sa proze koman enn ki pou dan lentere nasyonal. Pou devlop sa plan in alor nesese ki bann vander, sirtou sa bann ki plase pli obor sa promenade, i sorti dan sa plas ki zot ete akoz zot pa pou kapab reste an operasyon pandan moman ki konstriksyon pe deroule.

Parske sa pou kree pa selman lenkonvenyans, me i pou kre en danze e pou zot menm e zot bann kliyan e byensir Lotorite Lasante i pa pou permet zot kontinyen looperasyon. Letan zot dan en sit konstriksyon.

Nou'n fer bann sesyon, nou'n zwenn avek sa bann vander. Mwan personnelman mon'n diskite avek sa bann vander e zot ankor pe eksplor bann opsyon.

I annan ki'n sizer bouz lo en plas lo menm sit, me sa an diskisyon nou'n vwar poudir i kapab anmenn plis

konplikasyon akòz zot pou bezwen dabor rod laprouvasyon ankor avek bann zofisye, bann *referral agencies*.

Zot pou bezwen rod fason pou zot kapab etabli ankor en *septic tank*, ouswa konekte lo *sewage line*, koneksyon avek elektrisite, delo eksetera.

Alor pou zot pou bokou antre zot i pli favorab si zot ganny en landrwa, si zot anvi kontinyen reste dan zot *food van*.

En landrwa ki pli konvenab e ki pli permanan. Sa proze li menm i pou ale pou en dirasyon 5 a 6 mwan. E alor mon ekspekte ki komansman lannen 2024 lannen prosenn sa proze i terminen.

E fodre fer resorti Mr Speaker ki pou bokou lannen sa bann biznes - e la si nou koz lo sa bann *food vendors*, zot in monte desann avek en latant.

Zot in *operate* dan lapousyer, zot in *operate* dan soley, dan lapli, loraz. Zot in fer li, zot in bezwen saroy tou zot bann keksoz monte, desann avek e zot in fer fas avek bokou, bokou defi an sa ki konsern *meet* bann kriter *Public Health* e etabli bann fasilite sanniter.

Zot ti napa akse avek delo, fasilite twalet osi ti en problem a serten letan. E alor finalman atraver sa proze zot

ava ganny zot en fasilite, zot ava ganny zot en landrwa pou zot kapab *operate* dan en fason ki byen ki lo standar.

E menm parey pou bann *craft vendors* zot osi zot pe *operate* anba latant, toulezour zot bezwen sarye zot latant, zot bezwen desann lo sa sit.

Nou bezwen kapab ed sa bann dimoun, donn zot sa sipor, donn zot sa loportinite. E se sa ki sa proze pe anmennen.

Nou anvi aret vwar sa bann dimoun, e la mon konnen i annan parmi spesyalman bann dimoun ki pe vann *craft* lo sa sit.

Zot bann keksoz i ganny mouye letan lapli i tonbe, letan delo i monte zot bann keksoz i ganny afekte. Gro divan i afekte zot, so, zot pe esper avek bokou pasyans.

Savedir ki Gouvernman pe anmennen pou sa bann vander, se nou pe donn zot sa loportinite. Non pa selman pou sa bann ki la, me osi loportinite pou en pe plis ki 40, 40 vander. 40 pti biznes pou donn zot sa loportinite lo sa sit Beau Vallon. Nou anvi retir lensertitid avek sa bann dimoun, nou anvi donn zot, zot valer.

Nou anvi donn zot en sans permanans nou anvi donn zot sekirite, nou anvi donn zot konfor. Nou anvi

donn zot en lenfrastruktir ki zot kapab *proud* pou zot *operate* ladan.

Nou anvi fer ki zot pti letablisman i enn ki atiran, nou anvi met zot lo sa standar. Nou anvi ki Beau Vallon i ganny devlope lo en fason ki dan en fason ki nou koman sitwayen nou kapab *proud* pou nou akey viziter.

E nou osi nou ava *enjoy* nou ava *look forward* pou nou pas en apre midi Beau Vallon. Mersi.

MR SPEAKER

Mersi Minis.

Mon a pran kestyon siplemanter serten Manm ki posib. Premye Onorab John Hoareau.

HON JOHN HOAREAU

Mersi Mr Speaker.

Bonzour Mr Speaker. Bonzour Minis. Bonzour tou dimoun ki a lekout.

Mr Speaker, eski Minis i kapab konfirman ki tou bann *food vendors* ki'n pas atraver *ESA*, in siny en kontra, en *covenant* ki lo *clause 15* i dir "*The space being allocated is temporary subjected to the commencement of the major project by the Government.*"

Aprè *clause 16* i dir "*This lease does not bind Enterprise Seychelles Agency any obligations to allocate you to*

any other space when the major project starts."

E dezyenman Mr Speaker, mon ti a kontan ki Minis vi ki in souleve poudir ki Gouvernman dan lepok Mr Faure, in pey sa propriyete a en kou tre eleve.

Eski i kapab dir nou Lasanble konbyen sa sif i ete, anvi ki lo *internet* nou ti'n vwar en evalyasyon \$7.5 milyon pou sa propriyete? Si eski dan lopinyon Gouvernman, Gouvernman in ganny valer pou *taxpayers money* ki'n ganny depanse lo la?

E an pasan osi si i kapab dir nou osi en pti pe, ki bann nouvo devlopman? Donn nou en pti pe deskripsyon ki bann nouvo devlopman pou annan lo sa sit? Mersi.

MR SPEAKER

Mersi Onorab. Minis.

Minis mon bezwen demann ou kantmenm Onorab Hoareau in demann plizyer kestyon, aköz mon annan plizyer Manm e mon anvi fer zot pou gard ou repons osi bref silvouple. Mersi.

MINISTER DEVIKA VIDOT

Mersi Mr Speaker.

Mersi Onorab pou ou bann kestyon. Wi, Onorab *lease agreement* ki nou ti antre ladan avek bann vander, mon

kapab konfirman poudir wi ti lo en baz tanporer.

E sa ti vin apre langazman avek sa bann vander ti vin apre ki zot ti met en *request* kot Gouvernman, pou dir ki kot apre *COVID* pou en bon letan zot pa'n travay e alor zot ti anvi - malgre ki zot ti konnen pou dir i annan en devlopman pe vini.

Me zot ti anvi pran lavantaz, pran lavantaz pou sa dele letan. E mwan mon annan bokou respe pou sa bann dimoun e nou koman e zot koman bann biznesmenn, mon santi ki zot in fer zot bann analiz.

Zot in balanse, zot in war poudir malgre sa laranzman pou enn ki tanporer. Me baze lo lokasyon kot zot pou ete, zot pou ganny sa komers. I annan sa posibilite pou zot fer, fer zot biznes e anmas *as much* larzan ki zot kapab pandan sa letan.

E alor se pou sa rezon ki zot in pran sa desizyon pou zot apros Gouvernman e pou nou kapab fer en lagreman parey.

An se ki konsern pri later, wi, sa later annefe Onorab Gouvernman presedan anba Ladministrasyon Mr Faure, zot in komans fer demars pou aste sa bout later, a mon avi a en pri tre eleve.

Parske dapre rikord ki mwan mon annan lo *file*, lavant later i, sonm ki lo lavant later se \$10 milyon. E mwan mon panse ki ladministrasyon presedan ti kapab fer en pli bon *job* pou negosye en pri pli ba. En meyer pri pou sa later.

An sa ki konsern bann devlopman ki sa proze pe anmennen pou Beau Vallon, pli presizeman – bon sa promenade kot nou vwar li ozordi i sipoze ganny redevlope e i pou gard en pti pe son lide orizinal, kot i pou annan bann *kiosk* manze e rafresisman tou o long sa lapromenad.

An plis ki sa i pou annan lalimyer, sez ek latab kot dimoun pou kapab partaz en repa. Kot bann paran i kapab osi egalman regard zot bann zanfan pe zwe lo lans.

I nou ekspekte ki i annan bann fasilite ki pou kapab vann bann keksoz pou bann zanfan, espesyalman *popcorn*, *candy floss*, *ice cream* e i pou osi annan en regroupman bann *kiosk* artizanal.

I pou annan bann *kiosk* ki nou pe met a dispozisyon bann dimoun ki vann ekskirsyon, i pou osi annan gran lespas ouver.

Nou'n anvi fer sa proze dan en fason ki bann dimoun i kapab ganny akse avek en lespas kot zot lib pou zot ganny akse lo lans. Me selman

an menm tan kapab servi sa sit.

E alor i annan bokou lespas vid nou'n mentenir sa. I annan en *dedicated kids playing area* kot nou anvizaze devlop li dan en fason kot byensir e la mon ti a kontan fer lapel avek sekter prive osi ki enterese pou vin siport nou dan sa demars. Kot nou anvi fer parey en, met bann aktivite tel parey bann *water fountains*. Kot bann zanfan i kapab zwe ladan, zwe ladan dan bann moman kot lanmer i move.

Kot zot pa kapab al dan delo sale. Sa i ava en opsyon zot ava kapab ganny en landrwa pou zot tay taye e zwe avek zot bann zanmi.

Sa proze i pou fer provizyon *public toilets*, i pou fer i pou annan detrwa *public toilet*. I pou fer provizyon pou twalet pou bann *vander* osi, ki sa i en gran konsern an se moman sirtou avek Minister Lasante.

I pou fer provizyon pou ganny en *booth* pou fer *First Aid* ek *Lifeguard*, ki ava annan en lizye lo bor lanmer a tou moman. I pou fer provizyon osi pou *security booth* pou ki sa landrwa i ava touzour annan sekirite. E byensir provizyon pou bann *public bins*. So, sa i en pti pe ki mannyer nou anvizaze.

I annan en lespas osi ki nou pe garde li. Kot nou'n an diskisyon avek *Round Table Seychelles*. E lefe ki Beau Vallon i ganny servi pou fer prensipalman pou fer *Regatta*, zot in vin devan zot osi zot in apre pou zot amenaz sa sit;- savedir zot pou *take care of landscaping, upkeep of* sa morso. E byensir la zot ava kapab fer zot bann levennman e osi zot kapab *host* bann lezot levennman.

E bann lezot lorganizasyon osi i ava kapab an partner avek zot, an partenarya avek zot. Zot ava kapab servi sa lespas koman en kominote. Mersi.

MR SPEAKER

Mersi Minis pou ou larepons. Kestyon Onorab Audrey Vidot.

HON AUDREY VIDOT

Mersi Mr Speaker.

Bonzour Mr Speaker e tou Manm Onorab, Minis avek ou delegasyon e tou manm piblik ki a lekout.

Minis eski ou kapab dir nou kote bann vander ki pou bouze ki'n ganny sa plas tanporer pou ale?

Eski ou pa santi poudir sa bann dimoun i merit annan en landrwa stab, antretan ki sa zot pou annan plan pou fer redevlopman?

E nou konnen poudir bokou bann vander ki deza lo bann later Gouvernman, pe ganny demande pou sorti. Eski ki nouvo Polisi Gouvernman pou zot retir tou bann vander lo later Gouvernman e kote sa bann dimoun pou ale? Mersi.

MR SPEAKER

Mersi Onorab. Minis ou repons silvouple?

MINISTER DEVIKA VIDOT

Mersi Mr Speaker.

Onorab sa bann dimoun ki pe demande pou bouze lo sa bann later Gouvernman prensipalman, i lo bann later ti ti'n ganny *earmarked* pou fer devlopman.

Alor natirelman letan zot demann laprouvasyon pou zot antre lo sa sit, Gouvernman i antre dan diskisyon avek zot e zot tonm lo en lagreman kot zot ganny en konpran poudir, i annan en devlopman ki pe vini e zot pare pou zot - parey mon'n eksplike akoz nou bezwen annan, nou bezwen valoriz nou bann biznesmenn.

Sa bann dimoun i antre dan en langazman avek *full* konesans. Nou bezwen konpran, nou bezwen donn zot sa respe. Zot konnen, zot pran bann desizyon e mon garanti ki sa i bann desizyon pli byen

kalkile ki zot in fini fer zot *forecast*.

Zot fini konnen poudir dan tel dele letan mon ekspekte kapab byensir pou annan en pe lenvestisman, mon pou'n fini kouver mon lenvestisman, mon pou kapab fer reveni ki pou kapab donn mwan en profi, e anmas en kapital ziska ler mon a ganny demande pou mwan bouze.

So, byensir mwan mon annan *full* garanti ki sa bann dimoun i *full* konfidans ki sa bann dimoun koman bann biznesmenn, avek bokou lannen leksperyans zot annan sa kalib e zot in fer sa bann desizyon avek tou sertitid.

So, pa, Polisi Gouvernman anliny avek devlopman i reste e nou *reconfirm* nou langazman pou nou kontinyen e fer devlopman lo tou sa bann sit, ki ganny *designate* pou nou fer devlopman.

Sa i enkli *ex-playground* kot nou'n koz lo nou proze *Waterfront Development*, e ensi byen ki *Regatta*. E se sa prosedir ki pe deroule, me selman sa ki enteresan se ki sa proze *Regatta* e sa proze ki nou pe al fer la, i pou enn ki pou pli vitman.

Ki nou pou kapab akonpli li dan en pli kourt dele letan, e alor sa i sa alternativ. Sa i sa loportinite ki nou, nou

pe met devan sa bann vander, ki zot a kapab ganny zot en lespas ki permanan.

Nou pa fatige vwar sa bann dimoun pe bezwen pe azout isi, azout en bout isi, en bout laba pou zot kapab fer zot biznes. Nek zot pou bezwen demann en plas isi, bouz isi, bouz laba.

Nou anvi enn fwa pou tou donn sa bann dimoun en loportinite pou zot kapab ganny en lespas, kot zot pou fyer kot zot pou antre ki'n satisfere *requirements Public Health*.

Kot *Public Health* pou aret vin dir zot poudir i mank isi, i mank laba. Zot bezwen fer isi, fer laba e alor zot ava dan en konfor. Mersi.

MR SPEAKER

Mersi. Fer ou klarifikasyon bref, silvouple Onorab. I annan plizyer dimoun pe espere.

HON AUDREY VIDOT

Yes, mersi Mr Speaker.

Minis eski dan sa ki ou'n reponn nou la, mwan la, eski ou pe dir nou ki tou sa bann vander ki *once* zot pou sorti dan sa bann sit kot Gouvernman pe demann zot, ou pe garanti zot ki zot pou annan en plas ki Gouvernman pou remet zot dan sa bann

landrwa kot pe redevlope? Mersi.

MR SPEAKER

Mersi. Minis, bref silvouple.

MINISTER DEVIKA VIDOT

Mersi Mr Speaker. Bon, sa bann dimoun definitivman letan nou pou pe konsider bann laplikasyon, sa bann dimoun definitivman letan nou pou pe konsider bann laplikasyon, sa bann dimoun pou pe ganny bokou lavantaz.

E byensir zot pou ganny konsidere anvi ki zot annan *already* en langazman, zot in deza e vander lo sa sit. Zot pou annan bokou lavantaz opre bann lezot aplikan. Sa i enn. E sa nou garanti sa. Me i osi enportan ki zot, zot pou bezwen satisfere bann lezot kriter.

Mon pa konnen ki manner keksoz ti pase dan lefase, me nou, nou krwar dan en sityasyon dan en langazman kot Gouvernman i met son kondisyon ater e koman sa biznes, nou gard ou sa respe, nou donn ou sa respe ki ou osi tou, si ou satisfere avek kondisyon alor ou fer en laplikasyon.

Se sa, sa *2-way transaction process*. E alor sa bann dimoun osi, zot pou bezwen lo zot kote demontre sa lentere pou zot partisip dan

sa proze. Byensir anliny avek bann kondisyon ki nou pou mete. E mon pa war aköz sa bann dimoun pa pou anvi partisip dan sa proze. E lefe ki zot lo sa sit *already* ozordi, i deza demontre poudir zot in deza satisfere en kantite bann kriter.

Parski pou zot ariv lo sa sit ozordi, zot ti pas atraver en prosesis seleksyon ki zot ti donn zot konsantman pou fer. Mersi.

MR SPEAKER

Mersi Minis. Kestyon Onorab Loze?

HON JOHAN LOZE

Mersi Mr Speaker.

Mr Speaker, Minis i ava komans par agrer ki si kestyon i ariv dan Lasanble atraver PNQ, se ki nou'n ganny li avek bann vander lo sit, zot menm.

Minis, zis pou pas atraver enn 2 bann keksoz ki ou'n deza dir nou dan Lasanble, pou etabli konteks. Enn bann keksoz ki ou'n dir nou dan lepase, se ki ou pou rod fason pou promouvwar pti biznes.

Ou pou rod fason pou elev zot nivo, anmenn plis lefikasite; fer zot lavi bokou pli fasil, sa i bann keksoz ki ou'n dir nou depi ki ou'n vin Minis pou Lantreprenarya.

Minis, ou'n mansyonn *ex-playground* e bann pti biznes ozordi zot santi zot bouskile e persekute partou atraver Mahe, ki swa Beau Vallon, *ex-playground* partou kot i annan sa bann biznesmenn. Zot santi zot pe ganny pou a kote, alors Minis, kote eski ou, ou pou met sa bann pti biznes zis parey ou pe met etranze dan bann landrwa pou fer biznes? Sa i enn.

Minis naryen ziska prezan ki ou'n dir konsernan biznes pa'n materyalize, ni kannel, ni lavanniy ...

MR SPEAKER

Onorab silvouple, poz ou kestyon.

HON JOHAN LOZE

Kote eski ou pe ale avek en plan pou pti biznes, e mon kestyon Mr Speaker se ki vander lo teren pe dir nou poudir zot pe ganny tire pou fer *Regatta*. Sa ki zot, zot in ganny dir. Zot pe ganny tire pou *Regatta* pa pou okenn plan ki Minis pe eksplike la.

Minis alors ou pou donn nou en komitman ferm, ou pou pran ou en langazman avek Lasanble, kan sa proze pou al komanse e kan pou terminen, e kan bann vander i kapab retourn lo sit?

E finalman Minis ou pe koz nou lo respe pou vander, be, nou vwar ki ou nivo respe Minis akoz nou'n demann ou kestyon ou get Onorab Arissol e ou pa kapab get nou pou reponn nou, nou kestyon? Mersi Mr Speaker.

MR SPEAKER

Onorab dan demann ou kestyon, ou'n fer en kantite alegasyon e lakizasyon. Ou sipoze la pou demann en kestyon, silvouple rapel sa laprosenn fwa. Minis mon a demann ou adres bann kestyon lo sit Beau Vallon silvouple.

MINISTER DEVIKA VIDOT

Bonzour Onorab. Wi, mon vwar ou laba. Mersi Mr Speaker. Onorab tou sa bann proze, espesyalman sa enn *Regatta* i fer provizyon antyerman pou pti biznes.

Mon pa bezwen, mon pa bezwen ou demann mwan sa kestyon dan Lasanble pou fer sa langazman. Mon pa bezwen sa, non.

Sa i en keksoz ki nou'n fini met dan en langazman depi lannen pase, le moman ki sa plan ti ganny aprouve. E nou ti diskit plan lenplimantasyon pou sa proze.

Alor mon pa bezwen, mon pa tro asire dan le pase manner keksoz ankor i

deroule lo ou kote latab, me sa pa fason ki keksoz i deroule anba sa ladministrasyon lo nou kote. Mersi.

(APPLAUSE)

MR SPEAKER

Mersi Minis. Wi Onorab. Ou leklersisman lo sit Beau Vallon, silvouple.

HON JOHAN LOZE

Yes, Mr Speaker. Mr Speaker, Onorab Hoareau i *press* Minis pou en lopinyon lo en negosyasyon ki'n pase dan lepase. Minis i reponn, i annan en lopinyon ki pa sipoze bi *Question Time*.

Mon solisit en komitman ferm lo kan proze pou komanse, kan pou terminen, kan i pou retourn sa bann dimoun lo sa sit, Minis i donn mwan en rabasman lo ki manner keksoz ti ete dan lepase.

Mon'n demann ou la ki ou pe al fer Minis, *answer* silvouple!

MR SPEAKER

Mersi. Minis si ou'n donn ou larepons, nou a pas lo en lot kestyon. Onorab Sandy Arissol.

HON SANDY ARISSOL

Mersi Mr Speaker. Bonzour Minis avek Madanm kot *ESA*.

Bonzour tou dimoun ki a lekout e tou Manm Lasanble Nasyonal.

Mr Speaker mon ti a kontan demann Minis, an vi ki nou'n aprann pou dir bann dimoun ki lo sit Beau Vallon *Regatta site* parey kestyon pe demande, zot in siny en kontra e zot ti konnen ki pou annan en moman letan kot zot pou bezwen ganny tire, zisteman pa pou zet zot me avek bi annan en devlopman. E parey ou'n dir pou zot kapab ganny re ankadre avek nouvo standar, ki ava vini pou zot pas atraver.

Anvi ki nou konnen bann dimoun i fer zot depans ek *PUC*, sanniter, eski mon ti a kontan demann ou, dir nou konbyen dimoun nou pe koz lo la? Nou'n tann koz lo vander, bann *kiosk*. Konbyen dimoun nou pe koz lo la biznesmenn ki la Beau Vallon?

Dezyenm pti kestyon e mon final, mon ti a kontan demann ou anvii ki Beau Vallon nou pe koz bann *van* manze plizoumwenn. Dir ek nou konbyen *van* manze nou annan an tou Beau Vallon? Konbyen laplikasyon pou nouvo *van* manze nou annan, antye an zeneral dan pei an relasyon avek sa proze Beau Vallon ki ava vini? Mersi bokou Mr Speaker.

MR SPEAKER

Mersi Onorab. Minis ou repons *please*?

MINISTER DEVIKA VIDOT

Mersi Mr Speaker. Onorab i annan an tou an operasyon 6 bann laplikasyon ki'n pas atraver nou. I annan 6 vander manze, e se sa ki nou pe fer referans avek la bomaten. E mon krwar se sa ki nou pe fer referans avek dan sa kestyon.

An sa ki konsern bann statistik lo la kantite *van*, nou ti fer en *survey* lannen pase e ler mon regard rezilta ti annan 82 *food van at the time* ki *survey* ti ganny fer.

E ti annan dan nou posesyon ti annan apepre 76 nouvo laplikasyon ki ti ganny soumet, pou bann *food van*. Mersi.

MR SPEAKER

Mersi Minis. Onorab Herminie?

HON WILBERT HERMINIE

Mersi Mr Speaker. Bonzour Minis avek ou delegasyon, e bonzour tou dimoun a lekout. Minis mon kestyon i direk, eski Minis i kapab dir nou konbyen pti biznes ki'n frenmen depi Oktob 2020 e ladan konbyen *vendors*? Mersi.

MR SPEAKER

Onorab, kestyon orizinal i lo Beau Vallon ou'n elarzi sa. Minis mon pou *still* - si ou kapab donn en larepons dan 2 fraz, mon pou *still* permet ou si ou annan sa bann sif.

MINISTER DEVIKA VIDOT

Mersi Mr Speaker. Mr Speaker mon napa sa lenformasyon, parske kestyon pa ti pe adres sa.

MR SPEAKER

Mersi. Klarifikasyon Onorab Herminie.

HON WILBERT HERMINIE

Mr Speaker, Onorab Arissol in fek demande dan pei an zeneral konbyen *food van* ti annan. Minis ti annan sa statistik ek li.

Mwan mon pe demande konbyen *vendors* Beau Vallon ki zot biznes in frenmen. Minis i bezwen annan sa statistik.

MR SPEAKER

En moman. Ou'n sanz ou kestyon, Minis si ou annan larepons nou a pran li silvouple. E nou a *move on*. Mersi.

MINISTER DEVIKA VIDOT

Mersi Mr Speaker, dapre mon konesans napa okenn *food van* ki'n fermen an se moman. Mersi.

MR SPEAKER

Mersi. Onorab Aglae ou kestyon. Ou pa ti'n demann kestyon? Eskiz mwan, *sorry*. *Yeah, yeah*, mon annan - Petet mon'n fer en tronpri la, mon a kontinyen avek lord Onorab Esparon.

HON REGINA ESPARON

Mersi Mr Speaker.

Bonzour Minis ek ou delegasyon e tou dimoun a lekout. Mr Speaker, dabor mon oule felisit Minis pou pran sa linisyativ pou *at last* pou al fer sa devlopman Beau Vallon.

En devlopman ki ti'n ganny propoze depi en bon pe letan. Mon ti a kontan demande konbyen sa proze pe koute, e lekel ki pe finans sa proze? E dan sa plan Minis, dir nou dan sa 40 *outlet* ki ou'n dir nou pou annan.

Konbyen *outlet* manze pou annan, konbyen pou artizanal e konbyen pou lezot? Mersi.

MR SPEAKER

Mersi. Minis ou repons.

MINISTER DEVIKA VIDOT

Mersi Mr Speaker. Letan nou'n fer sa ki nou apel *bill of quantities*, ouswa nou'n fer *estimate*. *Estimate* ki nou'n gannyen avek *Infrastructure Agency*, in mete ki sa proze

pou kout anviron 10 a12 e kapab ariv 15 milyon osi.

Sa proze pe ganny finanse par en lakonpanyen prive, sa lakonpanyen i pou pe selebre son 50an sa lannen e alor i anvi fer en donasyon. Donn en kado Lepep Seselwa e nou ti prezant li avek sa opsyon, sa proze e byensir in konstate.

Sa lakonpanyen in konstate poudir sa proze pou enn ki pou anmenn bokou benefis, i pou en proze nasyonal.

I pou en proze ki pou anmenn devlopman pou Beau Vallon parey nou'n dir koman en distrik. I pou anmenn bokou kontribisyon pou sa bann biznes li menm, elev zot standar.

Donn zot en keksoz ki zot kapab vreman *proud of*, e byensir i pou kontribye en kantite dan sekter tourizm.

E pou bokou letan nou pe *look forward*, mon krwar nou tou dan sa lasal pou ki Beau Vallon i ganny en pe latansyon, sa latansyon ki i *deserve*. So, sa i en pti pe ki mannyer keksoz pou deroule. An se ki konsern lakantite *kiosk*, i pou annan anviron 22 *kiosk* artisanal e pou annan anviron en dizenn bann *kiosk* pou manze. I pou annan anviron 4 *kiosk* pou rafresisman, e i pou annan

apepre 8 *kiosk* pou bann ekskirsyon.

E parey mon ti'n fer referans taler, i pou annan *kiosk* kot i pou annan en prezans permanan *First Aid, Lifeguard*. E i pou annan *security booth as well*, i pou annan 2 lo sak kote sit ... Mersi.

MR SPEAKER

Mersi Minis. Onorab Lemiel ou kestyon.

HON SYLVANNE LEMIEL

Mersi Mr Speaker. Bonzour tou dimoun a lekout. Minis sa ki mwan mon rapel, ler nou ti pe diskite proze *Leisure Park* Anse Royale. Ti annan en zafer ki Lanbasad Sinwan ti'n donn en donasyon.

E sa donasyon ti al pou Beau Vallon *if I'm right*. E donasyon mon krwar in ganny tournen pou Beau Vallon fer sa *projet*. Eski la mon'n tann ou dir i annan en donater prive, ki pe vin antreprann sa projet Beau Vallon, pe *sponsor* a lokazyon son 50an. Ki'n arive avek sa donasyon finansyel ki Sinwan ti donner?

Eski i ti pou sa enn *projet* la ki ou pe koz lo la, ti pou fer *or* sa donasyon in al ver en lot *projet*? Mersi.

MR SPEAKER

Mersi Onorab. Minis.

MINISTER DEVIKA VIDOT

Mersi Mr Speaker. Sa donasyon ki Sinwan ti pe donner, definitivman i pa ti pou arive. I pa ti pou ase pou nou kapab konplet sa *projet* e alor Gouvernman in vwar li pli *fitting* pou nou kapab *allocate* li avek en lot *projet*.

E la pou le moman nou annan *projet* Amitie ki *more or less* pou en pti pe menm parey. Me selman avek sa larzan i ava kapab anmenn nou en pe pli lwen ki sa proze Beau Vallon. So, se sa rezon. Mersi.

MR SPEAKER

Klarifikasyon Onorab, silvouple vitman?

HON SYLVANNE LEMIEL

Klarifikasyon Mr Speaker. Mersi Minis pou ou larepons. Me mon rapel letan ti annan sa bann diskisyon, Anse Royale ti ganny dir ki i pa kapab ganny sa larzan. Akoz sa larzan ti donn strikteman pou Beau Vallon.

So, ozordi mon pe ganny en konpran ki larzan pe al Praslin, *ok*? So, konbyen sa larzan nou pe koze. Eski i ankor menm sonm? E kwa egzakteman zot pe al fer avek Praslin?

E eski Lanbasad Sinwan i dakor pou ki sa larzan i

ganny donner pou en proze Praslin, antan ki i pa ti dakor letan ti ganny pran ek Beau Vallon pou fer Anse Royale? Mersi. Sa ki nou ti ganny dir. Mersi.

MR SPEAKER

Mersi. Minis si ou annan klarifikasyon silvouple.

MINISTER DEVIKA VIDOT

Wi. Konversasyon ki mon'n gannyen avek Lanbasad Sinwan, zot napa problem ki kote.

So, nou'n klarifye sa. So, zot napa problem. An sa ki konsern Amitie, parey zot konnen Praslin i bann Zil Pros in ganny neglize bokou. E alor nou anvi remet sa lenportans avek sa bann zil.

I enportan ki nou ti fer, nou fer en proze devlopman parey ankor donn loportinite bann pti biznes. E pou Amitie li menm, sa konsepsion i ankor pe ganny travay lo la e *once* sa i ava kapab ganny finalize. Nou a kapab donn plis lenformasyon lo la.

MR SPEAKER

Mersi Minis.

MINISTER DEVIKA VIDOT

I menm kantite, menm sonm. Mersi.

MR SPEAKER

Mersi Minis. Onorab Monthy ou kestyon.

HON PHILLIP MONTHY

Mersi Mr Speaker. Bonzour Mr Speaker, Bonzour Minis ek ou delegasyon e bonzour tou dimoun a lekout.

Minis sa sityasyon Beau Vallon la i fer dezyenm sityasyon ki devlope apre *ex-playground*. *Going forward* ki ou Minister pe mazin fer, menm an lyezon avek petet Minister Later akon mon konnen i annan legzersis pou devlop *land use plan* sak distrik.

Pou idantifye bann landrwa ki pou annan serten devlopman ki pou ganny fer e nou anpese ki bann *vendors*, ou byen lezot biznesmenn i antre lo en later. Ki apre nou war nou dan en sityasyon nou bezwen negosye pou sey tir zot pou rod landrwa pou met zot.

So, mwan mon ti a sizere ki ti a pli bon ki nou *proactive*. Nou idantifye bann devlopman dan bann serten landrwa, e nou anpese ki bann dimoun i *move* lo sa sit, *ok*?

So, Ki ou Minister pe mazin fer dan sa laliny? Mersi.

MR SPEAKER

Mersi Onorab. Minis.

MINISTER DEVIKA VIDOT

Mersi Mr Speaker. Bon, Onorab an sa ki konser idantifye bann lespas, se sa ki nou'n fer lannen pase atraver sa *survey food van* ki ti ganny fer.

E rezilta sa *survey* in montre pou dir bann lespas kot bann *referral agencies* i pou donn *go ahead* pou sa bann *food van* ganny plase dan bann serten landrwa, i vremen limite.

Se pou sa rezon ki nou pa'n kapab asiste sa bann dimoun ki'n soumet dan sa 76 laplikasyon, sa bann laplikasyon pa'n kapab ganny *honored* parske laplipar bann later Gouvernman, bann lazans konsernen zot pa'n an faver.

Swa i ti pou pe koz en *obstruction* ki Departman Transpor in idantifye, swa i ti pou pe koz en danze an se ki konsern Lasante e ki Departman *Public Health Authority*, zot in santi poudir sa sit i pa ouswa sa lokasyon i pa favorab.

Alor, i annan en kantite, kantite restriksyon avek sa aktivite biznes ki vin avek. E i fer ki i restrikte sa bann dimoun en kantite, lo ki kote zot kapab plas zot bann biznes.

Parey mon'n eksplike pou sa bann kot Gouvernman

ti annan lespas vid, kot ti annan proze ki ti pe vini.

Nou'n fer, laranzman ki nou'n fer se ki nou'n tonm lo en konpromi avek sa bann dimoun pou eksplik zot poudir i annan en proze ki pe vini. Me ki nou kapab fer lo en baz tanporer nou kapab donn zot sa permisyon pou zot servi sa lespas, fer zot biznes e letan proze pou komanse pou zot kapab bouze parske si parey nou pe konsider *Regatta*.

Ki mannyer nou pou kapab fer konstriksyon si sa bann dimoun i reste lo sa sit? I enposib. I enposib pou nou konstri pou nou devlop sa lapromenad aköz *the main core of* sa devlopman se sa lapromenad.

So, sa ki enportan ki prezan a sa moman nou bann biznes zot realize poudir la prezan sa loportinite permanans, kot zot ava ganny en sans lenfrastruktir, ou kalite e i ava donn zot sa sertitid dan zot biznes.

Ki sa bann loportinite pe vini, alor zot annan zis pou zot kont lo nou. E nou ava fer le neser pou fer sa arive. Mersi.

MR SPEAKER

Mersi. Onorab Cosgrow ou kestyon *please*.

HON WALLACE COSGROW

Mersi Mr Speaker. Bonzour Mr Speaker, bonzour Minis, bonzour tou dimoun ki pe ekoute.

Mr Speaker mon santi ki enn bann kestyon fondamantal ozordi pa'n ganny reponn par Minis. In annan bokou koze, bokou keksoz ki'n ganny dir. Par egzanz lo kontra ki sa bann dimoun in gannyen.

Wi, sa bann dimoun in ganny en kontra. I annan ki'n siny kontra pou en pe letan, i annan par egzanz Mr Armantal Lespoir ki'n siny en kontra pou 5 mwan. Sa msye in investir, in met larzan dan sa biznes in aste son *van*. Sa msye in transport son *van* la, in fer tou bann prosedir neser pou 5 mwan.

Zot konpran zot, zot konpran poudir sa biznes sa landrwa ti pou al ganny redevlope. Me Mr Speaker, lekspektasyon avek sa bann vander ki swa *food van*, ki swa bann *curio*. Sa bann lekspektasyon sa bann vander se ki Gouvernman ti pou antretan ki zot pe fer redevlopman rod en landrwa pou sey asiste zot. Aköz zot annan *loan* pou peye, zot annan lezot keksoz pou fer.

Zot annan zot fanmir pou sonnyen. So, Mr Speaker eski Minis i kapab dir avek sa Lasanble, aköz paretman i

annan en pake dezord ki swa Beau Vallon, ki swa lo sit *playground*.

Eski Minis i kapab dir nou, si zot in idantifye en landrwa spesifik pou met sa bann dimoun antretan ki sit i devlope? Sa bann dimoun i bezwen *pey loan*, zot annan biznes, zot annan fanmir. Se sa ki sa bann dimoun pe rode, en garanti.

E menm Minis pa'n donn nou en garanti ki si sa bann dimoun, ler sa landrwa i fini devlope si sa bann dimoun pou kapab tournen. Akoz in dir pou bezwen fer laplikasyon, fer isi, fer laba.

So, sa bann dimoun i kapab pe ganny demande pou sorti *for good!* So, Minis i bezwen kapab donn en garanti ek sa Lasanble ek sa bann dimoun ozordi lo ki pou arive ek sa bann dimoun *in the meantime*. E ler proze i fini ki pou arive avek zot e si zot pou ganny priyorite baze lo sa proze?

Apres si Minis i kapab dir nou lekel sa donater devloper ki pe vin investir R15milyon lo sa sit? Mersi.

MR SPEAKER

Mersi. Onorab lo ou dezyenm keston, ki pou arive avek sa bann vander - sa bann vander pou antre lo sit, Minis in adrese, mon krwar son repons

in kler. Petet i annan serten eleman dan lezot soz ki i kapab adres ankor silvouple.

E ou dernyen keston *yes*, nou ava aksepte. Minis.

MINISTER DEVIKA VIDOT

Mersi Mr Speaker. Mon le zis klarifye petet parski ou'n servi en legzanp spesifik ki sa dimoun an partikilye ti ganny son permisyon depi 18 mwan pase, 18 mwan pase.

E pou en rezon ou en lot se sa dimoun ki pa'n vin *set up* lo sa sit, e la o moman ki in vini nou'n enform li poudir i reste ou en kourt dele letan, ziska ler proze i komans demare. Me, ankor i zot swa zot in deside pou dir, in deside poudir i anvi profit sa bann mwan ki reste pou li kapab fer son biznes.

E byensir parske i ti'n fini ganny son laprouvasyon depi 18 mwan avan, nou'n *accommodate* li. E an se ki konsern idantifikasyon en lespas pou sa bann dimoun.

Ou konnen parfwa mon krwar nou pa, ankor mon pou servi sa tenm nou pa donn ase respe bann biznes. Sa bann dimoun ti swazir mon krwar, zot annan ase kapasite, leksperyans pou zot swazir kote ki zot, zot anvi al plas zot biznes.

Parski zot fer sa desizyon baze ki kliyan zot anvi atire, ki

kalite manze, ki kalite servis zot pou ofer. E le moman zot ti vin devan kot Gouvernman zot ti dir, la i la kot mon anvi ganny plase. Ti annan en rezon aköz. E alor la si zot kapab idantifye zot osi egalman en lespas, zot kapab fer li. Parski zot ki konnen, zot ki santi ki kote ti pli favorab pou zot.

E nou lo nou kote nou pou kapab siport zot zisteman lo la. E parey mon'n dir nou'n eksplor bann opsyon, nou'n diskrit bann opsyon avek sa bann vander.

An sa ki konsern sa sit li menm, i annan posibilite pou zot bouz en pti pe par kote, en pti pe par deryer, eksetera. Me sa i pou ankor depan lo zot. Eski zot pare pou zot al repey koneksyon elektrisite? Al repey koneksyon kouran, zot pou bezwen rod laprouvasyon avek bann *referral agencies* parey mon'n fer resorti.

Zot pou bezwen si zot napa en *waste disposal systems*, zot pou bezwen fer le neserer pou zot konekte avek en *septic tank*.

E tousala i pou kout zot osi, i menm parey. E pou le moman la zot in fer zot 18 mwan lo en landrwa e zot in kapab rezouir en pti pe, sa benefis ki zot in kapab la lo sa lespas.

So, mwan mon krwar ki sa bann vander zot pou byensir, si zot pa anvi reantre dan en langazman pou servi zot *food van* pou bouz isi, pou bouz laba. Kot ankor i pa an permanans, zot kapab esper sa proze ki parey mon'n fer resorti i en dirasyon *between 5 to 6 months*.

E la zot ava ganny sa loportinite pou zot ganny en landrwa ki an permanans. Pou reponn ou kestyon an sa ki konsern sa lakonpanyen prive, sa i lakonpanyen konstriksyon *Laxmanbhai*. Mersi.

MR SPEAKER

Mersi. En pwen klarifikasyon silvouple, Onorab, mon bezwen terminen.

HON WALLACE COSGROW

Yes, Mr Speaker. Mr Speaker mon war li drol Minis i dir mwan sa dimoun in ganny son laprouvasyon depi 18 mwan pase. Aköz let ki *ESA* ti ekrir li, ti son kontra i date le 1 Mars.

E let ki *ESA* ti ekrir li Mr Speaker, ti an Fevriye. So, mon pa ganny en konpran ki mannyer Minis i kapab dir mwan la ki ti 18 mwan, solman tou kominikasyon i montre ki sa ti ant Fevriye, Mars sa lannen. So, mon vremen pa konpran.

Dezyenm Mr Speaker, Minis in dir pou dir zot kapab bouz a kote lo bor. Be eski sa kominikasyon in ganny fer avek sa bann dimoun? Eski sa bann dimoun zot annan sa opsyon? Zot in ganny dir, aköz mon krwar pa mwan. Sansan nou ti ava'n konnen nou ti ava'n ganny dir. So, Mersi bokou Mr Speaker.

MR SPEAKER

Mersi. Minis eski ou kapab klarifye?

MINISTER DEVIKA VIDOT

Wi, Mr Speaker petet Onorab dan son marse dan Sanmdi, dan *weekend* letan i al diskit avek sa bann vander, petet ou ti ava demann li en pe plis klarifikasyon.

Let laprouvasyon ki'n gannyen pou antre lo sit i date depi Mars 2021, redemann li, demann li en kopi i ava donn ou. Mersi.

MR SPEAKER

Mersi Minis. Mon pe, *actually* mon'n *run out of time*. Selman aköz i reste zis Onorab Uranie, mon pa ava les li deor, mon *extend* en pti gin Onorab Uranie ou kestyon vitman silvouple.

HON ROCKY URANIE

Mersi Mr Speaker. Bonzour Minis ek ou delegasyon, tou

koleg Onorab e tou zabitan Zil Pros a lekout.

Minis kan eski redevlopman i rekomanse? E dezyenm eski Lasanble i kapab ganny kopi plan redevlopman? Mersi.

MR SPEAKER

Mersi. Minis, ou adrese silvouple?

MINISTER DEVIKA VIDOT

Mersi Mr Speaker. Nou ekspekte devlopman i komans par la an Out. So, sa i *timeline* ki nou pe travay avek, *towards* lafen Out. E plan devlopman nou'n deza partaze avek medya, nou ti fer en *press conference*. So, i deza dan domenn piblik. Mersi.

MR SPEAKER

Mersi. Onorab Sebastien Pillay, nou a prezan pran ou bann siplemanter.

HON SEBASTIEN PILLAY

Mersi, mersi Mr Speaker. E zis pou met lo rikord ki piblik e tou Manm Lasanble i a analize poudir mon'n demann mon kestyon par Zilyet, aköz mon osi mon konnen poudir redevlopman pe al komans an Out.

E sanmenm sa ki mon'n met mon kestyon, ki par Zilyet sa bann sa dimoun i bezwen sorti. Pou ankor enn fwa

montre ki mon komann mon lenformasyon e ki personn pa'n sey dir pou dir mon mansonzer apre pou zot war poudir mon pa ti mansonzer lo televizyon.

Mr Speaker mon annan devan mwan bann let ki'n ganny anvoye kot bann vander, e mon oule alert Minis ki mon pou servi tou lenformasyon a mon dispozisyon pou met sa keston an konteks ki pe ganny dir.

Minis ti an le 21 Desanm 2022, donn en *interview* avek *Seychelles News Agency*. E dan ou *interview* avek *Seychelles News Agency* ou ti dir "ou pe kominik sa bann vander pou idantifye en lot sit pli *conducive* pou zot *carry on* avek zot biznes" si zot bezwen bouz zot. *Ok?*

E ou ti koz lo en *propose seawall* aköz pou annan en kantite devlopman, *ok?* Ou ti dir "bann ki annan *lease agreement* avek *ESA* pou ganny konsider premye pou bann nouvo *built kiosk*", *ok?*

Now, ou'n deza dir dan en *interview* ki ou pe konsider lezot sit pou sa bann dimoun, me la dan Lasanble, ou dir nou donn kredi sa bann biznesmenn zot, zot konnen kote zot sit ki zot sipoze mete eksetera, eksetera.

So, Minis rezon nou pe demann ou sa keston se pou *press* ou pou aksyon. Eski ou pare pou pran en *commitment* avek Lasanble, pou rod bann sit alternativ koman sa fasilitater ki sipoze ed pti biznes, pou donn sa bann biznesmenn en loportinite pou zot *carry on* ek zot biznes, aköz i pa fasil pou ou annan en biznes ozordi? Sa i mon premye keston.

Mon dezyenm keston, mon war li drol Mr Speaker mon annan 2 *MNA* ki tou lede i annan bann dimoun sorti dan zot distrik ki lo sa bann sit, ki pe zisteman eksprim bann konsern. Me mon ava fer sa lo zot par;-

An relasyon avek sa bann *food vendors* ki nou pe koz lo la spesifikman la. Kan eski ou pou donn zot en larepons definitif, lo kote zot *stand* ozordi? Parey Minis in dir, mon krwar in dir in vey letan Onorab Wallace i al marse dan *weekend*.

Mwan mon al for dan Vandredi swar laba pou mwan regarde ki lanbyans i ete e mon kapab dir ou Minis, lamazorite touris pe manz dan sa bann pti *kiosk*. Pe manz kot sa bann *food vendors* en kantite touris ou koz avek, i dir ou zot prefere vin manz la. So, kan eski ou pou kapab

donn zot en larepons definitif, lo sa ki zot pe fer?

Prezan Mr Speaker mon vin lo trwazyenm pwen ki sa redevlopman Beau Vallon. Propozisyon se pou fer en *multi-storey car park*, lo sa *site* Beau Vallon. E mon war li drol personn pa pe war sa en *issue*, e nou'n ganny dir se *Laxmanbhai* ek son bann fwa ki pe vin donn R15 milyon pou vin fer sa proze lo sit Beau Vallon Mr Speaker.

Mon ti a kontan ganny lagreman, eski Minis i annan en lagreman ki'n ganny etablir ant lakonpanyen *Laxmanbhai* pou sa proze e akoz ki Gouvernman pa ti *tender* sa proze pou *allow* en vre devlopman komersyal?

E ki bann letid lenpak lanvironnman ki'n ganny fer lo pou al fer en *multi-storey car park* devan *beachfront* Beau Vallon? Mersi Mr Speaker.

MR SPEAKER

Minis, ou repons silvouple.

MINISTER DEVIKA VIDOT

Mersi Mr Speaker. Mr Speaker mon ti a kontan klarifye en pwen ki Onorab in fer an se ki konsern sa *interview* mon ti donner, e *seawall* e sa plas alternativ ki nou ti pe koze.

Pou klarifye Onorab nou ti pe fer referans avek bann *craft vendors*. Ok bann *craft*

vendors lo komansman zot ti plase lo lapromenad e letan proze *seawall* ti pe vini, Departman Lenfrastriktir ti enform nou ki sa pou kre en lenkonvenyans definitivman pou zot.

Akoz i pou annan zot lafason ki zot plase i pou kre plis lenkonvenyans pou zot, e alor nou ti an diskisyon avek zot pou bouz zot en pe a kote, mon krwar se sa ki Onorab pe fer referans avek.

An sa ki konsern donn en plas alternativ, parey mon'n eksplike nou an diskisyon avek sa bann vander. E zot byensir desizyon *ultimately* i reste lo zot, nou'n - mon ava repet mon lekor - nou'n diskrit plizyer opsyon e zot opsyon pou bouz lo en lot plas lo menm sit, i kapab enn ki pa tro favorab akoz i pou annan bann lezot devlopman ki pou pe vini.

Alor zot pou bezwen ankor bouze. I bon fer resorti ki rezon akoz zot ti ganny plase, la kot zot ete se akoz lefe ki sa laranzman ti pou enn tanporer, Departman Gouvernman e ki konsernen ti rod en lespas kot ti pli fasil pou enstal tarmak.

Nou'n bezwen pou rezon lasante a en *requirement* ki Minister Lasante in met devan, nou bezwen enstal en

layer of tarmac, pou sa bann *food van* kapab plase lo la.

E nou'n bezwen rod en landrwa ki nap -, ti napa bokou pye dibwa ki ti pou *require* koup mwens lakantite pye dibwa. Ki ti pou en plas kot sa bann dimoun ti pou kapab konstrir zot *septic tank*, avek mwens *disturbance*, kot ti pou napa bokou bann rasin eksetera.

Kot ti pou pli pre avek lapromenad kot ti pou pli fasil pou zot ganny akse, avek elektrisite, avek delo. Savedir tousala prenon kont nou ti pe sey fasilite, pe sey fasilite lavi sa bann dimoun. E lo zot tour sa bann vander, zot in apresye sa lespas lefe avek sa proksimite avek promenad i ti pou donn zot plis vizibilite. Lefe ki zot ti pou devan e an plis ki sa zot pre avek *parking*.

Zot ti pou pre avek lans e alor zot ti pou kapab ganny plis kliyan. Lot kondisyon pou sa bann vander, sete lefe ki zot ti pou kapab fasilman. Akoz zot sipoze en *mobile food van* deplase, sa ti enn bann kondisyon.

E pou nou kapab plas zot en lot landrwa ankor nou pou bezwen antreprann menm prosedir ki nou pe fer, e nou pa anvi kre en lot *burden* adisyonnèl lo sa bann dimoun.

Se pou sa rezon ki nou an diskisyon avek zot pou zot

regarde si zot anvi reganny mete en lot landrwa ki zot pou bezwen reganny bouze ankor.

Ouswa si zot pou kapab ganny en landrwa ki pli konvenab. E sa i pou zot desizyon.

Me le pwen ki mon le osi fer resorti, se ki Gouvernman pe fer provizyon pou zot kapab ganny en lespas ki permanan. E alor sa i pou arive e nou pou travay e nou pou tap tou, pou nou kapab fer sir ki nou konplet sa proze dan en pli kourt dele letan.

An sa ki konsern, *multi-storey car park* ok. Zis pou mwan asir Onorab poudir pou mwan klarifye poudir sa *multi-storey car park*, i napa naryen pou fer avek sa devlopman ki nou pe al fer la an se moman.

Sa ki *Laxmanbhai* pe siport Gouvernman avek i annan pou fer avek spesifikman avek devlopman lapromenad, devlopman sa bann *kiosk*, fer *toilets* ed nou avek lalimyèr eksetera. I sa konponan.

Multi-storey car park in swiv prosedir normal, *expression of interest* in fer. Bann laplikasyon, an tou nou annan 25 dimoun ki ti kolekte. I annan 8 dimoun ki ti soumet zot lenkpresyon lenterè, e la i annan bann *assessment* ki pe ganny fer e an parlan semenn prosenn i ava annan sa

request for proposal ki pou ganny fer.

So, sa pe ganny fer antyerman par lakonpanyen prive ki zot, zot pe deside pou zot partisip dan sa devlopman. Mersi.

MR SPEAKER

Mersi. Onorab Pillay mon a demann ou *stick* lo en klarifikasyon, silvouple. Pou nou kapab terminen.

HON SEBASTIEN PILLAY

Mersi Mr Speaker. Mon kontan ki Minis prezan in fer sorti sa pwen ki i annan pa en devlopman me de devlopman ki nou pe koz lo la, la.

Nou pe koz lo en devlopman ki *Cabinet* in aprouve, ki pou enkli en *Sports Complex, entertainment area, multi-storey car park, food, beverage, artisanal, excursion* bla, bla, bla.

E i annan sa devlopman ki sipoze de *niveau* la lo lapar *Laxmanbhai*. So, nou pe koz 2 devlopman *at the end of the day*. Si ou pe dir mwan ou annan sa enn, ou annan sa lot *then* nou pe koz redevlopman.

War ki mannyer i kre serten sa, mon pe get sa ki'n ganny dir la, sa ki *SIB* pe *advertise, at the same time* la ou dir nou ki i annan en donater ki pou al fer en lot proze.

So, nou ti a kontan demann ou kwa egzakteman ki Gouvernman pe vin fer lo sa sit *Regatta*? Eski ou pare ler ou sorti Lasanble la, pou re angaz avek bann *vendors* e trouv en *way forward*, en solisyon e donn Lasanble lenformasyon konkret lo sa bann devlopman. Enkli bann devloper ki pe antisipe vin fer sa devlopman? E an pasan *regarding Laxmanbhai* nou ti a kontan war lagreman ki Gouvernman in sinyen avek *Laxmanbhai*, an relasyon avek sa proze, pou nou vwar si napa lezot keksoz ki pe *come up* dan sa laranzman avek *Laxmanbhai*. Mersi Mr Speaker.

MR SPEAKER

Mersi. Minis ou adres son klarifikasyon silvouple.

MINISTER DEVIKA VIDOT

Mersi Mr Speaker. *Ok*, mon ti a kontan klarifye sa devlopman lo Beau Vallon. Lefe ki Onorab in demann mwan kestyon lo bann vander, se pou sa rezon ki mwan mon'n prensipalman diskite ...

(Off-Mic)

MR SPEAKER

Sorry, wi ki ou *point of order* Onorab?

HON SEBASTIEN PILLAY

Mr Speaker, mon oule *raise* en *matter of privilege* ki fek *arise* la.

Mon pou dir ou sa koumsa, ler Onorab Arissol in demann Minis lo konbyen *food vendors* ki napa naryen pou fer avek sa kestryon lo Mahe. Minis in annan lenformasyon avek li, me tou kestryon ki nou, nou demande enkli pou Onorab Herminie, Minis i paret napa lenformasyon in *prepare* pou zis sa kestryon.

So unless Minis i anvi mon anvoy mon kestryon davans kot li pou vin reponn dan Lasanble parey paret in ganny fer.

So, mon ti a kontan nou aret dir sa zafer mon pa'n *prepare* pou sa lenformasyon. Nou sipoze komann sa lenformasyon akoz nou pe koz *the same site* Mr Speaker.

MR SPEAKER

Mersi Onorab. Minis i bezwen kapab partaz lenformasyon ki i annan, ki in vin pare pou reponn. Si kestryon i pa'n adres sa lenformasyon, nou bezwen konpran ki i pa'n vin avek. Mersi.

Si i konpran, si i annan lot lenformasyon i lib pou li donner. Minis silvouple ou a termin avek klarifikasyon.

MINISTER DEVIKA VIDOT

Mersi Mr Speaker. Mr Speaker, si onorab ti permet mwan kontinyen, mon ti pe al eksplik li napa naryen pou kasyet, mon pe al eksplik li sa proze. I *ok* si i pa'n kler lo komansman i ti en pti pe konfize.

Mon pou donn li tou leklersisman. Sa ki *Cabinet* ti aprouve sete plan pou sa sit antye. Letan mon'n koz ek ou lo proze bomaten sa i sa proze ki Gouvernman pe al antreprann.

(Off-Mic)

MINISTER DEVIKA VIDOT

Mon pa konfize mwan ... petet ou ki konfize.

(Interruption)

MR SPEAKER

Onorab, Onorab Pillay ou'n poz ou kestryon, Minis pe donn ou larepons silvouple fer li lakourtwazi ekout larepons. Mersi. Minis?

MINISTER DEVIKA VIDOT

Mersi Mr Speaker. Rezon akoz ki nou'n anmenn *multi-storey car park* dan sa larepons bomaten se akoz Onorab in demann mwan en kestryon lo *multi-storey car park*. *So*, mon bezwen adrese. *So*, mon pa pe *mean* pou konfiz ou Onorab, o

kontrer les mwan mon ava eklersi.

Sa proze ki Gouvernman pe al antreprann, se sa bout ki annan pou fer avek bann *kiosk ok*? Tou sa bann *kiosk* ki mon'n nonmen, mon'n eksplike *beverage*, *food* eksetera, eksetera.

E se sa ki *Laxmanbhai* pe donn nou sipor avek. Pou bann lezot konponan sa proze, sa *SIB* pe *take care of*. E nou ti fer kler sa dan *press conference*.

An sa ki konsern - byensir Onorab mon bezwen zis eksplik ou klerman, pou dir Gouvernman letan nou ti donn aprouvasyon pou sa konsepsyon, e pou a devlopman plan, enn nou bann konsern avek sa konponan kot i pou annan bann *kiosk*, sete nou ti anvi fer sir ki Gouvernman li menm li i antreprann sa konstriksyon pou fer sir ki nou pa les en akter prive antre, *ok*, ki demen dizon nou ti'n les en lakonpanyen prive vini, donn *lease out* sa bout later.

Les li konstrir son bann *kiosk* ouswa les bann dimoun vini fer bann metod *self-financing* i ti pou kree, en lespas kot nou pa ti pou pe kapab donn loportinite nou bann dimoun parey nou anvi fer li la.

So, nou ti pran en rezolisyon lannen pase an

Novanm letan nou ti aprouv sa plan ki Gouvernman i fer le neser pou li enplimant sa konponan sa proze. Mersi.

MR SPEAKER

Mersi. Bon nou a termin la pou *Private Notice Question*. Mon a remerseye Minis e son *CEO*, pou zot partisipasyon e mersi tou dimoun pou zot kestyon. Mersi Minis, nou swet ou bonn kontinyasyon e bon kouraz.

Madanm raporter nou pou fer Minis Naadir Hassan antre, pou nou kontinyen avek bann kestyon an ekrire.

Bonzour e byenveni Minis Naadir Hassan, Minis pou Finans, Plan Nasyonal e Komers. E egalman son delegasyon Mr Patrick Payet Sekreter Deta pou sa Minister. Mr Ronny Palmyre *CEO* pou *Housing Finance Company*.

Minis mersi pou zwenn nou pou kestyon bann Manm. Nou pou komans avek kestyon nimeron 16, ki dan non Onorab Naidu. Me Onorab Naidu i lo konze medikal e son kestyon pou demande par Onorab Zialor. Onorab Zialor.

HON NADDY ZIALOR

Mersi Mr Speaker. Bonzour Minis e tou dimoun lo *panel*, bonzour Lepep Seselwa. Mr Speaker anliny avek *Standing Order* Lartik 32, kestyon

Onorab Naidu i lir konm swivan:

Eski Minis i kapab dir Lasanble lakantite dimoun ki'n ganny asiste avek fasilite *loan* ofer par HFC pandan sa dernyen 2an? Mersi.

MR SPEAKER

Mersi Onorab. Minis repons silvouple.

MINISTER NAADIR HASSAN

Mersi Mr Speaker. Bonzour Mr Speaker. Bonzour Dirizan Lopoziyon, bonzour Dirizan Zafer Gouvernman, bonzour tou bann Manm Onorab. E bonzour tou dimoun a lekout.

Onorab mersi pou sa kestyon, Mr Speaker lakantite *loan* aprouve par HFC pandan sa dernyen 2an i 898.

Sa i konpri *housing loans, second housing loan, home improvement loan, house extension loan, home improvement, complete re-roofing, pensioner home improvement loan, pensioner complete re-roofing, major renovation loan, land loan* e osi *additional loan*.

Pou *Housing Loan* en total 136 *loan* ti ganny aprouve pou en total R107.3 milyon. Pou *second housing loan* en total 114 *loan* ti ganny aprouve pou en total R54.4 milyon, pou *home improvement loan* sa i bann pti

loan R50 mil 234 *loan* ti ganny aprouve pou lavalè R11.5 milyon.

House extension loan, loan pou bann ki anvi azout en lasanm ek lakaz zot paran oubyen en lakaz ki deza egziste. An tou 22 *loan* ti ganny donnen pou sa dernyen 2an pou lavalè R2.2 milyon.

Pou *home improvement loan, completely re-roofing HFC* in aprouv 52 *loan* pou en total R4.9 milyon. Bann *loan* pansyoner an tou 125 *loan* ti ganny aprouve pou zot, sa i enkli *pensioner improvement loan* e *pensioner complete re-roofing* e sa pou en lavalè R8.1 milyon.

Pou *major renovation loan* 73 dimoun in ganny asiste anba sa *loan* pou sa dernyen 2an, an tou R20milyon in ganny donnen.

Land loan 13 *loan* ti ganny donnen pandan sa dernyen 2an, ki fer ki en pti pe plis ki R1milyon ti ganny donnen koman *loan* anba sa *scheme*.

Loan adisyonnèl ti annan 129 ka kot la i plis bann dimoun ki'n deza annan en *housing loan* avek HFC, e ki pa ankor konplet zot proze anliny avek kriter i kapab ganny asiste avek en *loan* adisyonnèl.

An tou R27.4milyon in ganny donnen anba sa *scheme*. Sa i fer ki an tou HFC

in distribue environ R237.1milyon anba son diferan *scheme loan* pou lannen 2021 e 2022. Mersi Mr Speaker.

MR SPEAKER

Mersi. Onorab Zialor ou annan siplemanter lo lapar Onorab Naidu?

HON NADDY ZIALOR

Yes, Mr Speaker. Mersi Minis pou lenformasyon byen detaye. Minis baze lo lenformasyon ki ou'n donn nou, eski ou kapab dir avek nou si pandan sa dernyen 2an in annan en revizyon in *term of threshold* dan laplikasyon?

E osi letan en endividi i soumet zot aplikasyon, ki dele letan ki pran pou laprouvasyon e pou proze demare. Byensir baze lo diferan kriter? Mersi Mr Speaker.

MR SPEAKER

Mersi Onorab. Minis?

MINISTER NAADIR HASSAN

Mersi Mr Speaker. Mersi Onorab. Onorab pou le moman napa okenn revizyon ki'n ganny fer lo bann *Scheme HFC*, me i annan plan pou demare pou sa lannen pou komans konsiltasyon avek tou bann *stakeholders* enkli bann *MNAs*, pou re regard kekfw

bann *challenges* ki egziste e aziste bann *scheme* pou asire ki i pe *meet* son bann lobzektif. Mersi.

MR SPEAKER

Mersi. Nou a pran kestyon siplemanter lezot Manm. Onorab Aglae.

HON EGBERT AGLAE

Mersi Mr Speaker. Bonzour Minis, *CEO*, *SS*. Minis mon ti a kontan demann ou premyerman kot i konsern *housing loan* sa 136 ki'n ganny *disburse*.

Eski Minis i kapab dir ek sa Lasanble sirtou pou bann *first time homeowner ok*, akoz ki i pe annan serten retar avek pou zot kapab ganny zot *subsidy* ki Gouvernman pe atas avek sa konponan *loan*, pou zot sa bann *first time homeowner*?

E dezyenmman Minis, eski zot annan en *back log* la ki zot ankor pe espere pou kapab *disburse* bann *loans*, akoz i annan kliyan ki pe dir ou zot ankor pe atann. Kwa ki bann rezon ki pe fer retar? E eski *HFC* i annan sa larzan pou kapab donn sa bann *loan*? Mersi.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker, Mersi Onorab pou kestyon. Mr speaker vi ki *CEO* i la e li ki dan loperasyon *HFC*, avek ou permisyon mon ti ava demann li pou reponn sa bann kestyon, an vi ki i bann kestyon operasyonnel. Mersi.

MR SPEAKER

CEO, ou annan laparol.

CEO RONNY PALMYRE

Mersi Mr Speaker. Bonzour tou Manm Onorab. Lo kote *subsidy*, i pa *HFC* ki donn laprouvasyon sa. I letan laplikasyon in fini ganny aprouve, i annan en laplikasyon ki ganny fer. E sa i ganny aprouve par en komite kot Minister Finans.

I pa sipoze tarde. I pran detrwa semenn me selman son *timeline* i apepre 2 semenn. Me selman parey ler dimoun i *apply* pou *loan*, i *2-way street* parey nou pe dir. I annan dokiman ki zot bezwen *submit*, me par ler kekfwa avek difikilte pou ganny sa bann dokiman akoz zot bezwen *rely* parey lo labank, kot *Registration Office*.

Kekfwa i annan serten *challenges* ki zot rankontre me selman an zeneral i *flow* ase byen, *ok?*

Lo kote *disbursement*, *HFC* pe fer *disbursement* apepre 14 a R15milyon tou le

mwan. E nou napa okenn difikilte pou fer sa.

Ankor par ler i kekfwa bann *delay* i *arise* lo kote ler pou fer vizit, pou al kot bann kliyan. Kekfwa par ler nou ganny en kantite *request* ansanm e nou annan zis 2 dimoun ki al lo sit pou fer vizit.

Kekfwa sa i en faktor ki kekfwa par ler i annan en pti *delay*. Me selman i pa sa gran kantite *delay* ki pou met retar proze dimoun signifikan. Mersi.

MR SPEAKER

Mersi. Klarifikasyon Onorab?

HON EGBERT AGLAE

Mersi Mr Speaker. I annan en bout pa'n touse. Eski zot leta finansyel i annan baze lo sa bann kliyan ki pe *apply* pou *loan*, zot pe kapab *disburse* sa bann *loan*? Mersi.

MR SPEAKER

Mersi Onorab. Klarifikasyon *CEO*?

CEO RONNY PALMYRE

Mersi Mr Speaker.

Parey mon'n dir *HFC* son leta finansyel pou le moman i byen *healthy* e nou kapab *sustain* sa bann *disbursement*.

MR SPEAKER

Thank you. Kestyon Onorab Labonte.

HON ANDY LABONTE

Mersi Mr Speaker. Bonzour Minis. Bonzour Mr Speaker, bonzour tou dimoun ki a lekout. Minis anfe in ganny, ou'n donn leksplikasyon lo revizyon an term kantite. Me eski in annan okenn sanzman dan kriter lo kalite *loan* ki ganny donner. Si in annan sanzman lo kriter pandan sa dernyen 2an?

Apre mon dezyenm kestyon, eski i annan okenn kalite *loan* ki pandan sa dernyen 2an ki *HFC* in deside pou li aret *entertain*, oubyen eski i annan bann nouvo kalite *loan* ki *HFC* pe pran desizyon pou zot entrodwir? Mersi.

MR SPEAKER

Mersi Onorab. Minis, *panel*.

MINISTER NAADIR HASSAN

Mersi Mr Speaker. Mersi Onorab pou ou kestyon. Onorab parey mon ti'n dir ou o komansman, napa okenn revizyon ki'n ganny fer dan sa dernyen 2an dan bann diferan prodwir *HFC*.

Me avek kekfwa nouvo devlopman ki pe arive lo marse e *requirement* dimoun e bann *challenges*, i annan sa louvraz ki nou pe al komanse pou sa lannen, pou reviz - pou regarde si annan bann prodwir adisyonnal ki nou

bezwen mete a dispozisyon kliyan *HFC*.

E osi si i bezwen annan bann *twist* ki'n ganny fer lo bann kondisyon. Me pou le moman, napa naryen ki'n ganny fer. Nou antisipe ki sa louvraz i a ganny fer avek konsiltasyon tou bann *stakeholders*, enkli zot menm. E avek sa nou ava vin ek en lalis prodwir ki ankor *improve* lo sa ki annan. Mersi.

MR SPEAKER

Mersi Minis. Onorab Cosgrow ou kestyon.

HON WALLACE COSGROW

Mersi Mr Speaker. Mr Speaker problem letan ou 3enm, 4enm lo lalis tou dimoun in preski demann tou ou kestyon. Me selman mon annan en kestyon pou Minis.

MR SPEAKER

Dan sa tan ou'n ganny repons.

HON WALLACE COSGROW

Non, non preski tou mon kestyon. Mon annan en kestyon pou Minis, Minis ou'n koz lo apepre 800 *loan* ki'n ganny *disbursed*? Me eski zot annan statistik, eski zot kapab dir nou ki kantite *loan* pandan sa dernyen 2an, *request* pou *loan* dan sa dernyen 2an ki *HFC* in gannyen? Mersi.

MR SPEAKER

Mersi. Minis i annan klarifikasyon?

MINISTER NAADIR HASSAN

Mersi Mr Speaker. Mersi Onorab. Mon'n fek demann CEO si i annan sa data ek li, i dir mwan i napa me nou a fer le neser pou anvoy li kot ou koman Lasanble i fini. Mersi.

MR SPEAKER

Mersi. Kestyon onorab Sandy Arissol.

HON SANDY ARISSOL

Mersi Mr Speaker. Bonzour Minis avek ou delegasyon. 2 pti kestyon senp, mon'n tann Minis koz an relasyon avek kalite *loan* ki annan kot *HFC*? Me dimoun i pli zou mwen enterese avek sif. Si ou kapab donn nou en pe sif, milyon, 1.2, 500 mil,250 pou dimoun konnen ki nou pe koz lo la.

Dezyenman e mon final, mon ti a kontan demann zot an relasyon avek *loan*. Nou donn, pret bann Seselwa sa *loan*. Me ki difikilte zot pe fer fas avek zisteman pou nou kapab ganny *back* sa bann *loan*, pou nou kapab redistribye ankor an relasyon avek par egzans konbyen *loan* ki'n ganny *write off*, konbyen bann ki pa peye zis pou nou konnen ki zistans nou ete an

relasyon avek *healthy* ki CEO in koz lo la. Mersi.

MR SPEAKER

Mersi. Minis? *Panel*?

MINISTER NAADIR HASSAN

Mersi Mr Speaker. Mr Speaker, mersi Onorab pou ou kestyon.

Mr Speaker mon ava envit avek ou permisyon, envit CEO. Akoz sa i en bann larepons operasyonnel ki ava annan pou fourni Lasanble avek. Mersi.

MR SPEAKER

Tre byen. *CEO*.

CEO RONNY PALMYRE

Ok. Mersi Mr Speaker. Lo kote *recovery* savedir bann koleksyon *loan* ki nou donner, nou annan en seksyon ki zisteman i angaze lo fer sir ki tou larzan ki *HFC* i peye, i ganny anmase.

E pou le moman nou annan en *portfolio* avek en *outstanding balance* R672.6milyon e ladan en pti pe pli pti git ki 4poursan ki dan difikilte pou repeye.

I pa vedir zot pa pe pey ditou, me selman zot pa pe pey lo en *regular basis*. Me selman nou'n set en *target according to nou strategic plan end of 2025*, ki sa pou vin par anba 2poursan.

I en louvraz ki vreman *challenging*, me selman nou angaze pou nou arive *achieve* sa *target*. Mon krwar, *ok*.

Si mon konpran ou kestyon bann *maximum amount* ki nou donn *loan*, pou *housing loan* i R1.2 milyon *ok*? I annan bann *request* pou fer monte 1.2 me selman ler nou fer bann analiz, i pa pou ed dimoun *as such* akoz pa tou dimoun ki pou kapab kalifye sa 1.2milyon.

So, nou bezwen war bann lezot fason pou kapab, pou dimoun kapab fini zot proze. Akoz zis fer monte *loan amount* i pa pou ede.

Second housing loan i 550 pou le moman. *House extension* i R100mil, me selman parey Minis in dir nou annan lide revwar sa *house extension*. *Major renovation loan* i R 350mil, li plizoumwèn i ranplas bann *home improvement loan* akoz bann *loan improvement loans* son *amount* i R50 mil. E i en pe difisil pou dimoun kapab fini zot renovasyon avek.

E parey mon'n dir, *home improvement loan* i R50 mil. Apre nou annan sa prodwir ki nou apel *re-roofing loan*, li i pou konpleman kouver en lakaz depi son twatir, son *wiring*, son plafon e li i R100 mil.

Apre nou annan sa 2 *loan* pou bann pansyoner, ki annan en konponan sibvansyon ki Gouvernman i donn zot. E li i R50mil ek R100 mil li osi i parey pou *re-roofing* i R100mil e pou bann *general renovations* i R50mil.

Apre pou *land loan*, nou pa pe tro gannyen pou le moman. Li son *maximum amount* i R150mil. I plizoumwèn *according to* bann *cost of land* ki *land bank* i donnen.

Me selman sa osi i demann revwar akoz pri later pe mont en pti git. Apre dernyen nou ti annan *survey loan*, ki i pa'n tro popiler i annan apepre en 3an, 4an ki nou'n entrodwir.

Sa ti zisteman ti pou ankouraz bann paran pou *subdivide* zot later, pou kapab donn zot zanfan pou konstrir. Akoz si paran i *subdivide* later zot zanfan i kapab ganny en *housing loan instead of a second housing loan*.

Ki zot pli benefisye an term konstriksiyon in *relation to* larzan ki zot gannyen. Mersi.

MR SPEAKER

Mersi CEO. Kestyon Onorab William.

HON WAVEN WILLIAM

Mersi Mr Speaker. Bonzour Minis avek ou lekip.

Mon ti a kontan demann Minis pou piblik la deor, si ou kapab eksplik bann prosedir akoz bokou dimoun deor i konfize viz a vis prosedir pou zot *applied* pou en *loan* kot *HFC*.

So, dizon pou reparasyon ouswa azout en bout lasanm? Mersi.

MR SPEAKER

Mersi Minis.

MINISTER NAADIR HASSAN

Mersi Mr Speaker, mersi Onorab pou ou kestyon.

Mr Speaker avek ou permisyon mon a pas laparol avek *CEO* i ava eksplik prosedir pou *loan*. mersi.

MR SPEAKER

CEO.

CEO RONNY PALMYRE

Mersi Mr Speaker. Oparavan dimoun ti bezwen al dan distrik pou *apply* pou bann *loan* renovasyon, me selman konmela in sanze. Dimoun i kapab vin direktman kot *HFC* pou fer zot laplikasyon, me selman i pa anpes zot pou zot fer zot laplikasyon kot distrik osi tou.

Me selman zot tou kou kapab vin direk kot nou. Lo kote bann *loan* parey pou

parey pou konstrir lakaz, sa pou le moman i ankor pas kot *MLH*. Kot i annan bann travay preliminar ki ganny fer lo sa bann laplikasyon, parey gete si sa bann dimoun pa deza en *homeowner*. Si zot later i annord, bann keksoz koumsa. Mersi.

MR SPEAKER

Mersi. Mon a pran kestyon Onorab Andre mon krwar, dernyen dimoun ki ti'n lev lanmen.

HON CLIFFORD ANDRE

Mersi Mr Speaker. Mr Speaker mon'n *prompt* pou demann en kestyon prezan mon tann *CEO* pe eksplik en pti pe bann sif an referans avek *re-roofing* kot in dir 50 milyon.

Eski Minis kekfwa i kapab ouswa *CEO* i kapab dir piblik la deor, i kout en pti pe plis ki R50mil pou fer en *re-roofing* si oule.

Eski zot annan lide pou revwar sa bann sif - pa zis sa enn me bann sif dan diferan konteks, pou fer sir ki demen dimoun i pli kapab *apply* e zot pa ava santi zot dezapwente letan zot ganny dir R50mil oubyen zot pa gannyen pou zot fer zot proze ki zot annan. Mersi.

MR SPEAKER

Mersi. Minis ou a donn li klarifikasyon.

MINISTER NAADIR HASSAN

Mersi Mr Speaker. Parey mon ti'n mansyonnen o paravan, nou pou annan sa legzersis ki pou komanse byento pou revwar tou bann prodwir *HFC*.

So si i annan en *need* pou *tweak* bann ki egziste ouswa pou lans bann *additional*, sa i ava ganny *taken into consideration* dan sa *exercise*.

E parey mon'n dir osi nou pou konsilte tou bann *stakeholders*, enkli bann *MNAs* ki lo teren ki pe travay ek bann dimoun. So, Mr Speaker avek ou permisyon, *CEO* osi ti oule klarifye en *issue*. Mersi.

MR SPEAKER

Yes CEO.

CEO RONNY PALMYRE

Mersi Mr Speaker. Onorab pou *re-roofing* i R100mil li en, i pa R50mil. Me selman parey mon ti mansyonnen taler, i annan sa *major renovation loan* osi tou ki son *maximum* i R350mil.

Tou kou dimoun i kapab *apply* anba la pou fer *major renovation* osi tou, ki kapab enkli *re-roofing*.

Re-roofing selman aköz avan ti annan zis *home improvement loan* ki ti R50mil.

E dimoun ti ganny en kantite problem pou fer zot renovasyon sanmenm sa, sa *Scheme Re-Roofing* ti vin, ti ganny entrodwir pou konsantre zis lo twatir.

Me selman parey zot konnen, avek lenflasyon, avek kou konstriksyon ki'n monte, sa bann keksoz par ler i demann revwar e zisteman sa ki nou pou fer pandan sa lannen. Mersi.

MR SPEAKER

Mersi Minis. Mersi *CEO*, avek Minis osi ki'n reponn avan. Bon nou a termin la pou sa kestyon, e nou a osi pran en poz.

Nou a envit Minis ek delegasyon pou retournen pou kontinyasyon kestyon apre poz. Nou a rebran 11er. Mersi.

(BREAK)

MR SPEAKER

Bon *welcome back everyone*. Nou a kontinyen avek kestyon. Prosen kestyon i dan non Onorab Francois Adelaide. E li i la pou poz son kestyon? Onorab.

HON FRANCOIS ADELAIDE

Mersi Mr Speaker. Bonzour Mr Speaker. Bonzour Minis avek ou delegasyon, tou koleg Onorab avek tou dimoun ki a lekout. Mr Speaker, zis en pti,

en *minor amendment* lo mon kestyon. I pou lir koumsa;

Swivan lanons ki a parti Avril 2023 tou boutikye pou bezwen bouz lo *cash register machine*, ki devret ganny konekte avek SRC, eski Minis i kapab eksplik sa Lasanble lo bann mezir an plas pour siperviz sa loperasyon pou asir bon koleksyon larzan *tax*? Mersi.

MR SPEAKER

Mersi Onorab. Minis, ou repons.

MINISTER NAADIR HASSAN

Mersi Mr Speaker. Mersi Onorab pou kestyon. Mr Speaker, i bon fer sa distenksyon ki i annan 2 faz pou sa proze. Premye faz i pou fer li mandatwar ki tou boutikye i annan *cash register machine*. Sa in deza anfers depi le 1er Avril kot i en kondisyon *license*.

Pou dezyenm faz proze ki enkorpor koneksyon *cash register machine*, avek sistenm SRC, sa i ankor an mars. Vi ki nouvo sistenm SRC ki osi anba devlopman, nou pe prezimen ki si tou keksoz i al dapre plan, ki ver milye lannen prosen, sistenm SRC pou'n konplete, e nou pou kapab komans legzersis pou konekte *cash register machine*.

An atandan ki koneksyon *cash register machine* i ganny fer avek sistenm SRC, sirveyans lo si *cash register machine* pe ganny servi par boutikye, pou ganny fer par SLA dan son revi kontinyel, vi ki i dan zot kondisyon *license*.

An menm tan, nou pe depan lo konsonmater pou zot osi fer zot bout, e raporte si zot war okenn boutikye ki pa pe servi *cash register machine*. Akoz sa nouvo mezir in osi ganny entrodwi pou zot proteksyon. Mersi Mr Speaker.

MR SPEAKER

Ou siplemanter Onorab Adelaide.

HON FRANCOIS ADELAIDE

Mersi Minis pou ou larepons. Minis petet 2 siplemanter. Mon premye siplemanter se, wi ou pe demann piblik pou korpore avek SLA. Petet eski nou kapab ganny bann nimeron kontak ki petet piblik i kapab servi, pou met sa bann keksoz a latansyon bann zofisye konsernen?

E petet osi, asir piblik ki dele letan petet, apre ki mon'n raporte, ki mon ekspekte war poudir i annan en amelyorasyon. E ki bann marsan pe vremen met sa demann ki *Licensing* pe demann zot. Mersi.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker. Mersi Onorab pou sa 2 kestyon siplemanter. Nimero kontak, sa nou ava fer li *available* avek bann Manm, lo kote *SLA* pou *enforcement*. Mon ava demann osi Minister responsab ki *SLA* i tonm anba la, pou fer en pe kominikasyon avek tou lapres bann *advertisement* pou *advertise* bann nimero.

Lo kote kantite letan i pou pran? Parey mon pe dir, i sipoze koman en rapor i antre, *Enforcement Department SLA* i sipoze al verifye e regarde si sa konplent i parey in antre. So i sipoze imedyat. Mersi.

MR SPEAKER

Mersi Onorab. Mon a prezan pran kestyon lezot Manm, zot siplemanter. Mon annan apepre 15 minit pou sak kestyon. Onorab Sandy Arissol.

HON SANDY ARISSOL

Mersi Mr Speaker. Bonzour Minis ankor enn fwa. Mon ti a kontan demann Minis 2 pti kestyon Mr Speaker. Premye kestyon mon ti a kontan demann Minis se, eski dele letan dan annan en *cash machine*, en *register cash*

machine par bann *retail shops*, eski i annan en konsekans ki vin avek si zanmen zot pa onor sa langazman?

Dezyenmman mon ti a kontan, an vi ki nou pe koz konekte avek *SRC* zisteman pou nou asir bon koleksyon larzan *tax*, mon ti a kontan demann Minis, an vi dan nou Lasanble isi nou ti ganny dir pou dir 70poursan bann *retail shops* pa ti pe neserman pey zot *tax* dan lepase.

Mon ti a kontan demann avek Minis si Gouvernman atraver *SRC*, *Licensing*, zot pe mazin osi en *moratorium* lo bann *retail shop* ki nou annan ozordi dan distrik, dan pei, anvi ki i annan plizyer zot parey nou'n ganny dir, pa pe pey zot *tax*? Mersi bokou.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker. Mersi Onorab pou ou kestyon. Lo premye kestyon *regarding* ki bann penalti. An vi ki sa *requirement* pou *cash machine* i anba kondisyon *license*, so i pou annan reperkisyon lo zot *license* ki zot annan li menm. Me selman ki nou pe travay lo la, la, se pou anmenn lezislasyon lo bann penalti *fix* ki a vin pli fasil pou pran

aksyon ki al direktman lo *license*.

Lo dezyenm kestyon pour peyman *tax*. Wi, nou konnen sa i en *area* kot kekfwa i annan bokou *non-compliance*. Me diskisyon ki mon'n fer ek SRC, se ki zot komans tret Sekter *Retail/Wholesale* as en priyorite *in terms of* zot bann odit ki zot fer. *Ok? So*, odit li menm li ki pou idantifye si i annan okenn *compliance issues* lo peyman *tax*.

Konsernan ou pwen spesifik lo en *moratorium*, i pa *something* ki'n ganny diskite pou le moman. Me mon asire ki nou kapab fer en diskisyon ek SRC, e evalye si pou annan en valer dan anmenn en *moratorium*, spesifikman pou en sekter. *In terms of* par pou get zot *to comply*. Me selman, *taking into account* pou dir kekfwa dan lepase in napa *compliance*. Sa i ava en pwen ki mon ava diskite avek *Board SRC*. Mersi.

MR SPEAKER

Mersi Minis pou sa repons. Onorab Aglae ou kestyon?

HON EGBERT AGLAE

Mersi Mr Speaker. Minis, mon premye kestyon i pou benefis piblik deor la, akoz i *still* ankor annan konfizyon letan ou pe koz lo sa *cash register* masin. Akoz i annan marsan li menm

li, *ok*, ou vini i tap ou, sa ki ou pe peye lo *calculator*, apre i pou kapab pran ou kart i pou *swipe*, *ok?*

I annan ki pe fer sa. E i annan ki annan son masin li menm li, *ok*, ki tape. Me selman son masin pa konekte ek okenn sistenm ki pou kapab fer ou anmas lenformasyon.

So, pou kapab moderniz sa Minis, eski prezan ou kapab eksplik piblik kwa ki akseptab la ozordi, koman ou pe antre dan okenn *outlet* pou fer, aste en prodwi? Kwa ki akseptab? E si, zanmen zot detekte okenn bann anormalite, kwa ki zot fer koman en kliyan zot osi?

Dezyenm. Minis eski osi zot pe vwar - akoz kestyon orizinal i koz boutikye, *ok* - la nou pe koz *retailers*. Me i annan en sekter ki nou pa pe kategoriz zot koman boutikye la. Par egzanp, bann ki dan bann *hardwares*. *Ok. Spare parts*. Eski zot osi zot pou bezwen pe *follow the same suit*, anba menm kondisyon *license* ki'n ganny met devan zot, pou zot annan zot prop ... Akoz i annan landrwa i dir ou i pou pran zis *cash* li. I pa aksepte *POS*, i pey zis ek *cash*. Ou kapab eklersi sa pou nou Minis? Mersi.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker. Mersi Onorab pou ou kestyon. Onorab, zis pou klarifye. Sa *requirement* i dan kondisyon *license* pou bann biznes ki annan en *retailer's license*, *ok*. Savedir, *be it your* - sa ki nou apel en *grocery shop* - laboutik ki nou al fer nou komisyon toulezour, ouswa menm bann laboutik *spare part* ki *operate* anba en *retailer's license*, sa *requirement* i *apply*.

I annan annefe i annan 2 *requirement*. Premyerman se ki ou bezwen annan en *cash register*, *ok*. E dezyenm ki ou bezwen annan en *point of sales*. Sa ki ou kapab *swipe* ou kart lo la. Sa i sa 2 *requirement*.

Now, kestyon spesifik ki ou'n demande se ki, si ou antre dan en laboutik, en marsan pe servi *calculator*. Non, i bezwen pe servi son *cash register*, akòz i en *cash register* la. E i en kondisyon son *license* ki i annan sa *cash register*. So, i pa kapab pe servi en *calculator* pou fer ou *bill* pou peye ler ou'n pran marsandiz. So, i kler. Ou bezwen annan en *cash register*. So, napa nesesite pou ou pe servi en *calculator*.

Dezyenm kestyon se, ki en kliyan i fer, se ki, si li i war

pou dir ki i annan *cash register* pa pe ganny servi, *calculator* pe ganny servi, i kapab raporte. E sanmenm sa ki mon krwar nou a fer en pe plis kominikasyon lo ki manner ou raporte. Mon a koz avek *SLA*, avek bann lezot. Ki prosedir, ki nimerò ki ou bezwen *call*, ki sa-

Lo ou lot kestyon, se ki, si sa *cash register* i konekte? E parey mon'n eksplike pli boner, akòz i bezwen annan sa *software* ki konekte sa *cash register* avek sa sistenm *SRC*. Me vi ki *SRC* li menm li i ankor pe *set up* son sistenm nimerik, en, ki pou vin *the platform* ki pou ganny servi, nou bezwen, avan nou al rod sa *software*, les li fini *set up* son sistenm, ki prezan la ler sa sistenm i operasyonnel, sa *software* li i kapab vini. E pou konekte sistenm nimerik *SRC* avek sa *cash till* ki tou lenformasyon ava *flow*. Mersi Mr Speaker.

MR SPEAKER

Mersi Minis. Klarifikasyon Onorab?

HON EGBERT AGLAE

Minis mersi pou ou larepons. Etandonnen ki *SLA* i enn sa bann regilater ki donn *license* kondisyon, eski ... parey nou'n war lannen pase, *SLA* ti pe pase pe get bann *retail sectors*. Eski parti sa, pa zis get bann

prodwi ki *expire*, eski zot pe fer sa bann verifikasyon pou *enforce* ki sa bann *retailers* *once issue* en *license*, zot pe *abide* avek kondisyon. Pa dan milye semen zot kas kontour ek nou. Mersi.

MR SPEAKER

Thank you. Minis.

MINISTER NAADIR HASSAN

Mersi Mr Speaker. Mersi Onorab. Wi, *SLA* i devret pe ... Ler i fer son bann lenspeksyon kontini, i pe regard tou laspe kondisyon sa *license*. E vi ki sa i en kondisyon *license*, i devret pe regard sa. So, i sipoze pe fer tousala. Mersi.

MR SPEAKER

Thank you. Kestyon Onorab Esparon.

HON REGINA ESPARON

Mersi Mr Speaker. Mr Speaker mon kestyon i lo menm laliny avek sa ki Onorab Aglae in demande. Eski - Minis eski ou kapab dir nou, si la dan imedyat zot in mazin fer en *survey* pou regarde konbyen bann *retail shop* ki pe ganny difikilte pou konekte avek enn sa bann *cash machine*?

Epi si zot lo kote Minister Finans, konmsi zot kapab *liaise* avek sa bann *retailers* ki pe ganny difikilte, pou rode kote zot kapab *procure* sa

bann masin. Parski i annan marsan ki pe dir zot pa pe kapab ganny enn sa bann masin lokalman isi, e zot pe ganny difikilte pou zot kapab *procure* enn sa bann masin. Mersi.

MR SPEAKER

Mersi Onorab. Minis?

MINISTER NAADIR HASSAN

Mersi Mr Speaker. Mersi Onorab pou ou kestyon. Ler ... Annefe, lenplimantasyon sa linisyativ ti ganny *delay* pou plizyer mwan, nou ti anvoy li devan, senpleman pour Minister responsab pour Lenvestisman Lantreprenarya, ansanm ek *SLA*. *SLA* i tonm anba sa Minister, pou zot annan sa konsiltasyon avek, par egzanp Lasosyasyon bann *Retailers*, pou fer sir ki zot konpran ki bann *requirements* of sa bann sistenm, sa *cash register* ki zot pou bezwen. E donn zot letan pou zot kapab *procure*.

So, ti annan en dele letan ki ti ganny donner pou zot kapab fer sa. E sa ti ganny agree avek ... Sa dele letan ti ganny agree avek Lasosyasyon *Retailers*. Me si i annan okenn boutikye ki pe ganny difikilte, mon ti ava ankouraz zot pou *get in touch* avek Minister. E nou kapab regarde ki mannyer nou kapab asiste zot. Mersi.

MR SPEAKER

Mersi. Wi, Onorab Esparon?

HON REGINA ESPARON

Mersi Mr Speaker. Zis Minis pa'n reponn mon kestyon. Si zot pe mazin fer en *survey* pou gete ki poursantaz bann marsan ki pa pe ... Pa ankor konekte lo la? Mersi.

MR SPEAKER

Mersi Minis. Ou kapab adres sa?

MINISTER NAADIR HASSAN

Wi Mr Speaker, mon pa war li en problem pou fer en *survey*. Mon ava pas sa avek Minister responsab pou kondwir en *survey* pou get *adherence* avek sa Polisi.

MR SPEAKER

Mersi. Onorab Woodcock, ou kestyon?

HON WAVEL WOODCOCK

Mersi Mr Speaker. Minis nou konpran rezondet aköz ki sa *cash registry* sistenm pe ganny entrodwi. Parey Onorab Arissol i dir pou dil en pe avek bann *issue tax evasion* dan lepase, sirtou par bann *retailers*.

Mon kestyon i regardan kou. Eski i annan en kou asosye avek koneksyon sa *centralised cash registry*

system avek *SRC*, sirtou kot i konsern kou ki sa bann *retailers* i bezwen peye? Eski i annan en kou ki asosye avek sa? Eski i annan en sonm larzan ki zot pou bezwen peye pou konekte avek sa *centralised cash registry system SRC*? Mersi.

MR SPEAKER

Mersi. Minis.

MINISTER NAADIR HASSAN

Mersi Mr Speaker. Mersi Onorab. Onorab, sa i pou vin en *requirement SRC*, ok? Savedir *SRC*, *through* Gouvernman, ki pou *bear* bann *cost of set up* sa sistenm. Par egzanp pou met sa sistenm an plas, sel keksoz kekfwa ki laboutik pou bezwen en koneksyon - en koneksyon *internet*.

Me vi ki bokou laboutik ozordi in deza annan kekfwa bann koneksyon pou *POS*, e zot ki bezwen koneksyon *internet*. Sa i pou sel *requirement* pou kapab fer ki asire ki sa bann *data* pe *flow from the till* to sa. Me *apart* sa, *in terms of software*, sa i responsabilite *SRC* e Gouvernman. Mersi.

MR SPEAKER

Thank you. Onorab Gabriel?

HON CONRAD GABRIEL

Mersi Mr Speaker. Bonzour tou Manm Onorab. Bonzour tou dimoun a lekout, spesyalman zabitan Pointe Larue. Minis mon ava al direk lo mon kestyon.

Eski i pou annan en *format* zeneral ki tou bann boutikye pou servi pou enplimant sa demars, oubyen zot pou lib pou fer zot prop swazir ki *software*, ki *hardware* zot pou servi?

Akoz petet la i en pe ouver, i kapab antre posibilite vol, lot, lot. Vi ki *SRC* pe sey *update* son sistenm nimerik. Eski pa ti en bon nide pou zot *merge* ansanm koman i ankor boner, pou kapab elimin bann evantyalite? Mersi.

MR SPEAKER

Mersi Onorab. Minis?

MINISTER NAADIR HASSAN

Mersi Mr Speaker, mersi Onorab. Parey mon ti pe dir boner, ti annan en konsiltasyon avek *Retailers Association* lo lenplimantasyon sa. E diskisyon ti ganny fer, e *SRC* osi ti *involved* ansanm ek *SLA*, e Minister responsab. E ler i vin *software - software* se *SRC*. I pou standar li. I pran en *software* ki pou fer sa koneksyon, e sa parey mon'n eksplike i pou responsabilite *SRC*.

Lo kote *hardware*, diskisyon ki'n pran plas se ki bann *hardware* ki ganny *purchased*, in ganny pou dir sa i kapab marse avek sa sistenm ki *SRC* pou met an plas. Mersi.

MR SPEAKER

Mersi. Bon nou'n terminen pou sa kestyon. Nou pas lo prosen kestyon ki dan non Onorab Richard Labrosse, me i an misyon aletranze. E Onorab Kelly Samynadin i a pran son kestyon. Onorab.

HON KELLY SAMYNADIN

Mersi Mr Speaker. Bonzour Minis avek ou delegasyon e tou dimoun a lekout. Kestyon Onorab Labrosse i al konm swivan;

Eski Minis pour Finans i kapab enform Lasanble ki zistans ou Minister in arive avek reform dan *tax* biznes? Mersi.

MR SPEAKER

Mersi. Minis?

MINISTER NAADIR HASSAN

Mersi Mr Speaker. Mersi Onorab pou ou kestyon. Mr Speaker, reform *tax* biznes, i enn ki kontinyel, e ki pe pran plas depi 2019. Sa bann reform i enportan pou asire ki tou bann Lalwa *Tax* i alinyen e obzektif Gouvernman anver nou lekonomi, e bann

devlopman ki pe arive lo lasenn enternasyonal.

An repons pou sa keston ozordi, mon pou pas lo bann reform kle ki Gouvernman in enplimante, e i annan lentansyon enplimante. Premye faz sa reform ti vir anver to *tax*. Anver to *tax* depresyasyon akselere e dediksyon lo *tax*. I bon note ki avan 2022, bokou sektor tel ki *tourizm*, *casino*, e *international corporate service providers*, i ganny bann to preferan syel.

Depi le 1er Zanvye 2022, sa bann to preferansyel in ganny tire. An plis ki sa, to *tax* ki ti 25poursan lo profi ziska 1milyon - R1milyon, e 30poursan lo okenn profi par lao R1milyonm, in redwir pou vin 15poursan pou profi ziska 1milyon, e 25poursan pou profi par lao R1milyon.

Lo kote depresyasyon akselere pou bann lenvestisman kapital, pou fer avek bann biznes *tourizm*, *lagrikiltir* ek *lapes*, nou ti fer li redwir sorti 145poursan pou vin 100poursan. Sa ti fer sir ki i ti o menm nivo ek bann lezot sektor.

Pou bann dediksyon; Dediksyon ki relye avek saler ki ganny peye a bann travayer ki sorti dan bann sant profesyonnel. Dediksyon lo zot *tax return* ti redwir pou vin

125poursan, sorti 200poursan oparavan. Dediksyon lo saler ki ganny peye ek bann etidyan sorti bann sant profesyonnel, e ki ganny anploye *part time*. Dediksyon to ti redwir sorti 150poursan pou vin 125poursan.

Dezyenm faz nou reform, Mr Speaker, ti komans lannen pase kot Gouvernman ti prezant ek Lasanble serten lamannman dan Lalwa *Biznes Tax* pou ede adres sa konsern *transfer pricing*. Trwazyenm faz reform ki nou'n komanse an 2023, e ki pe kontinyen, i lentrodiksyon bann rezim spesyal pou sa transformasyon e diversifikasyon dan lekonomi.

An zanvye 2023, nou'n komans avek Sektor *Fish Processing* ek Akwakiltir. Sa 2 sektor pe pey selman en to *tax* *biznes fixed* 15poursan lo okenn profi ki zot fer pou en peryod 10an. Katriyenm faz nou reform lo *tax* *biznes* in komanse an 2023. Sa i lye avek reveni i ganny kolekte par antite miltinasyonal kot zot looperasyon i plito pran plas *online*.

Sa reform i enn ki pe ganny gide par Lorganizasyon pour Korperasyon Ekonomik ek Devlopman, (*OECD*). Avek bokou biznes ki pe bouz zot looperasyon *online*, bann provizyon tradisyonnal ki'n

egziste pa'n kapab kouver zot bann loperasyon byen, pou asire ki *tax* ki relye ek reveni ki zot pe fer dan serten pei i ganny peye dan sa pei konsernen. Mersi Mr Speaker.

MR SPEAKER

Mersi Minis. Onorab, siplemanter lo sa kestyon.

HON KELLY SAMYNADIN

Mersi Mr Speaker. Minis anliny ek larepons ki ou'n donn nou konsernan sa bann diferan reform, e osi an liny avek rapor *OECD, OECD Tax Policy Reviews, 2020*. I annan plizyer rekomandasyon ki ti ganny met devan par sa lorganizasyon, avek bi pou kapab ganny en sistenm *tax* ki pli zis e soutenab.

Eski zot in pran sa bann rekomandasyon dan sa bann reform, byensir ki ou'n mansyonnen - eski zot in pran sa bann rekomandasyon an kont dan sa bann nouvo reform dan *tax*?

E dezyenmman, an vi ki dan lepase in annan lenstans kot in kontinyelman annan lenvazyon fiskal par bann pti operater biznes, kot zot pa'n toultan raport zot bann aktivite, ensi ki reveni presi. Kwa ki pe ganny enkli dan sa reform ki pou kapab rezourd sa sityasyon? Mersi Mr Speaker.

MR SPEAKER

Mersi. Minis, ou repons.

MINISTER NAADIR HASSAN

Mersi Mr Speaker. Mersi Onorab pou ou 2 kestyon. Lo premye kestyon, rekomandasyon *OECD*. Wi, bokou bann Polisi ki pe ganny pran i baze lo sa bann rekomandasyon dan sa *OECD Report*. Me toultan, nou fer li an konteks avek nou pei ... nou konteks domestik. *Ok?*

So, ou pou war poudir i pa pou 100poursan parey. I annan landrwa kot nou bezwen aziste pou nou fer sir pou dir ki nou Plan Stratezi Nasyonal Devlopman, i fer sir ki i ganny enkorpare dan nou bann Polisi fiskal.

Par egzanzp, si i annan serten sekter ki nou oule pouse, nou kapab donn en *tax rate* pou ankouraz li pou ... Me selman tou ou benefis ki ou gannyen i bezwen *time bound*. Nou pa kapab parey in deza ganny fer kot bann *tax benefit* i *forever*. *Ok? Tax benefit* i la pou ed ou komanse, grandi, ler ou vin en adilt, ou pey ou *tax* normal. So, sa i Polisi Gouvernman.

Lo dezyenm kestyon ki ou'n mansyonnen lo bann dimoun ki *evade paying taxes*. Ou konnen, e la mon ti a kontan fer en lapel. Mon krwar

i enportan. Mon krwar ozordi dan pei nou'n *demonize* sa laspe pey *tax*. Konmsi nou'n war si nou pey *tax* i en keksoz ki mal, *ok?* E nou ganny bokou komanter pou dir be *tax* isi, *tax* laba. Be se larzan *tax* ki ganny anmase ki pey tou servis, ki pey saler, ki pey servis Gouvernman, ki pey lenfrastriktir pei.

So, pey *tax* i nou responsabilite nou tou pou nou peye. E avek sa mon krwar lenportans ki nou pe donner ek SRC i war poudir SRC dernyen 2an son Bidze in grandi ase *significantly*. Se pou li kapab fer sa *compliance*, poudir ki, donn li resours, donn li plis kapasite, plis lekspertiz ki vini i sorti deor osi pou *build* li *up* pou kapab fer sa *compliance* ki nou tou nou pey nou *tax* ki nou devret peye. E pli pei i kolekte son *tax*, pli i kapab depanse pou benefis son pep.

E i annan en proze ase signifikan lo kote *digitalization* ki sipoze anmenn plis efikasite dan peyman *tax*. E sa osi i ava redwir en pe bann *tax evasion* ki arive. Me lanfaz for se *increase* kapasite odit *compliance* SRC, ki asire ki tou dimoun i pey zot *tax*. Mersi.

MR SPEAKER

Mersi. Kestyon Onorab William.

HON WAVEN WILLIAM

Meri Mr Speaker. Mr Speaker, mon ti a kontan ki Minis i fer sa tre kler dan son larepons. Savedir, Minis, ou pe dir ki ozordi dan Sesel, tou bann dimoun ki pe fer biznes, bezwen pey *tax*? Nenport ki sonm larzan ki ou fer?

E dezyenmman Minis, nou'n tande ki annan apepre en 8mil dimoun ki dan biznes enformel ouswa lanplwa enformel. Ki stratezi zot pou servi pou travay ek sa bann dimoun, pou asire ki zot met bann demann ki Gouvernman pe met devan? Mersi.

MR SPEAKER

Mersi. Minis.

MINISTER NAADIR HASSAN

Mersi Mr Speaker. Mersi Onorab pou ou kestyon. Lo ou premye kestyon se ki i annan *tax* ... en rezim *tax* ki tou dimoun, tou biznes ki an loperasyon i *subject to*. *Ok?*

E parey mon ti'n mansyonnen pli boner, i annan biznes ki fer *between zero to* 1milyon, ki annan en to *tax* pli ba. Apre ler ou sot sa 1milyon i mont 25poursan. Apre i annan bann sekter parey Banker, Telekomunikasyon. E lezot ki zot, zot pey en to pli o menm ki

33poursan. So, i annan bann diferan *rates*.

Me selman, *biznes tax* i *applicable* pou tou *biznes* ki *operate*. Me *of course* i diferan dapre serten *sektor* ki *operate*, e kantite *profi* ki ou pe fer. E i osi i annan *biznes* ki pe baze lo *profi*, en. Apre i annan en lot *rezim* ki ou kapab pey sa ki nou apel *presumptive tax*. Ki ou pey en *poursantaz* baze lo *reveni* ki pe antre. So i annan diferan *mezir*.

Ou dezyenm *kestyon* ti lo kote *Sektor Enformel*. Ou konnen, *Sektor Formel*, nou pa ... *Premyerman*, *Sektor Enformel* i ... Ler nou'n get *Sesel*, i ase *signifikan* *Sektor Enformel*, en. E i annan son danze ek *Sektor Enformel*. Son danze se ki ou annan en *group popilasyon* ki pa pe *ganny capture* dan *formal employment*, e ou pa pe anmas *tax* lo sa *group*, *ok?*

Be selman *parey* zot konnen, zot in *debat* sa en *kantite* *semenn* *pase*. Tou *dimoun* ler pou *ariv* son *laz retret* i pou *ganny kouver* anba *Gouvernman*. E tou *dimoun* i *servi servis* *Gouvernman*, *be it* *ledikasyon*, *lasante*, *semen*, tou *lezot lenfrastruktir*. Nou tou nou *servi* sa bann *lenfrastruktir*. E, si nou kapab *anmenn* *plis* *dimoun* dan *Sektor Formel*, kot nou *kontribye tax*, i fer li pli *fasil*

pou *Gouvernman*, pou *invest* dan sa bann *lenfrastruktir*.

So, ou *kestyon* i pa en *keksoz* *fasil*, ki *mannyer* ou *anmenn* *dimoun* *from* *enformel* to sa. Me i annan en *komansman* *travay* nou pe fer, ki *mannyer* nou kapab *incentivise* *dimoun* pou *vin* dan *Sektor Formel*, pey zot *pansyon*, pey zot *tax*. E demen zot menm zot sa bann *dimoun* ki pou *benefisye*, aköz sa i *vin* *parey* en *lasirans* pou ou. Ler ou dan *Sektor Formel*, ki ou napa ler ou dan *Sektor Enformel*.

E si ou get *one of the...* En *leson* ler ti annan *Pandemik COVID-19*, se bann *dimoun* ki ti dan *Sektor Enformel* ti pou napa en *lankadremman* pou zot. So? Mersi.

MR SPEAKER

Mersi Minis. Onorab Woodcock, ou *kestyon*.

HON WAVEL WOODCOCK

Mersi Mr Speaker. Minis, apard sa *levy* pou *lanvironnman* ki'n *ganny entrodwi*, ki bann *lezot nouvo tax*, *ouswa logmantasyon tax* ki'n *ganny entrodwir*? E si ou kapab *donn* en pe *deta* lo la.

E osi en *pti* pe lo bann *rediksyon* lo serten *tax* osi ki zot in *donnen*. Sirtou lo sa *zafer tax* lo *profi* par anba ... *well*, par lao R1milyon. I

annan en kou ou peye par ... En *tax* ou peye par anba 1milyon avek ... I en lot kou pa lao 1milyon. I annan en pe konfizyon lo la, la deor la.

Ki annan ki pe dir ki annefe par lao 1milyon zot pe pey plis ki avan. Me petet ou kapab donn en pe detay lo la, zis pou laklarte pou klarifikasyon pou bann dimoun ki la deor. Mersi.

MR SPEAKER

Mersi. Minis.

MINISTER NAADIR HASSAN

Mersi Mr Speaker. Mersi Onorab. Onorab lo profi anba 1milyon - annefe *tax rate* ti sorti 25, in vin 15poursan. So, in redwir par 10poursan. E par lao 1milyon, in sorti 30poursan in vin 25poursan. So, annefe *tax rate* in redwir, i pa'n monte. Mersi.

MR SPEAKER

Mersi. Onorab Pillay, mon a *extend* en ptigin pou ou silvouple. Ou kestyon.

HON SEBASTIEN PILLAY

Mersi Mr Speaker. Mon kestyon i ase direk. Prenon kont ki ou'n mansyonn plizyer mezir ki ou pe pran, me nou pe vwar, par egzanp la le 31 Mars 2023 ... Petet Onorab pa'n get lenformasyon. *Environment levy* in ganny *postponed*.

Sa ki mon ti a kontan demann ou, apre ou ti vin devan Lasanble, ou ti koz ek nou lo *tax* 2poursan lo 25milyon, e nou vwar Gouvernman in *go back* lo sa desizyon. An se moman la, konbyen bann desizyon lo bann mezir *tax* ki Gouvernman pe pran, ki Gouvernman pe re diskite, oubyen pe rekonsidere?

E kan eski ou pou dan en pozisyon pou ou prezant avek Lasanble, prenon kont ki *in the first place* ou ti prezant sa bann mezir devan Lasanble. Kan eski ou pou dan en pozisyon pou ou vin devan Lasanble, oubyen pou anvoy kot Lasanble en dokiman, lo kote ou ete avek bann mezir *tax* ki ou ti anonse, an relasyon avek *speech* Bidze lannen pase, e bann *speech* Bidze o paravan? Mersi Mr Speaker.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker. Mersi Onorab. Onorab, i annan 2 mezir ki ou pe koz lo la. Premyerman i sa ki nou ... I apel *turnover tax* ki 2poursan. Ti anonse lo R25milyon *turnover*. Sa in fini ganny diskite, e lenplimantasyon in komanse. Me selman lo en

turnover of R100milyon. Ok? Sa i premye, e sa in fini finalize.

Dezyenm, se sa *environmental levy*, en? Sa i annan bann diskisyon ki pe ganny fer ... Ankor pe ganny fer dan Gouvernman ek lendistri, pour ki mannyer pou ganny konnekte. *Ok?* E nou antisipe ki sa pou vin *effective* le 1er Zen. Me, koman tou keksoz i finalize, la mon a vin prezante devan Lasanble. Sa pa en problem. Mersi.

MR SPEAKER

Thank you. Klarifikasyon Onorab?

HON SEBASTIEN PILLAY

Wi, vreman vit, Mr Speaker. *Ok.* Prenon kont ki nou pe koz *tax*, e nou pe koz reveni, e nou konnen poudir tourizm i landrwa ki nou *mainstay* pou ganny reveni. E nou pe sey adres kovidikte reveni. Ler touris in arive isi, me avan i vini.

Be an relasyon ek *Travizory*, nou ti osi ganny serten prononsman lo kontribisyon *Travizory* dan lekonomi, e lefe ki la kantite touris in ogmante, mon preziman *Travizory* in fer en kantite larzan. So, kote Gouvernman i osi ete avek bann mezir pou nou kapab konnen konbyen *Travizory* i

sipoze pe kontribye vizavi lekonomi. Kan nou konnen zot osi zot pe kolekte en *fee* an relasyon pou lanvironnman an se moman. Mersi Mr Speaker.

MR SPEAKER

Mersi. Minis.

MINISTER NAADIR HASSAN

Mersi Mr Speaker. Mr Speaker mon pa pou le al an detay lo kote *Travizory*, kantite larzan. Akoz mon napa sa lenformasyon la avek mon. Kekfwa si ti annan en kestyon spesifik lo *Travizory* ki Minis responsab pou transpor, i kapab vin donn detay. Me, *in terms of* sa *environmental fee levy*. *Well*, i pa en *levy*. En *environmental contribution* ki ganny kolekte *through Travizory*, sa i pirman en kontribisyon volonter ki ganny fer *from* bann touris ki vini.

Lo sa ki nou, nou pe propoze lo sa *tax*, se i pou en kontribisyon mandatwar. E parey mon ti eksplike, se larzan ki pou *go* dan Bidze pou siport bann mezir ki bezwen ganny pran pour, enn; kit nou pei prop. Dezyenm, bann proze ki annan pou fer avek, parey par egzanp, adaptasyon lo kote lakot, en? Bann fasilite ki touris i servi. E sa. Mersi.

MR SPEAKER

Mersi Minis. Nou a pas lo prosen kestyon. E sa osi i en kestyon dan non Onorab Labrosse, e Onorab Samynadin i a prezant son kestyon.

HON KELLY SAMYNADIN

Mersi Mr Speaker. Dezyenm kestyon Onorab Labrosse i al konm swivan; Eski Minis pour Finans i kapab enform Lasanble si i annan en *financial sector strategy* pour sa bann lannen ki pe vini? Mersi Mr Speaker.

MR SPEAKER

Mersi Onorab. Minis?

MINISTER NAADIR HASSAN

Mersi Mr Speaker. Mersi Onorab. Mr Speaker, Gouvernman pe finaliz son plan devlopman Nasyonal, e en pilye kle se transformasyon lekonomi. Sekter Finansyel i en sekter ki nou war sa transformasyon pou arive, e pou annan plis krwasans dan mwayen term.

Mr Speaker, en Komite Nasyonal ti formen ansanm avek Sekter Prive pou travay lo en stratezi pou devlopman Sekter Finansyel dan konteks domestik, osi byen ki enternasyonal.

Premyerman les mon koz lo Sekter Finansyel Domestik. An sa ki konsern Sekter

Domestik, lanfaz pou lo asire ki lankadremman pour labank, lasirans, pansyon, *capital markets, payment service providers*, e lekonomi enformatik, i apropiye pou ankouraz devlopman dan sa bann sekter, e asire ki servis e prodwi i azour avek nou popilasyon, ek bezwen nou popilasyon.

En nouvo Lalwa pou Pansyon Prive pe ganny devlope sa lannen pou ankouraz devlopman bann prodwi pansyon koman en opsyon adisyonnèl, pou siport nou popilasyon ler zot pran zot retrait. Lalwa Fon Pansyon osi pe ganny met azour. Lasirans osi i en sekter avek bokou potansyel pou devlopman. E Gouvernman pe fer li nesese pou moderniz Lalwa e regilasyon lasirans.

Le bi, se pou promouvwar bann prodwi de kalite e apropiye dan sa sekter, ki a donn biznes, osi byen ki endividyel akse avek plis opsyon lasirans. Gouvernman pe osi vwar Sekter *Capital Markets* koman enn kle pour nou lekonomi. Tandis ki tradisyonnèlman bann biznes Sesel in plito apros bann labank pou finansman, sa sekter i kapab ofer en lot opsyon pou pret larzan.

An menm tan, i reprezant en loportinite pou plis Seselwa partisip dan sa marse, e investi dan biznes lokal. Nou pou angaze pou devlop en sekter ki konparab avek norm enternasyonal. Plizyer zefor e devlopman pe osi ganny antreprann pou moderniz sistenm nasyonal pou peyman. Pou fer bann fasilite peyman pli efikas, konvenab, fyab e abordab.

Bann nouvo Prozedlwa, tel ki *e-money*, i ekspekte reprezant en lot loportinite pou devlopman dan sa sekter. E pou ogmant enklizyon finansyel par promouvwar akse avek servis e prodwi finansyel. Bann lankadreman pou fasilite *cross-selling* bann prodwi finansyel, pe osi ganny revwar.

Stratezi lekonomi lenformatik i enn ki tre enportan pou konplimant devlopman dan Sekter Finansyel. An 2021, *Cabinet* ti aprouv rekomandasyon pou sa sekter e komite ki'n ganny apwente. In travay lo en plandaksyon pou enplimantasyon. Sa plandaksyon i annan bi pou amelyor lentegrasyon teknolozi dan pei, e dan Sekter Finansyel.

E sa pou dan 5 pilye ki amelyor lenfrastriktir teknolozi dan pei; amelyor

digital skills pou asir enklizyon popilasyon e akse legal a loportinite ki teknolozi i anmennen; promouvwar enplimant pli *platform* nimerik dan Servis Piblik; amelyor enklizyon finansyel par *digitalizing* bann sistenm peyman. E senkyenm, devlop bann striktir ki ankouraz en kiltir lantrepranarya, pou ede diversifye ekonomi.

Pou Sekter Finansyel Enternasyonal, Mr Speaker, an ki konsern sa sekter, stratezi pou konsider en sekter avek plis *value addition*. Setadir en model kot plis servis e aktivite i ganny antreprann Sesel avek plis responsabilite. I lopinyon Gouvernman ki en tel model pou sa sekter i enn ki annan posibilite pou anmenn bokou benefis pou pei.

Avek plis prezans fizik e permanans, sa bann biznes pou bezwen plis *goods and services* ganny delivre Sesel menm, ki prezant loportinite pou biznes dan diferan sekter, pou osi benefisy e avek sa devlopman.

Sa model i osi antisipe anmenn bokou plis loportinite lanplwa dan pei. E se en lobzektif prensipal pou stratezi, pou devlop bann *skills* nesese pou fer ki nou annan plis Seselwa kalifye dan sa sekter. Avek serten

lamannman dan Lalwa resaman, bann antite dan Sekter Prive pe bezwen rod nouvo travayer pou onor zot bann lobligasyon.

Labank Santral pe kontinyen finans 2 labours tou le lannen. Lotorite Servis Finansyel, FSA, pe osi finans en program labours o nivo degre e *masters*. FSA pe osi ofer labours pou en endividi pou fer formasyon dan *International Compliance Association, ICA, Certificate in compliance*.

Gouvernman in osi met kalifikasyon nesese dan Sekter Finansyel lo lalis priyorite labours ki Gouvernman i ofer. E osi *Scheme Loan* ek bann Labank Komersyal. Nou pou bezwen plis Seselwa kalifye dan sa domenn pou fer sir nou kapab donn lezot servis Sekter Finansyel. Pou devlopman sa sekter, i esansyel ki repitasyon Sesel i enn ki promouvwar latransparans, e ki an konformite avek standar enternasyonal.

Mr Speaker, bokou in ganny fer pour *attend* sa lobzektif, me an menm tan i ankor annan bokou Lalwa ki pou ganny prezante devan Lasanble Nasyonal an mwayen term. Sesel in sorti lo *Annex 1*, lalis Linyon Eropen pou bann ziridiksyon ki pa korpore lo

tax, e ganny mete lo *Annex 2*.

Sesel pe esper Lorganizasyon pou Korperasyon Ekonomik e Devlopman, *OECD*, prezant son rapor an Zen 2023, lo evalyasyon lefikasite lankadremman, lesanz lenformasyon *tax*.

Mr Speaker, semenn pase, komite Nasyonal Anti-Blansisaz Larzan e pou Lit Kont Finansman Terorizm, ti prezant rapor Sesel pou demann *ESAAMLG*, pou amelyor *rating* Sesel. Dapre sa 40 Standar *Financial Action Task Force*, Sesel ti reisi ganny *upgrade* dan ankor 5 parmi sa 40 Rekomandasyon *FATF*.

Sa i fer ki nou an konformite avek 34 sa bann rekomandasyon. E i reste ankor 6 defayans ki nou ekspekte demann en *re-rating* pou *meeting ESAAMLG* an Avril 2024. Mr Speaker, pour lannen 2023, nou ekspekte travay lo nouvo Lalwa pou fer sir ki nou reste an konformite ek standar enternasyonal.

Mr Speaker, mon rekonnet ki nou ankor pe finaliz sa stratezi Sekter Finansyel, me nou kontinyen angaze pou finaliz sa stratezi par lafen 2023, e fer sir nou anliny avek Plan Devlopman Nasyonal. Sa stratezi Sekter Finansyel pou enkorpor Sekter Finansyel Domestik, e

osi Enternasyonal. I annan bokou laspe ki'n deza komanse, me selman nou bezwen finaliz sa dokiman ek Sekter Prive, pou fer sir ki nou war transformasyon an mwayen term. Mersi Mr Speaker.

MR SPEAKER

Mersi Minis. Siplemanter Onorab Samynadin?

HON KELLY SAMYNADIN

Mersi Mr Speaker. Minis ou'n koz lo lankadremman pou labank, reform dan Lalwa, ensi ki devlopman dan lenformatik. Me selman mon ti a kontan konnen dan ki fason ki bann lezot konponan kle Sekter Finansyel, tel ki bann lenstitisyon, servis eksetera, pe ganny ankadre? Pou ki a lonterm i a garanti kreasyon plis profi? Mersi.

MR SPEAKER

Mersi. Minis. Ou a adres sa silvouple?

MINISTER NAADIR HASSAN

Mersi Mr Speaker. Mersi Onorab. Mr Speaker, ki ... Ler nou pe get sa stratezi Sekter Finansyel, se ki mannyer nou vreman elev li *as* en pilye signifikan dan lekonomi. E pou mwan lanfaz i devret ... *The primary objective* i devret lo kreasyon lanplwa. *Ok?*

E, annou get Sekter Finansyer Enternasyonal, ki dan lepase son *business model* ti for lo anrezistre bann lakonpanyen. E sa bann lakonpanyen i al dan plizyer pei, i *operate*, i fer son bann aktivite. Li i ti anmenn son prop *risk*.

Ler nou pe gete avek bann nouvo *requirement*, se bann antite finansyel ki pou anrezistre Sesel, i pou bezwen annan en prezans Sesel. Fizikman annan en prezans. I pou bezwen an loperasyon Sesel. E sa ki i fer? Ler i anmenn en bout son biznes Sesel, i kree en ekosistem *around* li. I bezwen anploy dimoun. I bezwen *rent* lofis. I bezwen servi bann lezot fasilite. I kree lezot biznes *around* li.

E mon krwar sa ki nou bezwen vreman met an plas dan sa linisyativ pou nou kree bann lanplwa pou Seselwa, ki pey byen. Ozordi en *compliance officer* pe ganny 30, R40mil. So, sa i bann lanplwa ki nou devret pe kree plis, pou nou dimoun ganny plis, nou zenn ganny plis loportinite. E i pou kree plis devlopman ekonomik. Mersi.

MR SPEAKER

Mersi. Nou a bouz lo prosen kestyon. E sa se en kestyon dan non Onorab Gervais

Henrie. E se Onorab Naddy Zialor.

HON NADDY ZIALOR

Mersi Mr Speaker. Mr Speaker, an akordans avek *Standing Order* 32, kestyon pou Onorab Henrie i lir konm swivan;

Eski Minis pour Finans i kapab dir nou Lasanble, ki bann kad legal ki annan an plas pou reglemant bann lakonpanyen etranze e enternasyonal, ki vin donn kek servis bann gran lakonpanyen lokalman, e eski sa kad legal i adekwa e a zour?” Mersi Mr Speaker.

MR SPEAKER

Mersi. Minis ou repons.

MINISTER NAADIR HASSAN

Mersi Mr Speaker. Mersi Onorab pou sa kestyon. Mr Speaker, anba Lalwa *Tax Biznes* 2009, i annan en seksyon ki fer provizyon pou takse bann lakonpanyen, ou menm endividi etranze ki vin fer servis pou lakonpanyen lokal, e ki reste dan Sesel pou mwens ki 90 zour *aggregate*, dan en peryod 12mwan.

Sa *tax* i apel *withholding tax*, e i aplikab pou bann servis ki ganny defini koman teknikal. Sa to *tax* i 15poursan, me i kapab diferan si sa lakonpanyen ki vin ofer

sa servis i rezidan en lot pei avek ki Sesel i annan en Lagreman *Double Taxation Agreement* avek.

Par kont, si prezan sa lakonpanyen, oubyen endividi etranze dan Sesel, i plis ki 90 zour dan en peryod 12mwan, la i pou etabli en letablisman permanan. Sa ki nou apel, en *permanent establishment*. E alor ganny regarde koman en biznes domestik, ki vedir i pou bezwen vin anrezistre kot SRC e respekte tou bann lobligasyon. Tel koman soumet *tax return*, e fer peyman anyel parey tou lezot biznes.

Mr Speaker, eski sa kad legal i adekwa e azour? Pa antyerman. An vi ki sa provizyon i restriktiv an term kalite servis ki i ganny ankadre anba la. Osi, sa lankadreman zour, 90 zour i tro kourt, e pa anliny avek nou definisyon rezidan anba Lalwa *Tax*, e menm pa anliny avek pratik enternasyonal, ki la mazorite fwa i 183 zour.

I annan konsern osi ki lefe ki sa peryod i ase kourt, i fer li pli fasil pou en biznes ganny afekte avek definisyon letablisman permanan. E fer ki i oblize anrezistre e soumet *tax return*, ki zot war li koman en *administrative burden*. Anvi

ki zot napa lentansyon reste Sesel lo en baz permanan.

Sa 90 zour, i osi fer ki i kapab annan lenplikasyon lo sa *tax*, lo sa to *tax* ki i peye. Pou le moman in depas sa kantite zour. Espesyalman si son reveni i anba R1milyon, kot i pou pey zis 1.5poursan *presumptive tax*, olye 15poursan *withholding tax*. Mr Speaker, travay nesese pe fer pou adres sa bann defayans. Mersi Mr Speaker.

MR SPEAKER

Mersi Minis. Wi, Onorab Zialor, siplemanter.

HON NADDY ZIALOR

Mersi Mr Speaker. Minis anliny avek larepons ki ou'n donn nou bomaten, eski ou kapab dir avek nou, ki kategori servis ki plis lakonpanyen etranze pe ganny kontra pou vin fer isi Sesel? E, ki son estimasyon kou, an term *of* i ganny sarze pou sa bann lakonpanyen? E petet an term reprezantasyon *tax*, eski i pe ganny peye, e ki kantite egzaktaman ki pe ganny peye Sesel?

Lo ou dezyenm bout kestyon letan ou'n koz kad legal, ou'n dir nou pa nesese man. Sa i vedir ki pa nesese man i satisfezan? Eski Lotorite konsernen i okouran ... Eski tou Lotorite konsernan

i okouran kantite prezans sa bann lakonpanyen i annan?

Depi kan zot in arive e kan ki zot ale? Anfen ki tou peyman ki merit ganny peye, i ganny peye, ki konsern peyman pou Sesel. E an sa ki konsern travay ki kantite travay egzaktaman an term travayer ki zot annan isi Sesel? Mersi.

MR SPEAKER

Mersi Onorab. Bokou detay dan sa kestyon. Mon pa konnen si Minis i kapab klarifye serten, omwen? Minis.

MINISTER NAADIR HASSAN

Mersi Mr Speaker. Mersi Onorab. Wi, Mr Speaker. I annan en bon pe detay. Me nou'n pran *note* sa bann detay dan ou premye kestyon ki ou'n demande, e nou kapab anvoy en *written answer* kot Lasanble pour sa bann lenformasyon, sa. Lo dezyenm kestyon, mon a pas avek SS Payet, i ava reponn. Mersi.

MR SPEAKER

Mersi. SS?

SS PATRICK PAYET

Mersi Mr Speaker. Bonzour tou Manm Onorab e tou dimoun ki a lekout. Mr Speaker, dezyenm kestyon ki prosedir ki egziste ozordi. Si en lakonpanyen, par egzanp in

siny en kontra avek en lakonpanyen deor, in vini in siny avek en lakonpanyen lokal.

Pou donn par egzanp en *consultancy*, ouswa en odit isi Sesel. Si letan SRC i ale, letan i pe fer son odit, i vwar ki par egzanp sa lakonpanyen lokal, li i pa'n *withhold* sa *tax*, sa lakonpanyen lokal li i pou *liable*. So, sa i en bann lankadreman ki nou mete.

Akoz i osi bezwen fer sir ki sa lakonpanyen lokal letan i pe siny sa bann Lagreman avek, par egzanp sa bann konsiltan, ouswa bann lakonpanyen enternasyonal. Li i bezwen fer sir ki i bezwen regarde, eski i annan en *DTA* ki egziste, *Double Taxation Agreement*? Apre osi konn bann provizyon Lalwa ki egziste dan Lalwa *Biznes Tax*. Me si li i pa'n fer sir ki i annan *withholding tax*.

E sanmenm sa ki nou apel li *withholding tax*, aköz sa lakonpanyen avan i fer peyman, li i bezwen tir sa 15poursan, apre li i fer sir i *remit* sa avek SRC. Sa i prosedir lankadreman ki nou mete. E si sa pa arive, definitivman sa lakonpanyen lokal i pou *liable*. Mersi.

MR SPEAKER

Mersi pou sa SS. Siplemanter Onorab Aglae.

HON EGBERT AGLAE

Mersi Mr Speaker. Minis, sa ki mon anvi ou eklersi mwan la, i baze lo bann kontra ki ganny *bid* enternasyonal, baze lo ... I kapab en proze ki pe fer isi, pou en proze ki per fer Sesel. Ouswa en lakonpanyen Sesel menm li, ki bezwen servis en antite aletranze, baze lo sa ki Lalwa i permet li pou li antre ladan.

Eski i pou parti bann kondisyon ek sa kontra ki ler sa travay in fini fer, sa antite i bezwen ale kit Sesel, ale. Kot ouswa, i pou ganny permet pou li agrandi son *scope of* travay. Si i annan okenn kontra lokal ankor ki monte, aköz in fini *operate* dan ou pei la – eski ... Aköz in arive kot ou war lakonpanyen in vini, e lakonpanyen in reste. Eski nou, nou pou kontinyen ankouraz sa kalite pratik? Mersi.

MR SPEAKER

Mersi. Minis.

MINISTER NAADIR HASSAN

Mersi Mr Speaker. Mersi Onorab. Mon pe mazine ou pe refer referans avek bann lakonpanyen ki pa dan Sekter Finansyel la, *ok*? Lo kote Sekter Finansyel, i kler. Ou bezwen annan ... Ou

bezwen *license by en regulator* Sesel.

So, si ou pe fer aktivite banker, servis peyman, Labank Santral. Si i bann aktivite ki tonm anba *FSA regulator*. So, ou bezwen en *license*. Ou pa kapab fer aktivite Sesel san en *license*. Sa i kler.

Si mon pe ganny ou byen, ou pe koz lo Sekter *Non-Finansyel*. Bann lakonpanyen, mon pa konnen mwan, konstriksiyon, lot, lot. Sa, Mr Speaker, i ganny gide par bann Lalwa lo lenvestisman dan pei. I annan sekter ki ouver. I annan sekter ki fermen pou bann investiser enternasyonal. E sa i bann Lagreman ki'n ganny fer dan lepase, *ok?* Ki ozordi nou *legally committed* ek sa bann Lagreman.

Par egzanp, si en sekter anba ... Dan nou Lagreman Servis ek *WTO* i ouver, nou pa kapab dir investiser ki pe vin Sesel, ou pa pou kapab vini Sesel, etabli ou. Sa i *within your rights* pou *apply* en *license* parey nenport ki, *ok?*

So, mon krwar nou bezwen pran li dan son spesifisite, akoz i annan diferan sekter i annan diferan *rules* ki'n ganny met an plas. So, pou mwan donn ou en larepons spesifik, i pa posibil akoz i en kestyon ki ase ... Sak

sekter i annan son prop *rules* ki gid li. Mersi.

MR SPEAKER

Siplemanter Onorab?
Klarifikasyon.

HON EGBERT AGLAE

Vitman.

MR SPEAKER

Bref silvouple. Nou bezwen terminen.

HON EGBERT AGLAE

Minis Mersi pou ou larepons. Minis, sirtou lo kote Sekter Finansyel mon konpran mwan, *ok?* Sirtou si nou pe koz parey Sekter Konstriksiyon, Sesel i en pti marse, *ok?* E letan ou pe war poudir i annan serten bann lakonpanyen ki sorti la deor, ki vin *compete*, e i reste avek sa ki lokal. E sa i poz en gran dezavantaz. So, sa i petet en keksoz ki devret ganny revwar.

Malgre nou dan *WTO*, i pa vedir ki nou bezwen aksepte tou keksoz ki *WTO* i dikte lo pei Sesel. Akoz nou osi nou annan en restriksyon e i annan serten spesifisite. Mersi.

MR SPEAKER

Mersi. Mon a lye rekomandasyon. Mon asire Minis in note. Onorab Pillay,

ou annan en dernyen kestyon?
Nou a termin la silvouple.

HON SEBASTIEN PILLAY

Wi, Mr Speaker, mon annan en dernyen kestyon tre senp, *ok*. So, Minis ou'n lir nou en kantite keksoz ki zot pe fer *regarding* Sekter Finansyel. Be, eski ou krwar ki ler Gouvernman i donn en desizyon apre i sanze, ki lenpak sa pe annan? Eski zot in ganny serten reprezantasyon pou ki i gannyen ... I annan klarifikasyon lo ler Gouvernman i sanz sa bann desizyon.

Parey nou'n al ... I annan bann lot *tax* ki nou'n anonse? E resaman la nou'n vwar ki Gouvernman in retir en Lalwa ki konsern lo Lalwa *Foreign Exchange*, ki ti pe anmenn serten sanzman. E ler nou pe koz Sekter Finansyel, nou pe koz bann stratezi. Akoz ki Gouvernman in war en nesosite pou retir sa Lalwa? E ki mannyer zot kominik sa bann lenformasyon avek bann akter, bann lezot endividi ki pe vin dan sa sekter? Mr Speaker.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker. Mersi Onorab. Si ou pe fer referans

direkteman avek desizyon pou *withdraw the Bill* pou *Foreign Exchange Act*. Parey ou okouran, *Foreign Exchange Act* in ganny ... Pou administre *the Foreign Exchange Act*, in ganny delege avek Labank Santral, *ok*?

So, bann lamannman ti pe travay lo la par Labank Santral. E mon mon'n ganny kominikasyon pou dir ki i annan bann lezot keksoz ki zot le adrese dan sa Lalwa. E *given* kantite lamannman adisyonnèl ki zot ti le fer, i fer plis sans pour *withdraw*, apre *resubmit* sa *Bill*. Ti napa okenn komikman eksteryer pou dir ki *Foreign Exchange Act* ti pe al ganny sanze.

So, mon pa war li annan okenn lenpak lo sa *Bill* spesifik ki ou'n mansyonnen. I senpleman ki mon *as* Minis Finans mon ganny *advised* par Labank Santral, pou dir ki zot le fer ankor en pe plis travay lo sa Lalwa. E ti a bon ki sa *Bill* i ganny *withdrawn* e apre i a reganny *submit* ek Lasanble. Mersi.

MR SPEAKER

Mersi Minis. Bon nou annan 2 kestyon ki reste. Enn i en kestyon regilye dan non Onorab Gervais Henrie. Lot i en Kestyon *Without Notice* ki'n soumet par Onorab Mondon. Tou lede i lo menm size, e

Minis in propoze ki i bezwen pran tou lede kestyon ansanm. En sel repons. Donk nou a poz sa 2 kestyon, e Minis i a donn son larepons. Onorab Zialor, ou kapab poz kestyon nimerò 20.

HON NADDY ZIALOR

Mersi Mr Speaker. Mr Speaker kestyon.

MR SPEAKER

Sorry, eskiz mwan. Nimerò 21.

HON NADDY ZIALOR

21, *yes*.

MR SPEAKER

Wi.

HON NADDY ZIALOR

Kestyon i konm swivan; Eski Minis pour Finans i kapab dir avek nou Lasanble si pei e Gouvernman i dan en pozisyon kot i kapab zer sekter byen vertyel ki nou apel *virtual assets*, an Angle? Mersi.

MR SPEAKER

Mersi. Onorab Mondon, ou Kestyon *Without Notice*.

HON TERENCE MONDON

Mersi Mr Speaker. Mon kestyon i lir koumsa; An vi lanpler ki *cryptocurrency* in pran lo marse finansyel, eski Minis i kapab donn Lasanble en apersi lo nivo aktivite

cryptocurrency dan nou pei, e plan Gouvernman pou asir bon devlopman sa sekter? Mersi Mr Speaker.

MR SPEAKER

Mersi. Minis, ou repons.

MINISTER NAADIR HASSAN

Mersi Mr Speaker. Mersi Onorab pou sa kestyon. Mr Speaker, Sekter Finansyel atraver lemonn pandan sa dernyen 5 a 7an in eksperyans en transformasyon dan lafason ki biznes i ganny fer, sirtou kot i konsern metod peyman.

Sa transformasyon i enkli lentroduksyon *cryptocurrency*. En lenstriman ki pran laform vertyel, ki reprezant en valer pou en keksoz ki oule aste, oubyen gard dan ou posesyon. Son valer i ogmante depandan kantite fwa i ganny aste, pou servi lo en platform strikteman vertyel.

Cryptocurrency i en lenstriman ki prezant en valer ki kapab servi pou fer biznes, ou lenvestisman. Zis parey okenn lenstriman peyman i osi kapab ganny servi pou aktivite ilegal, tel ki blansisaz larzan ou lezot kalite frod. Lo nivo Sesel, nou osi pe rikord aktivite *cryptocurrency*. Me lo ki lanpler?

Premyerman, atraver konplent ki Lotorite Servis Finansyel SFA pe resevwar, sorti kot investiser ki swa in perdi zot larzan oubyen lenvestisman, nou okouran ki i annan serten *international business companies*, biznes anrezistre Sesel avek ki angaz dan aktivite *cryptocurrency*.

An 2018, ti annan 28 konplent ki ti rikorde. 5 ladan ti konsern aktivite ki servi *cryptocurrency*. An 2019, dan 27 konplent ki ti rikorde, 9 ladan ti konsern aktivite ki servi *crypto*. An 2020, dan 12 ka ki ti rikorde, 8 ladan ti konsern aktivite ki servi *crypto*. An 2021, dan 27 ka ki ti rikorde, 23 ladan ti konsern aktivite ki servi *crypto*. Tousala i demontre en logmantasyon dan sa aktivite par bann *IBCs*.

Dezyenmman, par Seselwa ki pe rod plis fason lenvestisman, e Lotorite i okouran ki i annan plis lentere par manm piblik, e biznes, pou fer aktivite an servi *crypto*. I bon note ki *cryptocurrency* pa ganny *recognised* koman *legal tender* par Labank Santral Sesel. E si okenn endividi ki *trade* ladan, i fer li a son prop risk.

Trwazyenmman, par demann swa - swa lokal oubyen enternasyonal ki ganny fer atraver diferan

Lotorite, tel ki *FIU e unit* ki fer lenvestigasyon pou krim finansyel, *FCIU*, dan Servis Lapolis. Sa i pou demann lenformasyon, oubyen lasistans dan lenvestigasyon lo lakonpanyen ki anrezistre Sesel, ki pe fer aktivite ilegal an servi *crypto*.

Ant le 1er Zanvye 2019 ziska le 31 Mars 2021, *FIU* in rikord 187 demann pou lenformasyon lo bann lakonpanyen. Ant le 1er Zilyet 2019, ziska le 31 Mars 2021, *FCIU* in rikord 44 demann pou asiste ek lenvestigasyon lo bann lakonpanyen.

Mr Speaker, anvi ki *cryptocurrency* i kapab ganny servi dan aktivite ilegal, *Financial Action Tax Force, FATF*, sa antite mondyal kont blansisaz larzan, in etabli standar enternasyonal ki diferan pei i devret enplimante pou zot ganny klasifye koman *compliant*.

An prenon kont sa bann konsern, Gouvernman atraver *FSA*, ti antreprann en *National Risk Assessment* lo bann byen vertyel, ouswa *virtual assets*. E biznes ki ofer servis an servan bann *virtual*, bann byen vertyel, pou prensipalman konpran leta e risk ki asosye avek. Sa legzersis ti fer pandan premye 6mwan 2022, avek lasistans en eksper dan sa

domenn rekomande par Labank Mondyal.

Diferan aktivite ti ganny antreprann pou kapab konpran byen vertyel son totalite avek diferan *stakeholders*. Tel ki, *FSA*, *FIU*, *FCIU*, Lofis Rezistrar Zeneral, Labank Santral, Komisyon Reveni Sesel, Lofis Prokirer Zeneral, e Minister responsab pou Finans.

Mr Speaker, sa *Risk Assessment* ti idantifye 286 lakonpanyen biznes ki annan afilyasyon avek Sesel, oubyen anrezistre isi Sesel. Ladan i annan 4 aktivite prensipal, ki pe arive atraver sa bann biznes, ouswa aktivite. Sa i *virtual asset exchange*. I sa aktivite ki pli komen, e ki poz plis risk an term lenvestisman e osi pou blansisaz larzan. Kot *cryptocurrency* e lezot byen vertyel i kapab ganny vann, aste e fer lesanz lo en *part form* vertyel tre vitman.

Dan sa 286 ka, i annan 124 biznes ki pe fer sa aktivite. *Virtual Asset Investment Providers* i en aktivite ki donn dimoun, oubyen biznes gidans pou investi dan plis byen vertyel. Dan sa 286, i annan 116 biznes ki pe fer sa aktivite.

Mr Speaker, en lot aktivite i *Initial Coin Offering Providers*. Li i en aktivite kot biznes i *design*, fer, oubyen kree diferan *cryptocurrency*,

par egzanp *bitcoin*. Dan sa 286, i annan 95 biznes ki pe sa aktivite, e finalman nou annan *digital custodian*. Li i senpleman en biznes ki kapab byen vertyel e endividi, ou, byen biznes ziska ler pou vann, aste ou, fer lesanz. Dan sa 286, i annan 76 biznes ki pe fer sa aktivite.

Mr Speaker, ler bann teknisyen *FSA* ti pe fer plis analiz lo sa rapor, sirtou lo statistik, nou ti apersevwar ki dan sa 286 biznes ki zot afilye, ou anrezistre isi Sesel, 204 ladan pa ti anrezistre, ni afilye avek Sesel. Zot ti pe zis servi non Sesel koman zot referans, oubyen ladres. Senpleman aköz nou napa sa lankadremman legal. Alors i reste zis 82 biznes ki vreman anrezistre, oubyen afilye avek Sesel. Dan sa 82, 40 i *IBC*, 40 i bann *security dealers*.

Mr Speaker, i bon note ki i annan ki pe fer zot biznes tout an respektan standar enternasyonal, malgre napa lankadremman legal an plas. I enportan note ki dan sa labsans en kad legal ek regilatwar, i vedir ki napa sa proteksyon neseler pou investiser, ou piblik, ki servi sa bann prodwi.

Swivan sa rapor, travay in komanse lo devlopman en Polisi Nasyonal pou pei, kot i konsern byen vertyel. Sa Polisi

Nasyonal pou osi ed Lotorite pou travay lo en lankadreman legal, pou ki Sesel i kapab pli byen siperviz sa aktivite, e protez manm piblik. I bon note ki *FATF* i egzize ki en pei i met an plas en lankadreman legal, swa pou *ban* sa kalite aktivite, oubyen *license* sa aktivite. Sa desizyon i enn souvren pou sak pei.

Set anliny avek sa Mr Speaker, ki *FSA* ek lezot lenstitisyon konsernen, anba gidans *National AMLCFT Committee*, pe travay pou ki en lankadreman legal i ganny met an plas pou ki Sesel i amelyor son *rating* atraver *ESAAMLG*, e i vin pozitiv atraver byen vertyel e nouvo teknolozi an zeneral. Obzektif sa Lalwa i pou met an plas provizyon legal pou anrezistre biznes, ki pe fer aktivite byen vertyel, o pli vit posibil. E fer provizyon *license* depandan lo ki kalite aktivite ki nou pou permet Sesel. Mersi Mr Speaker.

MR SPEAKER

Mersi. Nou a pran kekyon Onorab Zialor ek Onorab Mondon premye. Apre nou a regarde si nou annan letan pou lezot siplemanter. Onorab Zialor.

HON NADDY ZIALOR

Mersi. 2 kekyon siplemanter vitman Mr Speaker. Eski ...

Minis in mansyonn blansisaz larzan, en? E mon pe zis regarde, si Sesel i annan mwayen pou anpes blansisaz larzan, ouwa finansman terorizm an servan bann byen vertyel?

Apre dezyenm, baze lo larepons ki Minis in donn nou, eski nou annan ase resours imen kalifye lokalman, pou ed okenn biznes ki pe ofer sa servis pou amelyor zot bann kontrol entern, e menm ferm bann ki pa pe swiv regleman ki an plas? Mersi Mr Speaker.

MR SPEAKER

Mersi Onorab. Minis pou adres sa kekyon?

MINISTER NAADIR HASSAN

Mersi Mr Speaker. Mersi Onorab pou ou kekyon. Onorab larepons pou ou kekyon se, pou le moman nou napa ase. I en sekter ki ase resan. E sanmenm sa ki ler mon'n koz lo Polisi Nasyonal pour crypto, dan nou Polisi Nasyonal, nou pou enkorpor *bill* kapasite bann reglater pou zot kapab siperviz *any* aktivite *crypto* ki ganny *license* Sesel. Mersi.

MR SPEAKER

Onorab Mondon, ou kekyon.

HON TERENCE MONDON

Mersi Mr Speaker. Mon kestyon siplemanter se ki, i annan plizyer bann *website* ki solisit lenvestisman dan *cryptocurrency*. E Minis, mon kontan. Minis in dir nou ki i pe travay lo sa kad legal. Me dan labsans sa kad legal, eski *FIU* i pe zwe en rol pour sirvey sa bann lakonpanyen ki pe solisit lenvestisman *cryptocurrency*, dan en fason pou protez nou popilasyon? Mersi Mr Speaker.

MR SPEAKER

Mersi Onorab. Minis.

MINISTER NAADIR HASSAN

Mersi Mr Speaker. Mersi Onorab. Onorab wi, i annan plizyer bann regilater, e Lotorite Enternasyonal ki kolabor avek *FIU* pou *monitor* bann aktivite *crypto* ki annan pou fer ek Sesel. So i annan bann *exchange* ek *information* ki arive ant sa bann antite, ki ed *FIU* pou li kapab konnen egzaktaman ki pe arive. Mersi.

MR SPEAKER

Thank you. Onorab Woodcock.

HON WAVEL WOODCOCK

Mersi Mr Speaker. Minis, in annan bann skandal dan lepase kot i konsern *cryptocurrency*. Sirtou anba ladministrasyon avan. *Case in point* i sa *issue* zafer sa

lakonpanyen ki ti dir in vann ... Mon krwar in ganny permisyon pou antre Sesel, pou *operate* Sesel, akoz in vann pou 1 koko, Mr Speaker. E sa i bann *issue* ki nou pa anv i ariv ankor, ki nou pei pe ganny vann pou 1 koko.

Konmsi *going forward* avek sa lankadremman ki pe vin an plas, eski nou pa pou war sa bann zafer kot bann lakonpanyen i vini i profit lo nou pei, apre i, ou konnen, i antre pou naryen? Pou en koko, parey in arive dan lepase ki i pa pou zanmen repet ankor sa bann keksoz. Mersi Mr Speaker.

MR SPEAKER

Mersi. Minis. Ou annan en repons.

MINISTER NAADIR HASSAN

Mersi Mr Speaker. Mersi Onorab. Wi, Mr Speaker, mon kapab asir Onorab ki ler nou pou met en lankadremman legal ki lo bann baz ... Lo bann standar enternasyonal, nou pa pou war en lakonpanyen ki pey 1 koko pou vini. Mersi.

MR SPEAKER

Mersi. Onorab Loze ou kestyon?

HON JOHAN LOZE

Mersi Mr Speaker. Bonzour Mr Speaker. Bonzour Minis avek

ou delegasyon. Minis, mon en dimoun ki *heavily invested* dan *cryptocurrency* mwan. Plizyer ou bann *staff* i kapab dir ou, *including* sa enn ki pe asize o bor ou la, nou'n annan bokou konversasyon dan lepase, kot mon'n sey ede *educate*, fer konpran.

Akoz *cryptocurrency* i annan en *funny thing about it* li. *You have to be a member of the community* pou ou *fully* konpran. E enn bann tandans ki mon pe vwar ozordi, nou pe koz bokou lo son laspe negativ. E lo son kote negativ, kot sel fason ki Seselwa i kapab protez li Minis, se *through* ledikasyon. Nou bezwen edik nou lekor, e pran nou prop responsabilite. E pa *venture* dan en keksoz ki pli pir ki en *casino*. I pli pir ki en nenport ki *casino*, *unless* ou konnen ki ou pe fer, ki pou pe al antre ladan.

Minis, be selman ou'n koz lo bann regilater. E ki manner pou *build up* kapasite pou bann regilater. Mon kestyon i pou pran en lot lanpler, aköz mon konpran parey *FIU* i annan zis 1 spesyalis Seselwa. *A very good one* ki asiste zot.

Be pou nou ganny regilater ... pou nou ganny spesyalis pe travay ek bann regilater, eski nou pou pare Minis pou finans letid bann

Seselwa dan *blockchain technology*. Espesyalman *blockchain technology development* la, en. Ki en fason ki, si nou annan en bon pe Seselwa, zot a kapab al travay pou bann regilater zot menm. E zot menm zot profite komans fer *future cryptocurrency development*. Sa i enn mon kestyon.

E Minis, osi si nou kapab komans annan bann program lenformasyon. Posibleman i annan en bon pe Seselwa ki deza *involved in cryptocurrency*. En bon pe nou ki deza konpran risk, aköz parey mon pe dir ou, i bokou pli pir ki en *casino*, en? E sa bann pti bout, pti bout *website* ki zot in war i bouton sa.

E Minis, finalman lo kestyon fason ki nou pei i ganny tronpe. Pli gro skandal *cryptocurrency* ki Sesel in *involve* ladan, in enkli direkteman, in enplik direkteman en Manm Lasanble Nasyonal *LDS!* Nou pe koz *billions* la, en. Pa 1 koko. En Manm Lasanble Nasyonal *LDS* ki'n al *involve* li dan sa bann zafer e in sali repitasyon nou pei. Mersi Mr Speaker.

(Interruption)

MR SPEAKER

Mersi. *Hold on. Order please!* Minis, mon'n swiv Onorab Loze. Mon'n konpran son premye kestyon lo ledikasyon. E lo son dernyen pwen, mon pa'n tann okenn kestyon. Mon'n tann en alegasyon.

(Interruption)

MR SPEAKER

Minis, si i annan kestyon ki ou kapab adrese silvouple. Ou a donn en larepons.

MINISTER NAADIR HASSAN

Mersi Mr Speaker. Mersi Onorab pou ou kestyon. Wi Mr Speaker, annefe nou ti pe fer en pti fars nou de SS, nou dir Onorab Loze i krwar i *the expert* lo kote *crypto*. Kekfwa nou devret pran li koman en konsiltan pou ed nou.

(laughter)

MINISTER NAADIR HASSAN

Me lo kote ledikasyon, mon toutafe dakor avek Onorab, ki nou bezwen ... Ou konnen, ler nou *engage in crypto*. E sanmenm sa mon'n mansyonn sa dan mon lentervansyon, ki bokou aktivite ki dimoun i al *engage* ladan lo *crypto*, *they do it at their own risk*, ok? E i parey si ou pe al fer en lenvestisman, ou bezwen konpran ki risk ou pe antre ladan.

E sa i vin atraver pou ou edik ou lekor. Ki ou pe fer. Akoz sirtou bann *crypto* ki pa stab, ki *volatile*, ki annan en kantite spekilasyon, son valer i monte desann dan en fason ase dramatik. So, nou bann investiser ki le *engage* ladan, zot bezwen fer sir poudir zot konpran ki zot pe fer sa a zot *own risk*.

Lo kote *blockchain technology*, mon krwar son laplikasyon i pa zis dan *crypto* or dan Sekter Finansyel. Me *blockchain* i annan laplikasyon dan plizyer sekter. E *as* nou *push the digital economy*, nou *human resource development plan* i pou ankouraz e donn *scholarship* bokou nou bann etidyan ki enterese pou al dan sa domenn. Akoz parey mon'n dir i en domenn ki son laplikasyon i *go far beyond just crypto* e *financial services*. I annan plizyer lezot aktivite ki kapab ganny fasilite *by blockchain technology*. So sa i en pe en priyorite - *priority area* pou Gouvernman. Mersi Mr Speaker.

MR SPEAKER

Mersi Minis. Onorab. Mon pa anvi en largiman.

(Off-Mic)

MR SPEAKER

En kwa? En *follow-up* lo ou kestyon. En klarifikasyon. Onorab, wi.

HON JOHAN LOZE

Mersi Mr Speaker. Mr Speaker, pa trakase. Sa pti kalot sat ki Minis in sey balans lo mwan, mon *brush aside* sa. Mon fer ek beton mwan. Mr Speaker, mon zis oule met devan Minis. *The main attraction towards crypto* se to lentere ki ou touse par zour. E la mon pa pe koz lo *crypto tokens* la, mon pe koz ou lo *smart contracts*.

To lentere ki ou touse par zour ... E sa ki pe asiz o bor ou i kapab konfirman, parske mon'n deza montre li, menm si mon, mon krwar mon *expert*. Be tan ki bann labank lokal pe ofer zero lentere lo *savings*, *Minister*, i pou toultan annan sa latraksyon pou dimoun ki pa vreman konpran *crypto*, pou sey *venture* laba pou fer en to lentere.

Be ou'n osi mansyonn volatilite. Minis, be mon fer plis larzan lo *ups and downs*, ki mon fer lo en *crypto* ki stab. Nap profi lo *crypto* ki stab. Lo volatilite ki mon ganny profi. Mersi Mr Speaker.

MR SPEAKER

Minis, ou annan ... I annan en kestyon la ki ou ti ava anv adrese?

MINISTER NAADIR HASSAN

Non Mr Speaker, mon pa'n tro war okenn kestyon, e mon pa en *expert* dan *crypto* pou al *engage* en diskisyon avek Onorab Loze. Mersi.

MR SPEAKER

Donk, mersi pou ou komanter Onorab Loze. Nou a sey terminen Onorab Andre.

HON CLIFFORD ANDRE

Mersi Mr Speaker. Mr Speaker, mon osi mon pa en *expert* dan *crypto*, me selman mon annan en ... Mon annan bokou *case* ki mon pe fer ki *involve crypto*. Se sa rezon akoz mon'n swazir pou mon demann sa kestyon.

Minis, ou konnen i annan bokou konplent ki ganny fer avek Sesel. Ou menm ou'n dir ki i annan odela de 200 konplent ki'n ganny fer an total depi 2019. Mon ti a kontan konnen ki nou, nou pe fer pou nou reponn sa bann konplent. Akoz i annan bokou ki'n ariv kot mwan ki en konplent in ganny fer, en repons in ganny donner, me selman i pa'n rezourd sa konplent. Sa i enn.

Dezyenm, nou'n koz lo *capacity building*. Par lefe ki i annan bokou sa bann sityasyon ki pe vini, e annefe ki pe ganny met devan Lakour.

Eski Gouvernman dan son totalite pe get dan fer *capacity building* pou nou pei an zeneral, enkli Zidisyer, i ganny sa konprezon kot zot kapab konpran aköz?

Pa neserman ki zot konpran letan zot pe fer sa, me zot a konpran pou zot kapab finalman donn en desizyon ki *fair*, konmsi ki *just* dan sa konteks. Apre si nou annan *KYC* ki nou fer letan i annan bann transfer larzan ki pe ganny fer an servan sa? Mersi.

MR SPEAKER

Mersi, Minis. Ou oule adrese?

MINISTER NAADIR HASSAN

Mersi Mr Speaker. Mersi Onorab pou ou keştyon. Mr Speaker, avek ou permisyon mon a pas laparol avek *SS* ki *Chair FSA* e osi *Chairman National AML Committee*, ki a donn en pe plis detay lo ki pe ganny fer. Mersi.

MR SPEAKER

Mersi. *SS*?

SS PATRICK PAYET

Mersi Mr Chair. Mersi Onorab pou ou keştyon. Onorab, en keksoz ki nou vwar ki nou pe ankouraz travay ki'n komanse. Sirtou avek bann *Law Enforcement Agency* Sesel, avek enternasyonal, zis pou note ki ozordi *FCIU* i

annan *case* ki pe *investigate* lo kote *virtual assets*.

E parey ou'n mansyonnen, se *building* a kapasite osi pou zot konpran en pe dan konteks. E si i arive demen Sesel i sezi en *asset*, ki bann prosedir ki ganny fer pou zot kapab vann sa *assets* apre pou fer sir ki i annan *fiat currency*. So, i enn de bann prosedir definitivman ki nou pe koz lo la.

Me definitivman parey Minis in mansyonnen pli boner, i annan bann konplent ki'n deza arive avek *FSA*, ki nou definitivman, *once* ki bann konplent i arive, ki nou travay konzwentman avek bann Lazans Lentelizans pou fer sir ki nou kolekte lenformasyon.

Par Egzanp, oparavan i annan konplent ki'n vini ki nou fer sir nou'n *liaise* avek *FIU* pou ganny lenformasyon adisyonnèl. E osi nou'n fer sir ki *FCIU* i *take care of* sa *case* avek lentelizans enternasyonal. Par egzanp, mon konnen i annan bann *case* ki nou ti bezwen *liaise overseas* avek bann lentelizans.

So, definitivman nou rekonnet *capacity building*. Sa i enn de bann defayans, aköz napa sa kantite *expert* dan Sesel. Me selman avek nou plan Nasyonal ki nou'n mete

pour rekomandasyon 15 FATF, nou pe fer sir ki tou FSA, FIU, e menm FCIU, e bann lezot antite ... Par egzanp Labank Santral osi. So, i annan sa *build capacity*, e mon krwar en kestyon ki'n vini pli boner se, ki mannyer nou fer en pe plis *awareness*.

Vre nou pe travay lo kote *policy*. Me selman nou pe travay lo en programm kominikasyon, aköz sa i osi en lakle letan nou finaliz nou bann *policy* avek nou Lezislasyon. Nou striktir Lezislasyon. So, lo kote KYC, parey zot konnen ki, definitivman aköz kekfwa nou pa ankor met sa striktir an plas. E bokou transfer parey dan sa *National Risk Assessment* in ganny fer, bokou transfer i ganny fer par labank.

So, definitivman labank li i annan son bann prosedir KYC ki ganny fer, bann transfer ki ganny fer. Sirtou letan i sorti kot zot labank. Me, tandis ki si kekfwa i annan bann ... Mon konnen par egzanp Sesel, zis pou azoute, ki annan 2 lakonpanyen ki pe aksepte *virtual assets*.

Me selman, parey nou tou nou konnen ki *legal tender* se Roupri, me i annan sa i zot prop risk ki zot pran. Me sa i en keksoz ki nou kontinyen fer kominikasyon pour Seselwa

osi konpran ki, letan zot pe antre lo sa bann tranzaksyon, i zot prop risk. E *build* kapasite SRC osi, aköz si pe arive i annan bann tranzaksyon ki pe arive, pou nou *investigate* si napa *invasion of taxes* ki pe arive.

So, i en *whole* ekspertiz ki nou bezwen *build*. I tou bann antite ki lo AMLCFT Committee. Zot tou nou bezwen *build* zot kapasite pou fer sir ki, *once* ki *the policy framework* i *in place*, e nou nou'n pare.

Nou pa dir ki menm si *the policy framework* pou an plas sa lannen, ki nou pou'n fini *build a capacity*. Aköz evolisyon dan *virtual assets* i evolye toulezour. So, nou bezwen kit azour avek bann evolisyon. E mon krwar plis bann zenn ki kontan sa bann nouvo prodwi, e nou, nou bezwen fer sir nou *build* sa kapasite sa bann zenn osi. Mersi.

MR SPEAKER

Mersi SS. Bon mon a termin avek kestyon Onorab Hoareau silvouple. Nou annan en pti gin letan ki reste.

HON JOHN HOAREAU

Mersi Mr Speaker. Mr Speaker, anvi ki bann *securities dealership* i enn bann biznes son *capital*

market ki pe mont avek en pli gran lelan, si oule. Mon ti a kontan konnen ki zistans ou'n arive avek en Lalwa konpreansiv ki kapab govern sa kalite aktivite?

Vi ki, par egzant lo kote *tax*, nou pe perdi ... Mon mazen. Mon estimen ki nou pe perdi en bon pe *tax*, ki nou pa pe ranmase osi. E ki fason zot pe mazen pou kontrol biznes ki dimoun i gannan an deor pei, me selman zot lakonpannyen petet i anrezistre isi?

MR SPEAKER

Mersi. Minis?

MINISTER NAADIR HASSAN

Mr Speaker. Avek ou permisyon mon a pas laparol avek SS Payet. Mersi.

MR SPEAKER

Mersi SS. Ou a adrese silvouple.

SS PATRICK PAYET

Mersi Mr Speaker. Mersi Onorab. Onorab, en lot laspe ki nou pe travay avek *FSA*, Se lo kote *securities dealers*. Parey nou ti'n anonse dan Bidze *last year*, nou ti pe met en nouvo rezim taksasyon pour *securities dealers*. E nou'n vwar ki nou pa kapab fer li zis an izolasyon avek son lot *framework* ki nou bezwen

met an plas pou fer sir ki, parey Minister in dir lo kote transformasyon, lo kote Sekter Finansye, ki mannyer nou ganny en pe plis valer azoute dan pei.

Par egzant lo kote zot bann *staffing* ki zot bezwen, bann *minimum* standar ki zot bezwen annan. Bann prezans ki zot bezwen, lofis ki zot bezwen annan isi. E ki mannyer regilater osi i kapab ganny akse avek zot bann lenformasyon. Parey ou konnen, bokou bann tranzaksyon ki arive i ariv lo kote zot *IT platform*. E nou, nou bezwen fer sir ki letan regilater i ale, i kapab fer sir ki i kapab fer en investigasyon, ouswa menm si i annan en investigasyon ki pe arive.

So, i enn de sa bann *framework* ki nou pe finalize *between* lendistri, e *hopefully in the next quarter* nou kapab anmenn en propozisyon. E i annan en bann propozisyon ki nou'n deza komans diskite avek zot, avek lendistri. Me nou anv finaliz li, e fer sir ki bann lezot lamannman ki bezwen ganny anmenn. Mersi.

MR SPEAKER

Mersi. Mersi SS. Nou a termin la pou keston pou ozordi. Mon remerci bann Manm pou zot keston. E Minis ek SS pou

zot repons e partisipasyon. E mon swet zot bonn kontinyasyon. Nou a pran poz, e Lasanble a rebran 2er apremidi. Mersi.

(BREAK)

MR SPEAKER

Bonn apremidi tou dimoun. E bon kouraz lo sa travay apremidi. Nou pou pran *statement* par Minis pour Lanvironnman e madanm raporter ava apel Minis ek son delegasyon. Mersi.

Bon, bonn apre midi Minis Flavien Joubert. Minis pour Lagrikiltir Sanzman Klima e Lanvironnman e egalman son delegasyon. Mr Tony Imaduwa *Principal Secretary* pour *Climate Change* ek *Energy*. E Mr Joel Valmont *CEO Public Utilities Corporation*. Minis mon donn ou laparol, pour prezant ou *statement*.

MINISTER FLAVIEN JOUBERT

Mersi Mr Speaker. Speaker Lasanble Nasyonal, bann Manm Lasanble, tou bann dimoun ki pe ekoute bonn apre midi. Mr Speaker koman Minis responsab pou Lenerzi, mon fer sa *statement* dan Lasanble ozordi pou enform bann Manm e osi piblik lo

bann fakter ki egziste otour tarif elektrisite. E bann ki pou annan lenfliyans lo sa size dan lefitir.

Sa *statement* i enportan vi ki konmela nou pe vwar sanzman enportan dan pri elektrisite, e osi nouvo proze e nouvo mezir regilatwar ki pe ganny met an plas.

Semenn pase nou ti prezant "*Electricity Bill*" dan Lasanble, sa semenn i annan prezantasyon "*Utility Regulatory Commission Bill*", e yer nou'n vwar sinyatir en Lagreman pou premye *independent power producer* ki pou konnekte avek rezo PUC lo Mahé. An bref sa pour en *licensee* ki pou kapab zener e vann elektrisite.

Sa bann devlopman pou sanz en bon pe lanvironnman ki elektrisite i ganny prodwir, dan ki elektrisite i ganny prodwir e anmezir i evolye, i pour lenfliyans servis ki ariv kot konsonmater.

Pandan sa dernyen 12 mwan Avril 2022 ziska Avril 2023. Nou'n vwar rediksyon signifikan dan tarif elektrisite pou tou konsonmater.

Premye lanmwatye 2022 tarif ti'n ogmante aköz pri karbiran, ti osi ti pe monte probableman avek konfli enternasyonal. Apre sa peryod, pri in stabilize, e

resaman pri elektrisite in desann.

Dernyen lanons ki Komisyon Lenerzi in fer, i montre ki en rediksyon 49sou i pour ganny aplike pour tou konsonmater. Sa i fer ki depi Avril 2022, tarif elektrisite i 20sou pli ba ki menm peryod lannen pase.

Annefe letan nou konpar avek bann letan pli avan, nou vwar ki ozordi, pri premye 200 *units* i zis par lao 5poursan plis ki Zanvye 2020.

I annan de fakter enportan, ki enfliyans plis pri prodiksyon elektrisite, e sa i pri *forex*, ki depan direkteman lo performans ekonomik e osi pri karbiran enternasyonal. *PUC* i aste *heavy fuel oil* ek dyezel avek *SEYPEC* ki li menm i bezwen rod *forex* lo marse lokal pou li aste sa komodite.

Avek bon performans ekonomik pei, nou'n vwar ki pri *forex* in ganny mentenir e sa in ede, pou garanti kapasite pei pou aste karbiran lo marse enternasyonal. Pri karbiran li menm i toultan an mouvman e i en fakter ki nou konnen nou napa lenfliyans lo la.

Me Selman, sa ki konsonmater i peye koman pri elektrisite, i depan lo lafason ki tarif i ganny aplike an plis ki sa bann fakter de baz ki mon'n mansyonnen.

Dan sa lannen ki'n pase, in annan diskisyon kontinyel ant *PUC*, Komisyon Lenerzi ek lezot parti Gouvernman lo aplikasyon tarif pou konsonmater. Nou kontan pou vwar ki sa bann legzersis revizyon tarif, ansanm avek bann lezot mezir parey se sa kontribisyon R300, lo bil pour bann ki pli vilnerab, an plis ki sa *scheme* ki ti ganny aplike anba *Democratization Scheme*.

In permet en traverse ki pa'n tro sever pou konsonmater, sirtou bann ki vilnerab. Gouvernman ek *PUC* i reste angaze lo sa size, e nou vwar plis posibilite pou konsonmater anmezir ki Sekter Lenerzi i devlope dan pei.

Mr Speaker, konsonmater i bezwen konsyan ki sa bann rediksyon i rezilta bann parameter ekonomik favorab dan pei, ki ozordi i kapab reziste presyon enternasyonal, me i osi annan pou fer avek pri karbiran.

Koman en pei nou tre ekspoze lo kote lenerzi, e kou karbiran pou zener elektrisite par *PUC* i ant 65-75poursan son depans total e sa kou - i 65-75poursan depans total ek sa kou ki ganny pase avek konsonmater. Bann kondisyon ekstrenm ki kapab arive, e fodre nou reste alert lo la.

Gouvernman pe travay pou amenn plis stabilite ek sekirite da sa sekter, e bann mezir ki mon'n nonmen pli boner pe al dan sa direksyon. Bi prensipal se pou sekiriz alimantasyon lenerzi pou tou konsonmater, a en nivo ki permet sa servis kontinyen dan en fason soutenab.

Enn bann legzersis ki pe ganny konsidere, se revizyon dan tarif litilite, ki pour baze lo bann prensip ekonomik an prenan kont lenpak lo konsonmater e osi asire ki *PUC* i rekiper ase pour kouver son loperasyon e lenvestisman ki pour bezwen pour siport devlopman dan pei.

Demann pou elektrisite in ganny prevwar pou ogmante par 2.5poursan par lannen e nou pe ekspekte ki letan bann lotel dan was Mahé i ganny konnekte pandan sa peryod 2023-2024, pou annan en logmantasyon ase enportan dan demann.

Ogmantasyon dan kapasite zenerasyon pour Mahé i prevwar a 20poursan e Praslin a 50poursan. Demars pou aste nouvo zenerater pou ogmant kapasite e osi ogmant efikasite in deza komanse. Legzersis reviz tarif pou osi get dan tarif ki pour aplike pou aste lenerzi renouvlab avek bann ki pe prodwi.

Pou bann gro konsonmater, tarif i ganny etabli atraver konpetisyon dan faz preparatwar proze, me pou bann pli pti, espesyalman domestik i bezwen annan en seri tarif ki kler, e ki transparan. Sistenm aktyel ki baze lo *net metering*, i ankor en defi e i bezwen ganny adrese pour ki i anmenn plis benefis pour tou lede kote.

Revizyon tarif i esansyel pou fitir lenerzi dan pei. Me nou konpran ki i osi en size ki bezwen sansib avek "lenpak lo bann" avek bann realite ekonomik dan pei. Lasanble ensi ki lezot partener pou ganny enformen letan bann desizyon pe al ganny pran lo sa size e byensir zot kapab konsilte bann zofisyé Minister ek *PUC* lo bann detay, pou fer okenn diskisyon nesaser.

Mr Speaker, parey mon'n dir, pou garanti stabilite dan lenerzi nou bezwen kree bann kondisyon pou devlopman me osi investir dan sours konvansyonnel ki pli efikas, e osi dan sours renouvlab.

Ozordi lenerzi renouvlab i apepre 5poursan lo rezo *PUC*, e avek sinyatir sa nouvo Lakor, sa 5megawat, avek sa 5megawat nou pou azout 5poursan lo *network* - 2poursan lo *network* (pardon).

Dan senaryo egzistan, lakantite lenerzi renouvlab pa

kapab depas 40poursan. Sa i akoz bann defi teknik. E letan nou met en fakter sekirite, sa i pli ba ankor. Avek ranforsman *network*, ki pe ganny anvizaze pou sa prosen 5an, sa poursantaz i kapab monte e potansyelman permet Sesel ariv lo nivo kot renouvlab i aktyelman depas konvansyonnel.

Toudmenm, nou konstate ki i annan posibilite pou azout ankor lo tou le de *network* savedir Mahé ek osi lo Praslin, La Digue. Lo pli pti *network* Praslin ek La Digue, nou pe anvizaze fer en desizyon byento pour 20megawat *photovoltaic*, ki ava amenn nou apepre 30poursan lenerzi renouvlab lo sa *network*.

Lo Mahé, nou pe anvizaze envit laplikasyon pou bann sistenm par lao 1-2megawat depandan lo lespas ki kapab ganny idantifye. I osi annan bokou potansyel pour bann sistenm lo twatir, savedir bann sistenm *rooftop*.

Analiz pe ganny fer avek sipor teknik nou bann partener. Nou pe ekspekte ki letan bann nouvo tarif i vin anfors, sa i a ankouraz plis antite pou investir dan bann tel sistenm e azout avek sa total, ki an rezilta i ava ed marse elektrisite dan pei.

Mr Speaker, pou *PUC* kapab kontinyen fonksyonnen e fer tou sa bann demars nesese pou asir sekirite lenerzi, i bezwen annan en bon kolaborasyon avek konsonmater.

Fason pli senp ki konsonmater i kapab kontribye pou fer travay *PUC* vin pli fasil, se fer peyman regilye lo zot bil elektrik e respekte tou bann lenstalasyon ki ganny mete dan pei, e osi kot zot lakour.

Konservasyon lenerzi dan lakour e dan lendistri i osi enportan, malgre bann rediksyon ki nou pe eksperyanse dan pri elektrisite.

Gouvernman lo son kote i reste angaze avek sa lakonpanyen, pou siport li delivre lo son bann devwar ki i ganny donner. Son bann travayer i bezwen ganny rekonnet pou zot zefor, e lakonpanyen li menm li bezwen reste dan en bon leta finansyel pou li mentenir en bon loperasyon. Bann langazman resan i montre ki malgre serten difikilte, bon rezilta i posib pou *PUC* e osi pou konsonmater. Mersi Mr Speaker.

MR SPEAKER

Mersi Minis pour ou deklarasyon. Nou a ganny

letan pour pran serten kestyon bann Manm. Onorab Monthy ou annan laparol.

HON PHILIP MONTHY

Mersi Mr Speaker. Bonn apre midi Minis ek ou delegasyon. Mr Speaker mwan tou dabor mon pour felisit Minis ek Gouvernman, pou apre en peryod sitan difisil, pour nou kapab pas sa bann benefis avek pep Seselwa, i montre ki kalite travay sa Gouvernman pe fer. E felisitasyon Minis e Gouvernman *du jour*.

Minis zis fer sa pep la deor konpran byen en pe sa rediksyon, ki pe ganny anonse. Lo en bil dizon R400 par mwan, si ou kapab donn nou en legzanp konbyen en dimoun pour koute la aprezan avek sa rediksyon? Mersi.

MR SPEAKER

Mersi. Onorab Minis.

MINISTER FLAVIEN JOUBERT

Mersi Mr Speaker. Mersi Onorab, pour sa kestyon. Mr Speaker nou pou fer enn pti kalkil, enn pti moman nou ava donn ou en bon detay. Lo sa sonm ki en dimoun ki pe konsonm pa tro bokou elektrisite i pour peye.

Mon pe demann *CEO PUC* pou pas lo la enn pti moman. Mersi.

MR SPEAKER

Be nou a kontinyen avek en kestyon petet. Si Minis i kapab reponn apre nou a tourn kot *CEO*. Onorab Loze?

HON JOHAN LOZE

Mersi Mr Speaker. Mersi Minis pour sa bref pti ekspoze ki ou'n fer. Minis dan ou ekspoze, ou'n koz lo bann paramet ekonomik favorab dan pei, ki permet nou reziste bann presyon enternasyonal. Mon kestyon pour ou Minis,

Eski letan ou al *Cabinet* la, si ou ti kapab silvouple demann avek ou bann koleg ki sa bann menm paramet ekonomik favorab i ganny aplike *across the board*. Pa kabab zis ou ki pe fer sa travay - konmsi.

STC tou lezot keksoz ki Seselwa pe soufer avek la, aplik bann menm paramet ekonomik favorab parey ou ou'n fer, ki nou tou nou ava vwar, en benefis ekonomik favorab klima dan pei ozordi! Mersi Mr Speaker.

MR SPEAKER

Mersi Onorab. Pa egzakteman en kestyon Minis. Me selman si ou, ou le fer en komanter lo la.

MINISTER FLAVIEN JOUBERT

Mersi Mr Speaker. Mersi Onorab. Mr Speaker, mon pour zis enform Onorab e enform Lasanble ki dan tou fason, dan bann diskisyon ki mwan mon'n annan avek lezot Minis dan *Cabinet* se i toultan annan sa zefor pour trouv bann solisyon.

Pa tou solisyon ki vin fasilman ouswa ki vin parey. Me mwan mon okouran poudir i annan sa lanvi pour trouv bann solisyon. Me nou bezwen zis travay lo bann keksoz ki a nou laporte e rode ki manner pli bon fason pour nou aplik li. Petet dan serten fason letan ou aplik li dimoun pa vwar sa benefis direk. Me i annan zefor pe ganny fer. Mersi.

MR SPEAKER

Mersi Minis ki manner *CEO* i ete? Ou le plis letan oubyen i kapab adrese la?

MINISTER FLAVIEN JOUBERT

Avek ou permisyon mon a demann *CEO* pour reponn sa pwen.

MR SPEAKER

Mersi. *CEO*?

CEO JOEL VALMONT

Mersi Mr Speaker. Mon pour pran legzanp Onorab Mondon par *twist* li ...

MR SPEAKER

Monthy.

CEO JOEL VALMONT

Monthy. Onorab Monthy Mr Speaker koreksyon, par revir enn pti pe bann sif. Mon pour par egzanp en akomodasyon ki konsonm 300*unit* elektrisite, ozordi avan sanzman tarif, lo kote sarz *unit* elektrisite i pe vwar li en sarz R572, me apre tarif i ganny aplike an Avril sa i pour desann pour ariv R425. Savedir en rediksyon R147 lo son bil.

Mon krwar sa i ase detaye pour Mr Onorab Mondon. Mersi.

MR SPEAKER

Mersi. Mersi *CEO*. Nou a mars lo prosen kestyon Onorab Aglae.

HON EGBERT AGLAE

Mersi Mr Speaker. Bonn apre midi Minis, *CEO* e *PS*. Minis premyerman mon le tous en size mon krwar ki enportan, fas a *statement* ki ou'n fer. Avek le bi *tackle* sityasyon kou lavi.

Ok akoz bil i en konponan reset tou le mwan, ki en dimoun ki ganny en saler i bezwen *factor in* e sa i annan en lyen direk ek kou lavi.

Minis so, dan ou *statement*, ou pa'n tro fer gran

mansyon kot i konsern *private sector*, *ok*. Mon ti a kontan petet konnen *ok*. Ki plan Gouvernman kot i konsern akoz *private sector*, in ganny servi pour *subsidize* en pe bann kou domestik? *Ok?*

E si zot kontinyen ganny afekte, ouswa enpakte, zot annan en rol akoz zot donn en servis ki annan en kou, e si i kontinyen monte i pour monte zot osi.

So ki zot plan pour adres enn pti gin kot i konsern *the private sector*, pour ede *bring down the cost of services*, e la i a osi ede pour kou lavi.

Dezyenmman Minis mon vwar lo televizyon, mon krwar yer swar kot i konsern *renewable energy* dan sa - dan zot vizyon dan zot plan li menm li. *Ok?*

Akoz *PUC* i ankor pe *heavily* dan en sans *subsidize* me i ankor pe *borrow* pour li kapab *meet* son bann lekspektasyon proze. E osi pour kapab rezourd bann problem, osi ki zot pe fer fas avek.

So baze lo sa *equation* balans la, ki mannyer zot ekspekte ki i ava ariv dizon 5an, 10an kot *PUC* i a dir li be *ok*, ouswa sa akter ki pe antre, nouvo Lalwa pe donn posibilite annan lezot akter ki pour antre lo la. Kot *PUC* i a dir be la mon'n ariv lo sa *ceiling*, kot

mon bann lenfrastruktir ouswa sa ki mon'n *borrow*, i kapab tenir lanmenm, lespas lagrandisman, pour sekter renouvlab i ava ariv lo son nivo.

So sa de mayon la, ki mannyer zot pe balans li pour nou kapab dir be *ok taxpayers money* a lafen dizour i a ganny servi byen e *PUC* i ava pe vwar li pe kontinyen pe grosi son *ceiling* lo *capital investment*. Mersi.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Speaker. Mersi Onorab pour sa de pwen. Mr Speaker mon pour osi avek ou permisyon demann *CEO PUC* pour li kontribye lo sa dezyenm pwen ki konsern *borrowing, by PUC* e osi son kalite lenvestisman ki pe fer.

Onorab dan mon deklarasyon i annan de pwen ki relevan pour *private sector*. Me i annan ankor lezot me mon koz lo de pwen ki mon krwar i relevan *private sector* ki ase enportan. Enn, se ki sa travay ki nou pe koz lo la *rebalancing* oubyen revizyon - mon pa konnen si en bon tradiksyon - *tariff rebalancing* i osi vize ver reget lafason ki bann kou ki ganny

repartisyonnen ant prive ek domestik. E i en size ki ase sansib, me selman i en size ki nou bezwen adrese, e en size ki nou bezwen antre ladan e depouy li pour nou konn son bann detay.

Alor i pour annan en lentere pour get byen dan sa ki *private sector* pe peye ozordi. E konpran egzakteman krwar ki kapab ed zot pour zot osi santi ki zot pe ganny en bon dil dan sa sistenm. Alor *tariff rebalancing*, i relevan pour *private sector*, dan en fason vremen enportan.

Lot morso se revizyon tarif ki pour adres bann *feed-in tariff*, savedir lafason ki bann prodikter i vann avek PUC lo son *network*. E nou konnen poudir, ozordi sa sistenm ki nou annan i pa neserman dan lavantaz tou le de kote.

E nou bezwen annan en sistenm ki permet en lenvestiser prive ki ankouraz li pour li investir, dan en sistenm, aköz i konnen i pour benefisy li, me i osi konnen i poudir i pour benefisy son peyman ki li i fer kot PUC.

Alor sa *feed-in tariff* i pour en - i pour en keksoz ki nou pe ekspekte i pour anmenn bokou lentere, pour Sekter Prive pour li kapab osi partisip ladan. Par egzanp en konpanyen i kapab met PV lo

son twatir. E i kapab servi sa pour li aranz son bil elektrisite pandan son konsonmasyon.

Be osi pli larz, mon'n koz lo lefet ki apre ki nou'n etabli bann fondasyon ek sa nouvo proze ki nou'n fini sinyen la, nou pour annan prezan nou *framework* ki komans pran laform, pour nou kapab envit bann group, bann antite komersyal, pour investir dan prodiksyon e lavant elektrisite dan Sesel.

Deza sa enn ki'n vini la i annan en partener lokal, e nou, nou ti a voudre ki evantuelman nou kapab annan plizyer bann konpanyen lokal, ouwa bann investiser lokal ki antre ladan. Aköz i annan en benefis pour zot, finansyelman. E i en keksoz ki lonterm i kapab vremen dan zot lavantaz lo nivo finansyel.

Mon pour envit *CEO PUC* pour koz lo sa dezyenm pwen, ki annan pour fer avek *borrowing by PUC* e sa ki ou'n nonmen se osi sa size *taxpayers money*. So,

MR SPEAKER

Mersi.

MINISTER

FLAVIEN

JOUBERT

Mersi Mr Speaker.

MR SPEAKER

Mersi. *CEO*.

CEO JOEL VALMONT

Mersi Mr Speaker. Mr Speaker kestyon Onorab i en pe, i pa konpleks, me i pran diferan dimansyon. Kote i konsern ki plan *PUC* a lonterm pour partner avek Sekter Prive? I pour ariv lo sa nivo ki *PUC* i kapab konsider aret al *borrow* larzan e les Sekter Prive kontinyen.

Mr Speaker sa i pour tou depan lo sa kou ki Sekter Prive i pare pour vin avek. Otan ki *PUC*, i vwar loportinite, son det i pli bon marse ki lekspektasyon Sekter Prive, i pour kout pei pli bon marse. E i annan sa balans ki nou bezwen evalye avan ki nou kapab ariv lo sa lekspektasyon, ki Onorab pe fer referans avek.

Kot i konsern investisman dan lenfrastruktir i annan - si ou permet mwan Mr Speaker, trwa nivo kot nou investir. I annan lo nivo prodiksyon, kot i konsern bann plant, lo nivo rezo kot i konsern *network*, transmisyon distribisyon, delo, sanitasyon, elektrik. E lot nivo ki nou apel sa lo nivo siport, sa kot i konsern sipor parey *building* e lezot *building* e lezot *and so on*.

So kot i konsern rezo, toultan *PUC* pou bezwen pe *expend* rezo aköz kapasite

pour anmenn lenvestiser prive ladan, i pa lo sa grander parey lezot pei. Kote i konsern prodiksyon, la kot parey nou pe vwar lo kote elektrisite, nou'n ouver avek bann lezot investiser prive. E nou pour kontinyelman al dan sa direksyon parey Minis in fer resorti. Me i annan en fakter ki apel sekirite. Sirtou kot i konsern delo avek elektrisite.

E se la kot nou bezwen annan sa balans, lo kote fer sir ki pei osi i vwar li annan sa kapasite pour anmenn sa sekirite, lo sa ki konsern servis elektrisite avek delo e sanitasyon pour pei. Mon krwar mon'n tous en pe ase an gro Mr Speaker. Mon pa kapab al plis detay ki sa. Mon pa kapab reponn

MR SPEAKER

Mersi.

CEO JOEL VALMONT

Onorab Aglae en pe pli direk ki sa. Mersi Mr Speaker.

MR SPEAKER

Mersi *CEO*. Onorab Aglae pa monopoliz letan silvouple.

HON EGBERT AGLAE

Non, non, senp kestyon Mr Speaker.

MR SPEAKER

Mon krwar ou repons in detaye.

HON EGBERT AGLAE

Mersi non mon pa pou al an detay. Mon anv konnen zis ek sa louvertir, ek sa nouvo Lalwa la, parey dan lepase ti annan serten, lakonpanyen enternasyonal ki ti anv apros ki ti apros pei, kot i konsern lenerzi. Eski la i annan en diskisyon, ek okenn lakonpanyen, ki swa lokal ki swa enternasyonal ki annan lide antre? Mersi.

MR SPEAKER

Mersi. Minis nou a kapab ganny en repons bref silvouple?

MINISTER FLAVIEN JOUBERT

Mersi Mr Speaker, mersi Onorab. I annan plizyer konpanyen ki'n anvoy zot bann propozisyon. E Gouvernman pou pran en desizyon lo si i pour envit en konpanyen endividyel, ouswa i pour fer en demann pour parey nou fer en prosedir ouver. Kot tou dimoun i vini i soumet apre i ganny evalye.

Mwan mon prefere ki nou fer en prosedir ouver aköz apre sa, i evit okenn kestyon lo lafason ki bann dimoun i ganny angaze pou fer bann

proze parey. Aköz i bann proze ase enportan e ase long term.

Alor zis pour ou konfirman, i annan plizyer konpanyen ki'n apros Gouvernman, i annan plizyer diskisyon ki ganny fer detanzaot. Me selman napa en konpanyen ki'n ganny selekte apard sa enn ki nou'n ganny Lagreman avek. Mersi.

MR SPEAKER

Mersi. Onorab Bistoquet.

HON ROSIE BISTOQUET

Mersi Mr Speaker. Bonn apre midi Mr Speaker, bonn apre midi Minis ek ou delegasyon. Bonn apre midi tou bann delegasyon. Minis mon'n ekout en, Mr Speaker mon'n ekout lot kote letan in koz lo kou lavi.

Mon santi mwan personnelman, Gouvernman pe fer son mye. Aköz COVID in vini, COVID i pa ankor ale. Me selman en bon pe dimoun mon santi poudir zot pa'n ganny soulaze. E sa Gouvernman ki la mon santi i pe soulaz mon bann dimoun e zis gete nou'n fek ganny trezyenm mwan saler pour bann *civil servant*, e pour bann dimoun. E la byento nou pou annan sa 10poursan ogmantasyon. Mon krwar osi avek sa rediksyon, i ava ede pour soulaz ankor plis nou bann dimoun.

Mwan mon ti a kontan demann Minis, eski Minis ou Minister petet i pe mazine, pour investir dan bann lezot fason pour prodwir elektrisite, par egzanp nou pran an servan *hydro*, nou annan *biogas*, *wind turbine*, apre pour kapab ganny servi solar *panel as well*. Ki petet bann pour ganny lenerzi renouvlab, ki petet sa i osi kapab ede pour redwir enn pti pe plis soulaz nou bann dimoun.

Aprè zis an pasan mon ti anvi demann ou Minis, donn nou en legzanp par egzanp lezot pei ki in fer sa rediksyon, konsiderableman apre *COVID* kekfwa la nou a ganny enn pti pe legzanp, kote ki nou pe ale. Mersi.

MR SPEAKER

Minis. Ou annan en rekomandasyon, apre ou annan en kestyon.

MINISTER FLAVIEN JOUBERT

Mersi Mr Speaker. Mersi Onorab. Onorab pour sa dezyenm parti ou kestyon i pour en pe difisil deswit la pour mwan dir ou ki bann lezot pei pe fer, aköz tou keksoz i *fluid* dan lezot pei.

Me nou konnen poudir sak pei pe pas dan son bann difikilte, nou konnen sityasyon Lerop par egzanp

resaman avek gas, ki zot ti pe ganny difikilte avek. Zot ti pe rearanze prezan la. Nou konnen Sidafrik ozordi i dan difikilte ozordi e i pe ganny bokou *blackouts*.

I annan plizyer pei e plizyer group pei sakenn pe ganny son kalite difikilte, depandan son sityasyon kot i ete. Me nou kapab dir poudir Sesel, keksoz i ase stab, e nou pe kapab trankilman pas sa bann benefis dan en fason vreman transparan avek bann konsonmater letan bann posibilite i donneren e a toultan.

E nou pa pour kapab tro mezir nou lekor avek sa bann lezot pei aköz zot difikilte i en pe diferan avek pour nou. Be selman, zeneralman letan mon gete, nou sityasyon pa tro move konpare avek sa ki pe pase an deor.

Kot i konsern investisman dan bann lezot sours lenerzi, wi i annan en kantite bann evalyasyon ki pe ganny fer. Aktyelman zis pour enform Lasanble, i annan en lekip sorti kot *World Bank* ki la avek nou, zot ti fer diskisyon avek mwan menm yer.

E zot pe vin avek en Papye pour donn Gouvernman en apersi, lo si nou pour bouz devan avek *waste* ou *energy* oubyen non. Aköz nou bezwen pran en desizyon, si nou pour bouz devan avek sa proze.

Depandan lo bann sityasyon, kondisyon salte, kantite lenvestisman ki bezwen eksetera. E zot bann dimoun ki annan bokou lekspertiz ladan, zot pe donn nou sa sipor.

Savedir *waste to energy* i enn bann keksoz i an Avril nou pour pran en desizyon lo *whether* i en, *yes* oubyen i en *no*. I annan bann evalyasyon adisyonnèl pe ganny fer atraver *PS* la akote mwan, pour divan, pour lenerzi divan - *offshore*.

Me sa i pour pran en pe letan akoz i annan bann lezot travay ki bezwen fer. Lenerzi divan lo kote bann zil i pa toutafe favorab toultan. Bann lezot sours lenerzi parey laroul osi. Mon konnen i annan en Lagreman, ki nou'n sinyen avek en lorganizasyon enternasyonal ki kapab donn nou n pe sipor pour evalye si i annan posibilite pour servi sa sours lenerzi Sesel.

Me zot in komans idantifye serten sit ki zot ti ava enterese pour eksplor pli lwen. E nou ava gete letan zot prezant zot rapor, ki sa i donner.

Alor i annan plizyer lezot travay ki nou pe fer, dan *background*. Me pour lemoman i pa ankor abouti a en proze signifikan ki pour azout ankor en bon pe dan sa

ki nou annan koman lenerzi renouvlab, apard *solar PV* ki nou konnen i mars tre byen dan lanvironnman Sesel. Mersi.

MR SPEAKER

Mersi Minis. Onorab Roucou.

HON MICHEL ROUCOU

Mersi Mr Speaker. Bonn apre midi Minis ek ou lekip. Bonn apre midi spesyal zabitan Mont Fleuri. Mr Speaker Onorab Bistoquet in tous enn pti pe lo mon kestyon. Me selman si mon kapab dir avek Minis, se ki mon le remerci bann travayer *PUC* osi tou, ki zot osi dan zot travay zot pe donn tou.

E osi Minis, nou vwar poudir ler i annan bann benefis ki Gouvernman i gannyen, i pas avek Seselwa li menm li, e mon'n vwar poudir dan Nouvel *SBC*, in pas sitan vit. Zot pa'n menm anmenn pli gran lenformasyon lo la detaye pour donn piblik la deor.

E si zot atraver ou Minister ouswa *PUC*, zot annan serten travay ki zot kapab fer pour edik Seselwa poudir ler i annan sa benefis, Gouvernman i vini i pas sa avek Seselwa. E si demen i ariv okenn evantyalite, kot nou pa demande, kot i annan sa pri kot i arive i monte pour

Seselwa osi la deor ganny en konpran osi. Mersi.

MR SPEAKER

Mersi. Minis ou annan en kestyon.

MINISTER FLAVIEN JOUBERT

Mersi. Mersi Mr Speaker. Onorab mersi pour ou pwen. Mr Speaker kot i konsern donn piblisite bann linisyativ pe vini lo kote lenerzi ek bann benefis. Byensir nou kapab fer plis. Nou bezwen donn dimoun lenformasyon lo sa bann size. Minister i annan bann mekanizm ki servi pour li pas lenformasyon dan piblik.

Be depandan lo size, parfwa i vwar ki i neserer pour donn plis latansyon. E sa enn i enn bann size, ki nou pour bezwen donn plis latansyon. E mon krwar ti enportan ki nou profit sa moman la, pour nou enform dimoun en pe plis e anv i ki nou Lasanble Nasyonal osi e i annan plis lenterer dan sa bann size.

Lo kote Minister nou a fer sa zefor, nou a fer sorti plis lenformasyon e nou ava donn plis legzanp ki mannyer dimoun i kapab osi benefisyer. Me osi kontribye dan le fitir, dan Sekter Lenerzi dan pei. Mersi.

MR SPEAKER

Mersi Minis. Onorab Pillay.

HON SEBASTIEN PILLAY

Mersi Mr Speaker e bonzour tou koleg Onorab. Bonzour Minis e bonzour tou dimoun ki a lekout. Minister mon'n ekout ou atantivman. E pandan ki mon pe ekout ou mon pe regard Lalwa, ki donn kreasyon *Energy Commission*. E mon ti a kontan konpran egzaktaman ki ou'n vin anons nou apre midi la?

Konmsi pour mwan kapab ganny li kler, i annan diferan tarif, i annan tarif komersyal, i annan tarif pour dimoun normal. Ler mon'n ekout ou ennlere ou'n koz nou Avril 2022, mon krwar ou ti pe *mean* Avril 2023. So eski ou kapab klarifye, egzaktaman *what this statement is about?* Akoz mon'n tann bann Manm pe bat lanmen, pe dir bann keksoz *so what does this mean for the commercial consumer?* E *what does this mean for the residential consumer?*

Akoz nou napa en regilasyon dan nou lanmen. Nou napa en regilasyon dan nou lanmen e demen nou sipoze pe al pas Lalwa *Utilities Regulation Commission* ki pour *repealed* sa Komisyon, ki fer sa travay anba sa. So sey klarifye sa pour mwan Mr Speaker. Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Speaker. Mersi Onorab. Onorab sa rediksyon ki nou pe koz lo la i rediksyon *across the board*, pour komersyal ek domestik. Letan i annan sanzman pour enn oubyen lot, sa i ganny anonse dan *press release*.

Sa *press release* sorti kot *Energy Commission* tou le *quarter*. Alor sa rediksyon ki'n ganny anonse, si ou get byen sa *press release* ki al kot bann lapres, i dir poudir i annan en rediksyon *across the board*.

Savedir i en rediksyon pour tou konsonmater ki aste elektrisite avek *PUC*. *Thank you*.

MR SPEAKER

Mersi Minis. Onorab Pillay pa monopoliz letan. Si ou annan en klarifikasyon silvouple nou a kontinyen. Ale.

HON SEBASTIEN PILLAY

Mersi bokou Mr Speaker. Mon annan klarifikasyon. Ler ou dir nou poudir sa rediksyon, pe aplik *across the board*, so okenn bil ki bann dimoun i annan ki deza lo ganny kalkile lo vye inite, pour mars lo vye inite, ki *PUC* bezwen peye. *Ok*, ki zot in kalkil lo - par egzanp

nou annan en kantite dimoun ki annan bann bil ki *outstanding*, so zot pour pey sa bann bil lo kalkilasyon ki ti ganny fer oparavan. Savedir sa diferans zot pour pey lo la. *Ok*.

Now going forward ou pe dir ek nou poudir tou kalkilasyon pour ganny fer lo sa nouvo tarif ki la. Kestyon ki prezan mon pour demann ou se ki sa rediksyon malgre ou pe fer li paret sibstansyel, i pa neserman sibstansyel pour serten dimoun dan serten kategori.

Eski pour akonpany sa regilasyon, Gouvernman pour mentenir sa ki i ti annan an plas *regarding* sipor sosyal pour bann dimoun ki vilnerab an relasyon avek zot bann bil elektrisite?

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Onorab. Mersi Mr Speaker. Mr Speaker i paret mwan i annan de morso, sa kestyon mon pour demann *CEO PUC* pour klarifye sa bout lo kalkil, bil elektrik avan. E apre nou a koz lo sa bout ki Onorab in demande lo sipor sosyal. Mersi.

MR SPEAKER

Mersi. *CEO* ou pare?

CEO JOEL VALMONT

Mersi Mr Speaker. Kot i konsern ki tarif pour aplike, lo sa *period* Avril la ler nou tir sa lot *Bill*. A sak fwa ki nou'n sanz tarif. Nou'n fer li koman en *pro rate*. I annan serten kantite zour, ki'n mars lo tarif avan, apre en serten kantite zour ki'n mars lo tarif ki pran lefe le 1 Avril. So nou fer en *pro rate* dan nou sistenm, apre lot mwan ki swiv la, sa tarif 40 ki'n redwir par 49 sou i *apply full* lo sa *full* konsonmasyon ki'n ganny fer apre sa enn bil ki pour sorti.

So nou fer parey, a tou le *quarter*. E nou pa le fer okenn sanzman dan sa lapros. Mersi Mr Speaker.

MR SPEAKER

Mersi Minis ou pour azout keksoz lo dezyenm pwen.

MINISTER FLAVIEN JOUBERT

Mersi Mr Speaker. Onorab in osi demann mwan eski sa bann sipor sosyal, ki pour siport bann ki vilnerab avek zot bann bil elektrisite si i pour kontinyen.

Napa en desizyon pour aret sa bann sipor sosyal pour lemoman. Alor letan i annan okenn sanzman i ava ganny anonse e Lasanble byensir i pour ganny enformen e

Onorab ou a kapab reakte lo sa size. Me la pour lemoman napa en desizyon pour sanz okenn sipor sosyal avek bil elektrisite. Mersi.

MR SPEAKER

Mersi.

HON SEBASTIEN PILLAY

(Off-Mic)

MR SPEAKER

Onorab ou'n demann en kestyon, ou demann en klarifikasyon. Permet mwan *move on* silvouple. Onorab Woodcock.

HON WAVEL WOODCOCK

Mersi.

MR SPEAKER

Mersi. Onorab Woodcock ou kestyon.

HON WAVEL WOODCOCK

Mersi.

HON SEBASTIEN PILLAY

(Off-mic)

MR SPEAKER

Ale met ou mikro, met ou mikro nou a ekout ou.

HON SEBASTIEN PILLAY

Mersi Mr Speaker. Ou konnen enn ler mon pe fer en keksoz pour sey avans Lasanble, ou

still pa pe vwar kot mon pe vini.

MR SPEAKER

Wi be trwa ...

HON SEBASTIEN PILLAY

Minis – be ekoute be Minis in fer *announcement* ...

MR SPEAKER

Poz ou kestyon silvouple.

HON SEBASTIEN PILLAY

Minis in fer en *announcement* in dir depi komansman Avril. *Ok* be bann dimoun zot bil zot pa pe pey li komansman Avril zot pey sa bout ki zot in servi *and up to a certain point in* Avril parey *CEO* in dir.

So i pa Avril ki en dimoun pour al vwar sa rediksyon R145. Koriz mwan si mon mal, i pour *around* - i pour en pe pli tar, i pour Me. So si dimoun i vwar Avril i pa vwar sa rediksyon, pour annan en problem poudir be Lasanble Minis in vini in vin fer en *statement*. So nou, nou bezwen fer sir dimoun i ganny edike *as to* egzakteman kwa ki pe pase. Se sa ki mon pe met devan ou!

MR SPEAKER

Mersi.

HON SEBASTIEN PILLAY

Ou vwar be zot pe le demann kestyon pou Seselwa lot kot laba.

MR SPEAKER

Minis. Minis oubyen *CEO* pour klarifye sa.

MINISTER FLAVIEN JOUBERT

Mersi Mr Speaker. Mon pour demann *CEO PUC* pour eksplik lafason ki son sistenm *billing* i marse. Lanons ki'n ganny fer se ki, tarif i pran lefe komansman Avril. Me mon ava demann *CEO PUC* pour klarifye son sistenm ki mannyer son bil i marse. Mersi.

CEO JOEL VALMONT

Mr Speaker. Mersi. Mon a zis konfirm sa ki *Leader* Lopozisyon in dir Mr Speaker. Pour annan en peryod kot ou'n konsonm avan Avril depi dernyen dat ki ou bil ti ganny sorti.

So an mwayenn i anviron 10-8zour dan sa mwan. E larestan zour ki nou pour lir dan Avril, normalman nou komans tir bil ant le 15 ziska lafen Avril, e si sa bann zour la, sa bann konsonmasyon la ki pour ganny enpakte par sa rediksyon.

E mon a konfirman poudir i korek poudir ou pa pou vwar sa maksimonm

redwir parey mon'n dir, environ 25poursan lo ou bil avan. Me ou pour vwar li i pour an plis, i pli aparet lo sa mwan ki swiv apre Avril. In toultan koumsa Mr Speaker. E tou sa konsonmater, i o fir in toultan nou'n pratik li koumsa. Mersi Mr Speaker.

MR SPEAKER

Mersi. Bon Onorab Woodcock ou kestyon.

HON WAVEL WOODCOCK

Mr Speaker, rediksyon lo tarif. Si i pour vin anfers ler bil i sorti, sa ki nou konnen i pour annan en rediksyon par 49sou. Mon kestyon. Dan en kourt dele letan nou'n annan nou 2 rediksyon, dan tarif. An Zanvyé ti annan enn 0.42 sou par *unit*. La ankor an Avril, nou pe donn en lot rediksyon par 49sou.

Si i pour aplikab lo sa bil ki pour vini an Me, *still* sa aplikasyon, sa nouvo tarif pe vin anfers ki Seselwa pour benefisye. *CEO* in donn en legzanp lo en dimoun ki pe pey R572. Ki si i ti pou pey R572 lo sa nouvo rediksyon i pour fer *saving* R147. Si en dimoun pe depans – i ti pour depans R1200 avan i pour depans bokou pli mwens, kekfwa i a depans R900 en R300 rediksyon.

E si i pe servi, i konsonm plis *unit* aköz i kalkil, par *unit* sa 0.49sou i kalkil par *unit*. *So the more* ou konsonmen *still* ou pour benefisye avek en – i annan ki pour benefisye R500, R700, R1000 depandan kantite *unit* ki ou pe servi.

Mon kestyon mwan, i annan bokou *fluctuation* lo kou barik dan bann dernyen – sa dernyen 2an. Mon konsern se ki si i pour annan ankor en logmantasyon lo barik, eski ankor zot bezwen aziste, eski zot pe *forecast* ki pour annan en *increase* lo kou barik la i \$80? Konmsi ki mannyer zot pour dil avek sa?

Apré mon dezyenm kestyon Mr Speaker final. Ti annan en mank volonte par Gouvernman avan, pour met lanfaz lo lenerzi renouvlab. Nou'n tann plizyer lanons ki'n ganny fer par Gouvernman, sirtou kot i konsern *floating PV*.

E mon al vizit avek Prezidan resaman, kot vizyon Gouvernman se pour fer Praslin, La Digue vin 100poursan soutenab. Petet nou avan komans avek *80percent*.

So enn pti pe ki direksyon nou pe ale. Aköz sa definitivman pour ed nou lo koup lo lakantite elektrisite ki nou servi lo depan lo *fossil fuel*. So enn pti pe ki direksyon

nou pe ale la, kot nou ete so *far, e going forward in the next two years, three years* kot nou pour ete avek lenerzi renouvlab?

Pour osi ed nou aret depan lo karbiran ki ler i annan sa bann *fluctuation* dan pri delwil barik dan lemonn i pa annan sa lenpak lo nou, parey in annan dan lepase. Mersi.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Speaker. Mersi Onorab pour sa de pwen. Mr Speaker konsernan *fuel price*, byensir sa bann revizyon i ganny fer tou le kar lannen. Parey nou'n dir tou le *quarter*, i ganny anonse zis avan komansman en *quarter* e se pour sa rezon ki'n ariv le 1 Avril.

I depandan prensipalman lo bann pri, ki bann tandans pri *fuel*. E sa i ganny reflekte dan bil ki en dimoun i ganny demande pour peye pour son konsonmasyon.

Me selman parey mon'n eksplike i annan bann diskisyon ki ganny fer ant *Energy Commission*, Gouvernman osi ek *PUC* dan serten ka si nou vwar poudir sa ogmantasyon i pour tro

sever, i annan serten azisteman ki ganny fer pour ki bann konsonmater pa sibir en gran logmantasyon en sel ou dan pri *fuel*, dan pri elektrisite.

Alor parey nou'n dir, si nou annan en pli gran poursantaz renouvlab lo nou *network*. Sa i pou ede, anpese ki nou persevwar sa bann gran, gran sanzman dan pri *fuel*.

Ozordi menm i annan bann nouvo devlopman ki letan mon'n koz ek *PUC*, mon'n koz ek *PS Lenerzi*, zot pe vwar lo kote pri *fuel* lo kote marse enternasyonal ki kapab al diferan direksyon *plus* oubyen *minus*.

Me sa i en keksoz ki nou bezwen reste alert lo la. E nou bezwen fer sir ki nou'n pare avek serten rekomandasyon lo pri ki devret ganny aplike, letan sa lot kar i vini. Me toultan koman enn pti pei, nou pour reste ekspoze avek bann mouvman enternasyonal, antan ki nou depan prensipalman lo bann sours konvansyonnel sirtou *diesel* avek *HFO*.

Kote i konsern renouvlab pour Praslin, La Digue nou'n fer bann *site* vizit byensir, nou'n get bann sit, nou'n idantifye bann sit. E nou'n kontinyen bann diskisyon lo bann posibilite.

Me pour lemoman napa *commitment* ki nou kapab deklare lo la. E se pour sa rezon nou pa ankor fer okenn *statement* piblik, nou ava kontinyen diskisyon. Nou ava kontinyen lo bann propozisyon ek tou bann detay e apre nou ava retourn kot Lasanble ek tou bann manm piblik osi. Nou ava enform zot lo kwa ki bann desizyon ki pour ganny pran, lo lekel e ki kantite kapasite pour ganny enstale.

Akoz la pour lemoman, napa en *commitment* ki mon kapab anonse avek Lasanble lo sa size. Menm si nou konnen poudir sa bann sit i favorab, e nou konfyan avek sipor *PUC* ki sa bann kantite ki nou pe koz lo la i kapab ganny entegre, lo *network* Praslin, La Digue. Mersi.

MR SPEAKER

Mersi Minis. Onorab Cosgrow.

HON WALLACE COSGROW

Mersi Mr Speaker. Bonn apre midi Minis, bonn apre midi Minis *CEO*, *PS*. Minis eski ou kapab klarifye avek nou, ki vremen ou'n vin anonse apre midi? Eski nou pe koz lo en rediksyon dan tarif elektrisite baze lo sityasyon ekonomik, ouswa nou pe koz en reazisteman bann diferan

tariff line ki elektrisite i ganny kalkile lo la?

Eski sa ki nou pe koz lo la apre midi ouswa i senpleman en azisteman baze lo pri petrol? Si ou kapab klarifye sa pour mwan.

Dezyenm eski sa ki ou'n anonse la i annan – aköz mon'n tann ou koz lo *feed-in tariffs* eski i annan okenn lenpak lo *rate* ki bann *producer* rezidansyel par egzanp ki annan *PV*? Eski i annan okenn sanzman ki pe ganny fer lo la? Eski pour annan plis benefis, pour bann *producer* rezidansyel?

E dernyen mon'n tann Minis koz lo bann lakonpanyen ki'n montre lentera pour vin investir. Si ou kapab, donn nou spesifikman bann lakonpanyen pe investir dan kwa, dan zenerasyon elektrisite, dan distribisyon elektrisite atraver *network*? Kwa egzaktaman lentera ladan?

Eski *PUC* i santi li - avek sa bann lentera - eski *PUC* i santi li dan le fitir dan en pozisyon pour kapab *afford* sa bann diferan mouvman dan tarif, letan i annan bann bokou bann *players* ki pe vin fer, dizon par egzanp prodiksyon ouswa distribisyon? Mersi.

MR SPEAKER

Mersi Onorab. Minis?

MINISTER FLAVIEN
JOUBERT

Mersi Mr Speaker ki mon'n vin anonse ozordi apre midi. Enn mon'n vin anonse ki in annan en rediksyon dapre bann revi ki ganny fer regilyerman dan tarif elektrisite, me ki fodre nou pa pran sa koman en keksoz ki nou kapab zis pa aport latansyon lo la.

Me nou bezwen kontinyen donn bann zefor pour nou fer, nou konsonmasyon ganny *manage* byen. E nou bezwen alert pour ki demen i posibil, i annan bann lezot mouvman swa pozitiv, swa negativ dan pri elektrisite.

Me la dimoun pe *enjoy*, konsonmater pe *enjoy* en bon rediksyon, ki mon krwar i en bon nouvel pour tou dimoun. Me selman, i enportan ki nou alert lo bann keksoz ki kapab vini anmezir nou bouze.

Dezyenm keksoz Mr Speaker. Se ki mon'n enform Lasanble ki Gouvernman pe travay ansanm avek *PUC* avek Komisyon Lenerzi dan en fason pros, pour adres sa size dan en fason regilye, asize pri elektrisite pour fer sir ki nou kapab kontinyen mentenir afordabilite elektrisite pour bann konsonmater.

E osi Mr Speaker mon'n eksplik Lasanble, bann pwen

lo bann demars ki nou pe fer pour nou avans devan, pour nou fer sir ki lakantite lenerzi renouvlab i ogmante pour ouver laport pour lezot dimoun antre dan prodiksyon. E pour osi konekte sa avek relevans sa bann Lalwa ki nou pe pas dan Lasanble la, pour dimoun konpran akoz ki nou pe pas sa bann Lalwa e ki i pour arive, ki pour fer pour nou demen dan sa laliny prodiksyon lenerzi.

Feed-in tariff; Mr Speaker; "*Feed-in tariff*" i en keksoz ki lo latab aktyelman e ki pe al ganny diskite dan bann mwan ki pe vini. Nou ekspekte ki ver lanmwatye sa lannen, nou pour annan en pozisyon kler lo *Feed-in tariff* e nou pour kapab kominik avek Lasanble, kominik avek tou bann dimoun ki enterese lo ki bann propozisyon *Feed-in tariff* ki pour ganny met an plas pour okenn dimoun ki anvii antre dan prodiksyon e vann avek *PUC* atraver son *network*.

Dernyen pwen Mr Speaker se lekel sa bann dimoun ki'n montre lenter e ki'n enterese pour fer *supply*, transmisyon, ouswa lezot aktivite dan elektrisite?

Onorab prensipalman sa bann lenter e ki nou'n gannye se pour dan *independent power production*. Savedir

bann dimoun par egzanp bann konpanyen ki enterese, pour etabli bann *plant photovoltaic* dan pei e vann lo *network PUC*.

E parey sa enn ki nou'n sinyen la aktyelman e annefe nou pa pe ankouraz okenn prodikter pour vin antre dan pei, pour li prodwir an servan bann sours konvansyonnel, *diesel*, *HF4* eksetera.

Nou konnen poudir ti annan konversasyon lo *L&G* a en moman. Me pour lemoman napa en gran lentere ki nou kapab koz lo la. Me laplipar i bann *independent power producer*, ki oule vann atraver *network PUC*, ki *PUC* i kapab prezan vann avek konsonmater.

Mon pa konnen si *CEO PUC* i le azout okenn keksoz kot i konsern si ou konfortab oubyen non? Non i paret mwan *CEO PUC* i pa pour fer komanter lo la. Me nou'n konverse lo la e mon pa'n vwar okenn reaksyon advers sorti kot *PUC*. Mersi.

MR SPEAKER

Mersi klarifikasyon Onorab? Wi?

HON WALLACE COSGROW

Zis enn pti klarifikasyon Mr Speaker. I paret mwan tou bann keksoz ki Minis in dir nou apre midi se bann plan. E napa nanryen konkret. Sel

keksoz ki Minis in dir nou ki konkret e ki mon'n vwar depi le 1 Avril dan Nasyon se ki pri elektrisite in desann par 49sou par inite se tou, e pour mwan sa i zis bann *statement* politik, zis pour fer politik dan Lasanble! Mersi.

MR SPEAKER

Mersi Onorab pour ou komanter. Onorab Sandy Arissol.

HON SANDY ARISSOL

Mersi Mr Speaker. Bonn apre midi Minis avek ou lekip. Bonn apre midi tou dimoun ki pe ekoute. Mr Speaker kanmenm nou bann konsonmater pour ganny en rediksyon, zot pou vwar sa lo zot bil le 1, swa le 15, swa le 30, nenport ki mwan.

Mon krwar ki tou konsonmater i kontan letan i annan en rediksyon, zis parey pa kontan ler i annan en logmantasyon lo zot bil. Me selman parey nou enn pti pei ki pa ankor dekouver delwil. E Minis in dir ek nou poudir *forex*, parfwa kou karbiran ek bann sekter entern ki nou pa kapab kontrole parey lager *Ukraine* sa osi i ede ki ozordi Sesel nou vwar pri i monte, e i desann.

Alor sa i bann keksoz ki nou pe fer fas avek. I pa bann politik, me bann realite lavi ki

nou koman enn Pti Leta Zil nou fer fas avek. Alor mon ti a kontan profite pour felisit Minis avek *PUC* pour zot kontinyen mentenir e stabiliz pri pour asire ki bann dimoun, ki en pe pli vilnerab, i ganny proteze atraver sa.

Me letan Gouvernman lo son konte pe fer sa, mon ti a kontan demann *PUC*, ki zefor ki annan ki *PUC* pe fer pour evit bann gaspiyaz kot *PUC*? Par egzanp kot delo i kontinyen koule e dimoun i dir ek ou kantmenm ou *call PUC* ek apre 4er ki zot pour vini, bann vol ki'n egziste ki nou'n tandé kot *PUC*.

Konmsi kwa ki *PUC* i osi lo son par i pe fer, pour ki bann kou gaspiyaz i redwir, pour ki sa benefis i ganny pase avek bann konsonmater ki nou pe koz lo la ozordi ki nou tou nou annan dan nou distrik? E ki sa bann benefis i pas osi lo bann travayer, *PUC* ki'n la pour plizyer lannen e i pe fer en travay formidab? Mersi bokou Mr Speaker.

MR SPEAKER

Mersi Onorab. Minis. Ou kapab adres kestyon pour *PUC* si oule.

MINISTER FLAVIEN JOUBERT

Mersi. Mersi Mr Speaker. Mon a pas laparol avek *CEO PUC*

pour reponn sa de pwen sorti kot Onorab Arissol. Mersi.

MR SPEAKER

Thank you. CEO?

CEO JOEL VALMONT

Mersi Mr Speaker. Mr Speaker lo sa ki konsern, gaspiyaz avek vol dan *PUC*, tou resaman nou'n donn en rapor Komite *FPAC* lo bann mezir ki nou'n pran, kot kantmenm nou ankor vwar plis lo kote enterferans avek nou lenfrastruktir, lo kote vol mon kapab dir in redwir e in diminyen, baze lo sa bann zefor ek mezir ki nou'n pran.

Mon a profite ler mon la Mr Speaker, pour fer en lapel avek bann manm piblik sirtou dan Perseverance, kot i konsern bann lenfrastruktir *PUC*. Sirtou bann lenfrastruktir lalimyer semen, avek bann bwat koneksyon elektrik pour pa kase, pa enterfer avek, pour ki nou kapab kontinyen mentenir sekirite dan sa rezyon e parey pour lezot landrwa Mr Speaker.

Kot i konsern nivo pert dan rezo, nivo gaspiyaz avek dan sa laliny Mr Speaker, dernyen fwa mon ti dan Lasanble nou ti pe koz lo ranplas tiyo dan rezyon Glacis. E lamazorite nou perd ozordi, i sa perd teknik. I sa bann perd ki nou perdi aköz sa bann tiyo

ki'n degrade e ki'n vye, e ki dan nou program ranplase.

Sa lamazorite i annan, nou pa pour kapab dir napa. I annan perd komersyal, e i enn bann fakter ki toultan kontinyelman, nou pe fer en zefor pour adrese. En legzanp, nou annan en legzersis nou pe al fer byento La Digue kot nou pe al ranplas tou *meter* delo, pour nou ankor re-balans e re-analiz sityasyon perd lo sa zil.

Nou'n fer en legzersis Praslin, kot nou'n nobou redwir pert pour fer li ariv dan en nivo par anba 20poursan. E Mahé li i plito sa pert teknik ki parey nou'n mansyonnen, dan sa program 4-5an ki nou pour bezwen adres li en pe pli viger. Mersi Mr Speaker.

MR SPEAKER

Mersi *CEO*. Bon nou a termin sa sesyon lo *statement* avek kestyon Onorab William. Ou'n tire? Tre byen. E avek sa nou'n ariv a lafen kestyon lo *statement* Minis. Mon remersye li pour son partisipasyon e osi son bann zofisye.

Nou pour annan ankor travay avek Minis e sa se pour pran, *Utilities Regulation Commission Bill*. Selman la an se moman mon pour demann zot, fer zot depar, eskize aköz nou pour pran en lot *item* lo Lasanble ki annan relasyon

pour fer avek biznes Lasanble e non-pa zot partisipasyon. Mersi.

(Minister Joubert and his delegation were excused from the House)

MR SPEAKER

Bon i annan 3 Manm ki'n demann mwan laparol pour *matter of privilege*. E dapre *Standing Orders*, mon pe swiv *Standing Orders* e se sa ki nou pran *matter of privilege* apre *statement*. E nou a pran sa bann *matter of privilege*, la an se moman.

Premye mon a komans avek Onorab Rocky Uranie. Mon rapel zot ki parey mon'n eksplike zot bezwen fer zis en bref *statement* ki eksplik privez ki zot in santi in ganny afekte. Mersi Onorab Uranie?

HON ROCKY URANIE

Mersi Mr Speaker pour donn mwan sa loportinite, pour adres mon *matter of privilege* ozordi apre midi. Mon le met lo rikord ki mon ti'n anvoy en Kestyon Irzan, ki annan pou fer avek legzersis sirveyans bann transpor lo semen La Digue par zofisye Lapolis. Kot plizyer dimoun zot in bezwen pey plizyer R100 pour zot bisiklet e pour zot zanfan.

E mon ti le konnen- e zot ti le konnen aköz sa R100 e ki

sa R100 i kouver? E vi ki La Digue i napa *highway code* parey Mahé, akoz ki nou bezwen aplik menm lanmann parey Mahé Mr Speaker?

So nou ti a kontan - zot ti a kontan - mon ti a kontan ki sa i ganny adrese ki - vi ki nou pa parey Mahé, menm sa kalite aplikasyon pa aplike Mahé aplike lo nou La Digue. Mersi Mr Speaker.

MR SPEAKER

Mersi Onorab. Ou pa'n *state* ou *privilege*. Me mon'n, mon kapab aksepte ki bomaten, ler ou ti prezant sa demann ou ti eksplik mwan ki ou santi poudir en *Urgent Question* parey ou ti'n mete, i ti en neserer e ou santi ki ou drwa pour eksplik sa *Urgent Question* i ganny retire, akoz mon pa'n aksepte sa *Urgent Question*. So mon zis met sa. Mon krwar poudir sa *privilege* ki ou ti pe adrese.

Me i annan de *matter of privilege* lo *Urgent Question*, lot i pour Onorab Cosgrow. E mon a les Onorab Cosgrow, met son *matter of privilege* e apre mon ava adres sa pwen. Onorab Cosgrow.

HON WALLACE COSGROW

Mersi Mr Speaker. Mr Speaker parey mon koleg Onorab Rocky Uranie, mon osi mon ti *submit* en *Urgent Question*

pour Minis. Mon *Urgent Question* ti an relasyon avek sa size ki bokou dimoun ozordi pe konsern bokou dimoun dan nou sosyete.

I konsern sa bann akt vandalizm ki pe pase kot bann Legliz. In ariv Legliz Anse Royale, Anglikan in ariv Legliz Port Glaud e sa bann akt vandalizm i en bann akt ki pe arive pour en bon pe letan. E bokou Seselwa pe demann leksplikasyon lo la.

So mwan mon ti'n servi mon privez koman en Manm Lasanble, loportinite pour mwan demann kestyon e pour mwan anmenn Minis pour kapab ganny serten larepons, pour donn serten laklerte pour pep Seselwa.

Me malerezman Mr Speaker, mon kestyon *Urgent Question* lo en size sitan enportan ozordi ki pe preokip nou sosyete, pa'n ganny admet par ou lofis Mr Speaker. E mwan mon ti a voudre ki sa ti a kapab ganny met devan e Minis ti ava kapab vin eksplik nou me malerezman ou desizyon, i final.

Me mwan mon dezapwente koman en Manm ki annan sa privez pour anmenn en kestyon devan Lasanble. Mersi Mr Speaker.

MR SPEAKER

Mersi. Alor repons ek sa de *matter of privilege* mon pour adres size *Urgent Question*.

Urgent Question i pa en size ki mon anvi ankouraze, akoz i fer en lenkonvenyans pour Lasanble lo *Order Paper*. Par egzanp ozordi si mon ti'n pran de *Urgent Question*, nou ti pour bezwen rod plas pour de Minis ek zot delegasyon, en lot erdtan azoute lo biznes Lasanble ki deza sarze.

Alor mon'n deza eksplike dan Lasanble ki mon pour pran *Urgent Questions* zis si mon santi poudir i annan en *urgency*. En *matter* ki fek arive e ki Lepep i bezwen en repons imedyat lo ki mannyer, ki lenformasyon zot bezwen pour reazir.

Lo kote *Urgent Question* Onorab Uranie, i konsern en loperasyon Lapolis lo La Digue. E loperasyon Lapolis i arive toultan. E mon krwar poudir i pa en levennman ki ekstraordiner i arive, e mon krwar poudir Lapolis, i bezwen swiv regilasyon ki annan e mon pa krwar ki Lasanble i pour anmenn lenformasyon ki pou sanz sa ki zot pe fer oubyen ki mannyer piblik in reazir.

Lo kestyon Onorab Cosgrow, lo desekrasyon bann landrwa relizye. Sa i annan depi – i annan 5an depi ler sa bann levennman in arive,

alors sa levennman pa imedyat e mon pa vwar dan son kestyon okenn lenformasyon ki i ti pe rode ki ti pour ed Lepep ki mannyer zot reazir.

Alor mon konsey avek Onorab Uranie e avek Onorab Cosgrow, zot kestyon i valid, be met li dan lord parey tou lezot Manm in met zot kestyon e Minis, ler i ariv ler Minis i vin dan Lasanble Minis i a adres zot kestyon. E mon pa kapab aksepte ki zot zis sey sot lord kestyon par zis fer kestyon antre koman en *Urgent Question*.

Alor mon pour kontinyen vey byen lo ki si sa ki *Urgent Question*. Mersi Onorab ou'n eksprim ou, mon pa pe al plis ki sa lo la. Onorab Sebastien Pillay i annan osi-

(Off-Mic)

MR SPEAKER

Mersi. Onorab Sebastien Pillay ou *matter of privilege*.

HON SEBASTIEN PILLAY

Mersi Mr Speaker. Bonn apre midi tou dimoun ki pe swiv nou e en bonn apre midi tou koleg Onorab. Mr Speaker nou *Standing Order* i prevwar poudir, “en size ki pa ancor ganny diskite par Lasanble pa devret vin size en deba”. Akoz se Lasanble ki annan drwa

diskit en size ki vin devan li dapre son bann prosedir ki'n etabli.

E Konstitisyon i osi etabli, ki Lasanble i akt koman lendepondans lenterferans Legzekitiv. Mon'n note a 5 repriz, referans in ganny fer par en rapor *TRNUC*, premyerman par Prezidan dan son diskour lo Leta Lanasyon kot in mansyonn ankor enn fwa rapor pour vin devan Lasanble.

Trwa fwa, oubyen kat fwa mon krwar apepre par Onorab Flory Larue ki'n *warn* nou lo sa kote latab, esper raport *TRNUC* ler i vini. E mon krwar i fer sis! Sizyenm fwa dan en prezantasyon sa rapor ki'n ganny fer, dan ou prezans avek Prezidan *State House*. Ler sa rapor ti pase ti pas lo en baz bipartisan.

La lenvitasyon, oubyen langazman i ganny donner pour zis en kote parti politik - akoz mon bezwen dir Mr Speaker, ki *as long* ki ou reste *Leader LDS*, pour mwan se pa Speaker ki'n *attend* sa, se *Leader LDS* avek Prezidan Ramkalawan ki'n resevwar sa rapor.

Lezot kote dan Lasanble pa'n ganny angaze ditou! Mwan mon santi poudir sa i en vyolasyon privez, nou privez koman en Manm Lasanble, pour ou *partake* dan en size ki

ler mon lir, anba Lalwa *TRNUC*, ki sa rapor *shall be laid before the Assembly*. E la Lasanble i a deside ki mannyer i pour tret sa rapor.

As it stands i paret poudir desizyon in fini ganny pran e nou prezan Lasanble, Manm Lasanble nou pour bezwen zis swiv sa desizyon. So lala mon *matter of privilege*, ki mon santi ki nou privez koman Lasanble in ganny *violated* par lefe ki in napa en langazman ki'n ganny fer oubyen enteraksyon ki'n ganny fer avek tou lede kote latab. E la mon pour servi levidans Mr Speaker.

Premye levidans ki mon annan, se mansyon Onorab Georges, ki pandan deba lo en Bidze *TRNUC* kot i ti dir nou poudir msye Green ti'n pran kontak avek li, i lo verbatim Lasanble. E nou zanmen *TRNUC* in deza menm angaze pour pran kontak avek tou lede kote Lasanble. Menm, menm apre ki sa Lalwa ti pase lo en baz bipartisan.

MR SPEAKER

Mersi.

HON SEBASTIEN PILLAY

Set alor ki mon pe met devan ou Mr Speaker, pour *rule* lo mon *matter of privilege* me pour osi dir avek Lasanble, dir avek nou dan Lasanble, *to*

what is the next step ki sipoze arive vizavi sa rapor? Mersi Mr Speaker.

MR SPEAKER

Mersi Onorab. Lo size komanter ki Prezidan i fer lo okenn size. Sirtou en size kot in konsernen avek, mon napa okenn komanter pour fer lo la. Prezidan i lib pou fer son komanter, travay Lasanble i komanse, ler sa rapor i vin devan Lasanble.

E sa rapor, mwan menm mwan personnelman Prezidan in donn mwan en kopi koman Speaker Lasanble. Me sa rapor pe ganny soumet devan Lasanble. Lo ki Lasanble i fer avek? Sa i pour depan lo Lasanble pour decide atraver *Assembly Business Committee*. Nou bezwen gete ki mannyer nou pour pran sa rapor. Ki nou pour – ki mannyer nou pour antreprann li.

Sel keksoz ki mwan personnelman mon'n fer, mon'n decide, i bezwen annan en letan avan Lasanble i komans travay lo la. Akoz premye, sa rapor i dan piblik, nou bezwen les piblik abzorb sa lenformasyon e fer zot lopinyon lo la. Nou bezwen donn letan bann Manm Lasanble, pour zot kapab konsilte bann manm piblik,

zot *constituents* lo sa ki annan dan sa rapor.

E evantuelman Lasanble i bezwen fer son desizyon lo ki mannyer i pour adres sa rapor, e ki i pour sorti avek. Lo size sa ki Komisyon *TRNUC*, in fer e lekel ki'n apele, sa mon pa kapab annan okenn komanter, lo la. Sa i zot biznes i napa nanryen pour fer avek mwan.

Donk mon pa santi ki annan okenn privez *Leader* Lopozisyon ki'n ganny afekte, e Lasanble i a pran son travay lo sa rapor. Mon remersye zot tou pour zot latansyon. Mon krwar i pour apropiye pour nou zis pran en poz la.

Me akoz nou annan en pe letan, nou a kapab komans travay lo *Bill* ki devan nou en pe pli boner ki nou ti'n previ e sa i ava 3er 45. 4er mwen en kar. Donk nou a pran poz la e Lasanble i a rebran, 4er mwen en kar. Mersi.

(BREAK)

MR SPEAKER

Bon mersi pou rennyen ankor enn fwa pou nou pran en lot nou latas e sa se konsiderasyon en *Public Bill*. Madanm raporter ou ava apel Minis ek son delegasyon silvouple.

Bon, bonn apre midi ankor enn fwa Minis ek Mr

Imaduwa son *Principal Secretary*. E zot in zwenn par Mr George James *Assistant Principal Legal Draftsperson* dan AG's *Office*. Mrs Irene Sirame *Legal Draftsperson*.

E akote lo latav nou annan Mrs Bernice Charles *Acting CEO of Seychelles Energy Commission* and Ms Sharon Gerry *Senior Legal Officer* dan Minister Lanvironnman, Klima e Lenerzi.

Byenveni zot tou pou konsiderasyon. *Utilities Regulatory Commission Bill, 2022*. Pou komanse Onorab Arissol pou prezant Mosyon pou *Second Reading, go ahead please*.

HON SANDY ARISSOL

Mersi Mr Speaker. Bonn apre midi Minis ankor avek ou nouvo delegasyon.

Mr Speaker parey nou *Standing Orders* i fer provizyon anba *Order 69(2)* mon *move* ki *Bill Utilities Regulatory Commission Bill, 2022* i ganny lir en Dezyenm Fwa. Mersi.

MR SPEAKER

Mersi. Mon a ganny segonnman pou sa Mosyon? Onorab Esparon?

HON REGINA ESPARON

Mersi Mr Speaker. Mon segonn Mosyon pou ki dan

Utilities Regulatory Commission Bill, 2022 i ganny lir en Dezyenm Fwa. Mersi.

MR SPEAKER

Mersi. Nou a kapab komans konsiderasyon sa *Bill* avek prezantasyon Minis lo *Bill*. Minis ou annan laparol.

MINISTER FLAVIEN JOUBERT

Mr Speaker. Manm Lasanble Nasyonal e tou bann dimoun ki pe ekoute ozordi apre midi bonn apre midi.

Mr Speaker se avek plezir ki mon vin devan Lasanble Nasyonal ozordi pou prezant nouvo Lalwa ki ou etabli en Komisyon, ki pou reglemant Sekter Elektrisite, Delo e Desarz.

Sa i dezyenm Lalwa ki pe ganny prezante pou ranplas Lalwa *Energy Act 2012*. E sa Lalwa pou ganny servi pou etabli Konmisyon Lenerzi koman sa Komisyon Regilater pou lilitite an zeneral.

Lobzektif sa Lalwa se pou reglemant vann aktivite anba sa bann sekter ki mon'n mansyonnen pou fer zot servis vin pli adekwa, fyab rantab e abordab e o menm moman protez e konserv lanvironnman.

Sa Lalwa pou fer sir ki sa fonksyon regilater i ganny mentenir e osi asir son

lendepandans pour ki i kapab desarz son fonksyon an relasyon avek Gouvernman e lezot partisipan dan sa sekter par egzanp, *PUC* e osi bann konsonmater.

Sa Lalwa i rezilta plizyer konsiltasyon swivan lanons Prezidan an Fevriye 2021 pou entegre Konmisyon Lenerzi annan mon Minister. Me sa restriktirasyon to fer fas avek serten difikilte espesyalman lo kote son manda regilater anba Lalwa egzistan *the Energy Act, 2012*.

Alor annou 2021 dan plas entegre Komisyon Lenerzi anba Minister *Cabinet* ti aprouv rekomandasyon pou restriktir sa Komisyon e fer li vin en regilater litilite ki pou reglemant servis elektrisite delo ek desarz. 3 servis ki aktyelman pe ganny zere par *PUC*.

I osi enportan masyonnen e ki par restriktirasyon Komisyon Lenerzi Lalwa *Energy Act* ek *PUC Act* pou ganny retire e amande respektivman e sa pou osi aranz e koriz serten defayans ki annan dan sa bann Lalwa konsernan sa bann Lalwa konsernen e klarifye bann provizyon kot i nesaser.

Mr Speaker mon aprezan pas lo bann provizyon sa nouvo Lalwa;

Enn, sa nouvo Komisyon pou apel *Utilities Regulatory Commission* e i pou ranplas *Seychelles Energy Commission*. Son manda se pou reglemant Sekter Elektrisite, Delo e Desarz.

Dezyenm, sa nouvo Komisyon pou ganny dirize par en Sef Egzekitiv e osi en *Board* Komisyoner.

3, sa *Board* pou annan 5 Komisyoner ki annan kalifikasyon teknik ek leksperyans preferab dan sa bann sekter ki sa Komisyon pou deservi. Zot term lo *Board* pou varye o komansman pou garanti kontinite e sa pou ganny fer *comme* swivan;

2 Komisyoner i ganny apwente pou 5an, 2 Komisyoner i ganny apwente pou 4an e lot Komisyoner i apwente pou 3an.

Anba seksyon 5 nou pe propoze ki prosedir *Appeal* i servi menm prosedir ki anba dan *Fair Trading Commission Act*. Savedir *the Appeal Tribunal*.

Seksyon 19 senkyenm pwen, i fer provizyon osi pour ki sa Komisyon i kapab osi apwent bann Komite Konsiltatif si i nesaser avek bann manda spesifik.

Sizyenm, i annan provizyon dan sa Lalwa osi pou entrodwir penalti pou

noncompliance avek desizyon sa Komisyon.

E finalman setyem, sa Lalwa i fer provizyon pou tranzisyon ki pou asire ki tou travay aktyel ki'n komanse oubyen pe fer par Komisyon Lenerzi enkli son responsabilite komitman i kontinyen par sa nouvo Komisyon ki pou apel *Utilities Regulatory Commission*.

Mersi Mr Speaker. Nou'n pare pou reponn kestyon avek klarifikasyon.

MR SPEAKER

Wi, nou a pran kestyon e klarifikasyon. Nou a pran bann entervansyon bann Manm dan deba. Onorab Andre in lev lanmen pou komanse. Onorab ou annan laparol.

HON CLIFFORD ANDRE

Mersi Mr Speaker. Bonn apre midi Minis avek ou delegasyon, bonn apre midi tou dimoun a lekout.

Mr Speaker i enportan pou note osi ki dan son *summing-up* kekfwa Minis i kapab dir nou letan i dir poudir *the Utilities Regulatory Commission* pou ranplas *Energy Commission*.

E letan nou pou get sa *Bill* ki devan nou i dir "*object of this Bill is to make provision for the establishment*

of the Commission for regulating the electricity sector water and sewage sector and for other reconnected or incidental matter".

I enportan pou nou ganny li kler eski ozordi nou annan *energy commission* ki li i *regulate* lenerzi an term delo - konmsi letan nou annan bann *power energy* atraver *waves*, atraver solar ki manner sa pou ganny antreprann oubyen zot *regulation* eski pou kontinyen akoz i annan bann serten rekomandasyon oubyen kondisyon ki ganny mete pou ou kapab met *solar panel* lo ou lakaz.

Mon konnen i prodwi elektrisite me letan nou pe dir sa *regulation* i pou *electricity*, letan nou gete i annan en- i kapab annan en pti *loophole*, akoz nou annan *electricity sector water and sewage sector*, so kekfwa nou bezwen ganny en pti leksplikasyon lo ki manner sa i pou kontinyen ganny fer kot nou pe *regulate* bann lenerzi.

Mr Speaker selman letan nou get an gro en *Utility Regulatory Commission* i enn ki nesaser, akoz i separ serten fonksyon ki avan- ki ti pe ganny *regulate* par *PUC* li menm pou ganny aplike par li menm.

So in other words ou ti pe regulate ou prop lekor. I pa ethical pou sa arive e mon kontan pou note letan Minis in dir in annan bann diskisyon ki'n ganny fer pou vwar ki manner sa separasyon lo regilasyon avek laplikasyon i ganny fer.

Akoz sa i montre ki nou pou toultan annan oubyen nou toultan bezwen annan konsiltasyon, pou nou kapab *achieve* keksoz ki pli byen e pa toultan ki ou ganny li *first*, lo premye lenstans. Alors ou bezwen annan sa diskisyon ki fer ki ou kapab perfeksyonn bann fason fer ki pou vin pli efikas.

Mr Speaker ler nou pe get sa *Bill* devan nou, nou war dan seksyon 5 i koz lo fonksyon. Letan nou get bann fonksyon ki ganny detaye, fonksyon sa Komisyon i varye.

Annefe i annan bokou bann fonksyon i pou; donn Konsey Minis lo ki manner i pou fer bann formilasyon, bann Polisi Nasyonal e serten eleman ki *related to* sa bann sekter, promot *efficient and economic development of any regulated sector, monitor compliance with government internal and regional obligation.*

So i pou annan varye, letan nou get (*h*) nou pou war i annan *'periodically approved*

monitor compliance and review tariff scheme and tariff in accordance with any regulatory law''.

So ankor enn fwa nou'n koz lo semenn pase nou'n koz lo Lalwa ki'n vin devan nou. *Electricity Act* e la apre midi Minis in vin fer en *statement* lo tarif. E nou'n vwar ladan letan in koz lo tarif i annan sa bann eleman ki bezwen ganny konsidere par sa *Utilities Regulatory Commission*, ki fer ki nou ladministrasyon-

Si oule i pe rod bann fason bann mwayen kot nou kapab fer keksoz bokou pli byen e ki i ava annan bann *organ* ki pe sirvey oubyen pe met sa bann keksoz an plas pou ki dimoun i ava kapab benefisye dan son totalite.

Mr Speaker letan nou pou get osi dan sa konteks, mon pou sot en pti kou lo seksyon 21 kot i mete ki pou annan en *annual report* apre mon pou retourn lo bann en pe pli avan.

Annual report i enportan pou note ki sa Lalwa i pa pe zis kre sa Komisyon, i pe kre en Komisyon avek serten obligasyon pou li fer rapor ki demen piblik i ava ganny akse avek sa ban rapor pou fer sir ki nou osi oubyen piblik i konpran kwa ki'n ganny fer e akoz serten keksoz in ganny fer, e ki paramet sa bann

kondisyon in ganny met la pour zot kapab osi fer serten komanter si i nesaser pou fer serten komanter.

E sa in donn, in obliz sa Komisyon anba seksyon 21, pou li fer en rapor ki pa pli tar ki - anfe in donn li 6mwan, pa pli tar ki 6mwan apre *the end of a financial year*.

So letan en *financial year* i ganny terminen ki le 31 Desanm, en rapor pou bezwen ganny soumet lo son bann aktivite ki'n in fer sa lannen presedan pa pli tar ki 6mwan.

So sa Lalwa i pa pe zis en Lalwa ki pe ouver en laport pou dir ou fer en rapor letan ou anvi me i pe donn en target pour ki en rapor i ganny soumet e ki Seselwa, Lasanble e lezot Lotorite i a kapab vwar kwa ki'n pase e ki'n ganny fer.

Ladan Mr Speaker i pa zis donn loportinite pou apwent bann *Commissioners*, bann *Commissioners* pou ganny apwente dan bann fason ki apropiye, me i osi permet sa Komisyon pou li apwent bann eksper pou travay. Letan i santi ki i bezwen dan en sekter, i bezwen en eksper pou kapab donn li konsey lo serten pwen i kapab anba sa Lalwa apwent sa eksper pou delivre sa travay ki annan pou fer.

Non selman i kapab apwent zis eksper anba

seksyon 19, anba *clause* 19 la ki pa ankor vin en seksyon i annan en *advisory committee*, i kapab osi fer en Komite, i kapab apwent enn de eksper endividuelman. Me i kapab pran en Komite si i santi ki i pou bezwen konsey en Komite anba sa Lalwa i kapab apwent en Komite ki ava aplik detruwa dimoun si i santi i nesaser ki i bezwen annan sa Konsey sorti kot sa Komite.

Mr Speaker en Lalwa parey i enn ki vin dan en letan parey nou dir oporten. Akoz letan nou pe redres, revwar bann Lalwa, i enportan ki nou kalkil bann keksoz ki bezwen ganny fer.

E anba seksyon 25 i annan bann fre, i annan bann fre i pou ganny peye. E sa bann fre pou ganny determinen par bann regilasyon ki ava vini lo kwa ki bezwen ganny peye, ki mannyer i bezwen ganny peye e akoz ki i bezwen ganny peye.

So i pa pou zis en kestyon ki si en dimoun i anvi en *license* oubyen i pou ganny otorize anba sa Lalwa, pou li fer serten aktivite ki relye avek sa Lalwa kot i zis pou fer sa *free of charge*. Parske sa Komisyon i pou en Komisyon parey mon'n di ki pou annan bann Komisyoner ki pou ganny elekte zot pou ganny peye *obviously*.

Alors sa Komisyon osi i pou *mandate*, i *mandated under the law* pou li kolekte serten fre ki asosye avek bann lotorizasyon e bann *license* ki pou ganny met an plas pou sa bann dimoun kapab fer sa bann aktivite.

Mr Speaker parey mon'n dir sa i en- i pou *regulate* bann aktivite ki relye avek litilite piblik parey mon dir ki enplik elektrik, delo avek *sewage*. Me selman sa eleman lenerzi renouvlab mon krwar nou bezwen Minis letan i *sum-up* parey mon dir i ava donn nou e pti *summing-up* lo sa laspe.

En kestyon ki mon ti a kontan demann Minis osi. Parey la pou le moman nou annan nou *Energy Commission* e sa *Utilities Regulatory Commission* pou ranplas sa. Eski dan sa konteks zot pi abzorb bann travayer Komisyon kot bann pozisyon kekfwa i pa demande parey bann Komisioner selman bann sekreter ensidswit mon mazine bann dimoun ki fer ban *cleaner* ensidswit ki fer.

Si zot pou abzorb sa bann dimoun dan sa nouvo *Regulatory Commission* oubyen i pou en lot proses ki pou bezwen la sa bann dimoun pou ganny fer *redundant* e zot pou bezwen al *reapply* pou zot kapab travay?

So avek sa detrwa mo, mwan mon santi ki en Komisyon parey i enn ki neser, aköz nou bezwen divors bann travay ki annan pou fer e bann tarif ki ganny ete i bezwen ganny byen kalkile e en dimoun ki pe aplik sa bann tarif i pa kapab li menm pe *set* tarif.

Alors avek sa detrwa mo Mr Speaker, mon ti a kontan reasir Minis ki mwan mon pou donn mon *full* sipor pou sa *Bill* ki devan nou. I ava annan ankor bann lezot laspe ki nou bezwen tous lo la pandan *Committee Stage*. So mon a fer sa letan nou ariv dan *Committee Stage*. Mersi Mr Speaker.

MR SPEAKER

Mersi Onorab Andre. I annan mon pa war lot lanmen eksepte Onorab Pillay. Onorab Pillay mon a donn ou laparol.

HON SEBASTIEN PILLAY

Mersi Mr Speaker. Bonn apre midi Mr Speaker. Bonn apre midi tou dimoun ki pe swiv Lasanble. Minis *welcome back* avek ou *panel*. Bonn apre midi tou koleg Onorab.

Mr Speaker mon'n ganny loportinite pou mwan pas dan sa Lalwa e mon remarke i annan plizyer sanzman ki pe ganny propoze dan sa Lalwa e mon ti a kontan ki Minis i pran

konsyans ki sa bann sanzman i *raise* en kantite konsern lo striktir reelman ki mannyer sa Komisyon pou fonksyonnen.

Ki son rol, anba ki i pou tonbe e menm son legzistans letan mon pe get dan son Lalwa i paret i pa neseserman kler. Mon konpran nide deryer sa Lalwa. Be mon pa pe vremen war ki mannyer operasyonnelman ler mon regard bann keksoz ki'n ganny mete ladan, i pou fer ki sa Lalwa i kapab vin- i kapab kre en antite ki i pou lib dan son laplikasyon e ki pou kapab fer son travay.

Premyerman Mr Speaker premye pwen ki sot ek ou ki ou kapab war, se ki sa Komisyon se Minis pou Lanvironnman ki responsab. Mon vremen pe sey konpran. Akoz ozordi nou annan pa mal konfli ki egziste par lefe ki Minis Lanvironnman li menm i Minis pou Lagrikiltir. Dan en kote en departman ki li i bezwen servi, fer serten aksyon, i bezwen *seek* permisyon from sa menm Minis ki sipoze *lobby* pou sa lot kote ki bezwen fer sa aksyon.

Mwan mon santi poudir sa in met sa dimoun ki ansarz sa Minister, sa ou met menm dimoun dan sa portfolyo i vin en problem, akoz i bezwen *lobby* pou fer mye be i bezwen *at the same time lobby* pou

lanvironnman. E i annan desizyon ki li i pou bezwen pronons son lekor lo la e i difisil pou desin en laliny.

E lo la dan sa konteks i parey. Par egzanp si nou regard rol en *Utilities Commission* e bann eleman ki i sipoze pe dil avek, *notwithstanding* ler ou annan sa eleman *sewage* i annan en konponan lanvironnman ki antre ladan.

Me se sa menm Minister ki sipoze pe *lobby* pou lepanouisman son sekter, se sanmenm Minister ki bezwen *act as an impediment to* devlopman sa sekter atraver bann regilasyon. Pou mwan ti ava meyer pour ki sa ti ava ganny trouve anba en portfolyo ki annan pou fer ki dil avek zis *utilities*.

E prezan ou pa ti ava ganny kompleksite *policy* ler pou fer son lenplimantasyon. Si Gouvernman i dir nou i oule fer keksoz diferaman avek lepase, ou pa kapab repet bann fot lepase ekspekte ou pou ganny menm rezilta- en diferan rezilta (*sorry*) ou pou ganny menm rezilta.

Ou pou ganny en konfli Polisi ki lo komansman akoz ou annan en endividi ki konpran sa *inception* sa Lalwa. Sa bann endividi pou kapab *chart their way through*, be *eventually* ler ou ganny ou

lezot endividi ou bezwen pran sa bann pozisyon.

Nou pa kapab ekrir Lalwa baze lo bann dimoun ki la aktyelman, nou bezwen ekrir en Lalwa pour ki i kapab fonksyonnen ler en dimoun in ale, *beyond* sa bann dimoun. E mwan mon krwar sa i en premye keksoz ki bezwen ganny klarifye.

En dezyenm keksoz ki bezwen ganny klarifye Mr Speaker, se dan sa Lalwa mon war i mete enn bann diskalifikasyon pour ki en dimoun i kapab vin en manm *Board* sa Komisyon se ki si i en *office bearer* en parti politik, i pa sipoze vin en manm *Board* sa Komisyon.

Be mwan mon santi poudir sa i en vyolasyon Konstitisyon. Sa Komisyon napa okenn naryen pou fer, napa okenn fonksyon Konstitisyonnèl *as it relates to either the rule of law or* lazistis.

Nou Konstitisyon i garanti tou Seselwa en drwa pou li annan son lapartenans politik. So mon ti a kontan konpran ki mannyer dan en Komisyon ki annan pou fer avek *utilities* ou pe diskalifye en dimoun *on the basis* ki i en *office bearer* en parti politik. *But then let's-* annou diskalifye tou dimoun ki annan en afilyasyon politik!

Mon ti krwar poudir Gouvernman *LDS* pe fer keksoz pli byen, me *sorry* mon war sa ki zot pe fer se ki dan plas fer li pli byen zot pe *infringe* lo bann drwa konstitisyonnèl ki dimoun i annan e mwan mon war sa i vremen *not necessary* dan sosyete kot nou pe koz lo *serve a modern democracy*.

And in fact si Lasanble Nasyonal i pas sa Lalwa nou pou pe *aid and abet* pou kre sa bann sityasyon koumsa. E sa largiman i pa sorti kot mwan sa menm largiman ti ganny fer par *former Leader* Lopoziyon dan sa Lasanble Nasyonal.

Nou a *recall* ti an relasyon avek *Board* pou Tourizm e sa zour tou bann Manm lo kote latab ti siport son largiman. Me ozordi nou'n ariv dan Gouvernman nou war sa largiman i nepli relevan.

Dezyenm keksoz Mr Speaker ki mon war pou mwan i en konsern, Minis in eksplike ki lapwentman sa bann Komisyoner pou ganny fer lo diferan *timeframe*. *Ok* ou pou fer li lo diferan *timeframe*.

Mon ti a kontan ou al en pti pe pli *in depth* ladan. ki ou rezondet pou annan sa, ki eleman teknik an plis ki sa pou anmennen, akoz pa bliye mon krwar pep Seselwa i bezwen pran konsyans. Bomaten- *well* pa bomaten -

apre midi nou'n ganny sans koz lo relizyon oubyen re balansman bann tarif elektrisite.

Sa Komisyon ki la se li ki pou fer sa travay. Se li ki pou pran sa rol ki Komisyoner lenerzi ti annan anba Lalwa lenerzi Sesel ki pe ganny *repeal*, ki pe ganny tire, se li ki pou fer sa aprezan. Pou mwan alor mon krwar i enportan ki nou pran en pe letan pou nou regarde, si dan son fonksyonman okenn problem pa ganny kree pou anpes li kapab delivre lo manda ki in *set out* pou delivre lo la.

E la mon bezwen, mon bezwen not en eleman ki mon pa konnen ki mannyer i aziste sa. Lo en kote nou dir Komisyon i annan serten laliberte pou li desarz son bann fonksyon, me lo en lot kote Minis i annan pouwar pou donn li direktiv. E pa dan en Lalwa sa, dan de Lalwa.

E Lasanble in fini pas sa lot. Lenerzi i sipoze ganny demokratize savedir Gouvernman si i son lentansyon i bezwen pe sorti *as much as possible from* sa.

Si ou pe dir mon poudir Gouvernman i oule retenir kontrol *then* i fer sans, me pou mwan *then* i pa *meet* sa koze ki nou'n tande atraver bann diskour lo Leta Lanasyon ki

mannyer nou oule anmenn demokratizasyon loportinite dan Sekter Lenerzi. E pou mwan mon konsernen avek sa lapros.

En lot size ki enportan Mr Speaker ki nou bezwen gete se sa size kot sa Komisyon i kapab *acquire by purchase* oubyen *lease* propriyete ek bann lezot keksoz. Ankor enn fwa mon- e sa ki *go back to* sa pwen *about* Minis pou Lanvironnman.

Si sa bann akizisyon i ganny fer i ganny fer dan lentere *utilities*, i pa ganny fer pou i *acquire* en later *just for the sake of acquire* later. Ou konpran? Swa pou li etabli en *utilities corridor* savedir kot bann *utilities* pou pase swa bann keksoz koumsa.

Savedir se sa Komisyon ki pou enterakte dan konteks kot i annan devlopman, *let's say* par egzantp i annan sa *central sewage system* e *MNA* pou Glacis ti pe koz lo kan pou ariv par egzantp North East Point. E si pou annan akizisyon ki bezwen ganny fer se, zisteman sa Komisyon ki pou bezwen fer akizisyon akoz se li ki pou detanter sa propriyete.

Sa ki mon bezwen prezan klarifye se ki pou rol nou *public utilities provider*? Akoz Onorab Loze ti fer en pwen ki nou oule retir bann kad

regilatwar ki *PUC* i fer li menm e pou donn en lot antite *PUC* i a konsantre lo *delivery of a service*.

Me se sa ki nou bezwen konsidere ki konpetans sa Komisyon i annan pou ki fer sa kalite travay. Akoz ozordi sa konpetans i pa dan sa Komisyon dan *PUC*. Eski nou pou osi transfer en eleman ki dan *PUC* anba sa Komisyon?

Tousala i bann keston ki Minis pa'n adrese dan son prezantasyon, akoz pwen kle pou tou dimoun ki pe swiv i se ki nou deza annan nou en litilite, en *provider* litilite piblik ki *belong to* Lepep Seselwa. *Manage* par Gouvernman, *assets owned* par Lepep Seselwa, ki prezan Gouvernman pe decide transfer li anba en komisyon *without* ki Lepep Seselwa pou annan en *say* lo la.

E mwan mon krwar poudir sa i an konsern ki nou bezwen adrese. Akoz dan sa konteks si sa Komisyon pou bezwen fer sa travay ki li i bezwen fer, mon santi poudir *then* i pou bezwen konpletman endepandan avek en Minister.

Akoz lanvironnman i ganny drwa dir li poudir be ou pa kapab pas en koridor la akoz i annan tel, tel keksoz. Nou vwar? Konpleksite ki sa pou anmennen i zwe en kantite lo son abilite pou li

delivre. Sertenman i annan lezot keksoz teknik ki ler i ganny mete dan sa Lalwa i *straight forward* e sa i nenport *Utilities Regulatory Commission* pou kapab fer.

Me lefe i reste ki i annan serten keksoz ki pou kre serten konfli, dan lafason ki sa Komisyon i kapab delivre lo son manda. E mon pa santi poudir Gouvernman in fer ase pou eksplik nou ozordi apre midi dan Lasanble lo ki vremen i oule fer avek sa lentrodiksyon.

Mon santi poudir sa lentrodiksyon avek tou respe Minis i annan en lentrodiksyon tre bref e ou pa'n donn nou ase detay e lenformasyon lo en Komisyon sitan enportan ki son rol e son bann fonksyon e ki mannyer i pou entegre sa bann fonksyon dan konteks lenerzi ozordi.

Mon krwar *it's only fair* ki nou demann sa koman Manm Lasanble akoz apre tou se bann Minis ki vin dan Lasanble e zot ganny loportinite osi pou eksplik Lepep Seselwa lo ki rol en nouvo antite ki nou pou al mete;- nou pou al donn en saler sa bann dimoun, nou pou *provide* larzan pou *setting up* en Komisyon, i pou bezwen annan en lofis.

Tousala pou vin lo en Bidze Nasyonal ki Lepep

Seselwa i bezwen fit. So mon krwar i enportan ki nou ganny en leksplikasyon lo la. Prezan mon vin lo sa pwen lapwentman lo bann Komisyoner e ankor enn fwa-la nou bezwen adres en pwen kardinal Mr Speaker.

Ou a permet mwan Mr Speaker pou fer referans avek diskour Prezidan lo Leta Lanasyon. Prezidan i dir ek nou koumsa poudir i annan bokou fristrasyon aköz i annan plizyer dimoun ki travay dan Gouvernman i trenn lipye.

Me sa i son *prerogative* pou li koz lo fristrasyon parey tou dimoun i en *prerogative* pou koze. Me selman sa ki mon vwar ankor en fwa en nouvo Lalwa se Prezidan ki pe apwent sa bann dimoun. I annan en rol kle pou zwe dan lapwentman e *termination* sa bann dimoun.

Alors *where does the buck stops?* Lekel ki pran responsabilite ler en dimoun ki'n ganny apwente dan en fonksyon pa delivre? "*The President shall appoint the Commissioners and cause their names to be published in the Gazette.*" I dir klerman la.

So lekel ki pou pran responsabilite? Lontan mon ti tann dir poudir *the buck stops with the President.* I pa Minis ki apwent sa bann Komisyoner

se Prezidan. Me selman Lalwa i prevwar pou donn Minis kontrol lo sa Komisyon. En sistenm *delegated authority* ki pa'n marse, kontinyen ganny servi e nou ekspekte en diferan rezilta.

Pou mwan mon krwar poudir i ti devret annan serten travay si nou ti oule fer li totalman nouvo e totalman kapab delivre, zisteman pou nou kapab anmenn sa ki nou oule war par egzanp; fer Praslin vin 80poursan otosifizan lo lenerzi renouvlab, oubyen fer La Digue vin en *green island* savedir konpletman otosifizan lo lenerzi renouvlab, nou bezwen annan en Komisyon ki endepandan!

E *as long* ki Gouvernman i oule retenir kontrol lo sa bann Antite ki pou anmenn demokratizasyon lenerzi, nou pa pou zanmen arive fer li. *We will never reach that point!*

E pou mwan mon santi poudir i annan tro bokou eleman kontrol ki oule kontinyen ganny retenir. Savedir ki nou'n fer e blan bonnen, bonnen blan - nou'n zis tir en bann keksoz ki dan en Lalwa nou'n kre en lot Lalwa nou'n kre an Antite apel li Komisyon litilite *and that's it.* Se sa ki nou pe fer.

Avek tou respe pou tou dimoun mon pa krwar poudir

i ase. Swa mon ki antyerman mal e alors leksplikasyon ki mon'n ganny donnen pa'n ase, pou fer nou konpran lo sa ki pe pase. Me i annan bann konsern ki bezwen ganny adrese.

An konklizyon Mr Speaker, an konklizyon mon toultan retourn lo en pwen kardinal e sa se bann dimoun ki pou ganny afekte ek bann Lalwa ki nou kree. Sert i napa okenn koneksyon avek bann dimoun ozordi ki pe travay pou delivre en litilite e ler nou koz litilite nou koz byensir delo elektrik, *sewage*. Elektrik, delo, *sewage* ozordi litilite prensipal ki *provide* li se *PUC*.

Sa ki mwan mon konnen ozordi Mr Speaker i se ki *PUC* i tonm anba osi manda *Public Enterprise Monitoring Commission*. *PUC* pou osi tonm anba manda *Utilities Regulatory Commission*. Tou lede pou annan en rol pou zwe. Enn pou regard son laspe *delivery* sa servis, kre sa servis. Lot i regard son laspe zerans. E i inevitableman pou annan en mont lo lipye kanmarad.

Menm problemn ti egziste avek bann *telecoms*. Ler problemn ti leve pou bann konsonmater avek bann *telecom*, *DICT* ti dir ou i pa kapab dil avek, *Fair Trading* ti dir ou i pa kapab dil avek.

E bann kliyan ti reste dan milye. E nou tou nou'n tann sa deba in ale vini lekel ki pou pran plas, lekel ki pou pran sarz.

Mon krwar nou pou bezwen fer en desizyon. *Either PUC* i tonm anba sa Komisyon e sa Komisyon i ganny *endowed* avek pouvwar pou li regard pa zis fonksyonman dan sa kote, or nou pou bezwen etabli en modalite travay ki pou fer ki sa Komisyon nou regard zis en laspe spesifik.

E mon krwar se sa zot lentansyon. Be pou mwan mon krwar ler mon pe get Lalwa, Lalwa i en pti pe pli lwen ki sa. E entrodwir eleman kot se Minister ki an kontrol *you go back to Government controlling* e ekrir en konfli dan la fason ki *delivery* i sipoze ganny fer. E sa ki pou soufer ladan se bann dimoun ki travay dan sa lorganizasyon.

So apre midi ankor enn fwa mon ti a kontan demann reasirans Minis *ok* si demen *Utilities Regulatory Commission* ki pou pran kontrol- ki pran plas pou regard bann litilite, *provisions of utilities*. Eski *Utilities Regulatory Commission* pou pare pou osi koz lo *behalf* bann travayer ki pe *provide* servis?

Ozordi i annan tro bokou bann desizyon ki ganny pran. *PMC* i anvoy en let kot *Board PUC* i dir sa fason pou ganny fer koumsa. *Board* i oule fer koumsa, lot i oule fer koumsa, i annan en dezord.

So sa ki mwan mon oule vwar Mr Speaker, se en Komisyon ki marse, me *as it stand* la mon pa konvenki malgre serten bon eleman ladan, mon pa konvenki ki lafason ki nou pe prezant li, i la fason ki i annan serten kontrol, serten striktir i pou fer li mars pli byen. Mersi Mr Speaker.

MR SPEAKER

Mersi Onorab. Bon mon napa okenn manm ki'n lev lanmen pou deba. Alor mon pou pas laparol avek Minis pou son repons lo deba ki'n ganny fer. Minis.

MINISTER FLAVIEN JOUBERT

Mersi Mr Speaker. E mersi bann Manm Onorab ki'n fer kontribisyon lo sa Lalwa li menm. Mr Speaker mon'n rikord de kontribisyon enn *from* Onorab Andre avek lot *from* Onorab *Leader* Lopozisyon Onorab Pillay. Mon pou pas lo bann pwen ki'n ganny leve enn apre lot.

Onorab Andre ti demann mwan si nou pe koz lo lenerzi

ouswa lo elektrisite? Zis pou klarifye Onorab ki dan Lalwa i pe ganny *repeal* atraver sa nouvo *Bill*, Lalwa Lenerzi, 2012, i deza koz lo elektrisite, regilasyon elektrisite me i osi koz lo bann konponan ki annan pou fer avek Polisi lo Lenerzi.

Ou a remarke anba sa enn Lalwa ki bokou bann eleman Polisi e lenerzi, i an deor aköz Polisi Lenerzi i ganny *set* par Gouvernman e par Minister e apre i ganny enplimante par sa Komisyon.

E mon pou osi konekte sa pwen ki konsernan elektrisite ouswa lenerzi avek en pwen ki Onorab Pillay in leve kot i konsern si sa Komisyon pou pran direksyon avek Minis oubyen non. Minis i donn sa diskisyon direksyon Polisi i bezwen kominik avek sa Komisyon kwa ki Gouvernman i anvi e kwa ki Gouvernman- direksyon ki Gouvernman i anvi pran.

E ki bann mezir ki Gouvernman ti a kontan vwar an pas ki gouvern la fason ki dimoun i servi sa bann litilite, ouswa menm bann fasilite ki merit egziste parey dan sa ka kot nou'n koz lo bann fasilite ki pou ed bann ki pli vilnerab lo kote zot bil elektrisite.

Alor Gouvernman i kominik atraver Minis avek sa Komisyon e sa Komisyon li

dan son bann deliberasyon i met sa bann keksoz an plas. Me i pa vedir ki Minis i annan tou drwa pou li dikte avek sa Komisyon, akoz sa Komisyon li osi i annan son lendepandans pou li analize e retourn kot sa Minis avek son pozisyon e enn son rol klerman dan Lalwa ki pou li *advise* pou li, konsey Minis lo serten size.

Alor Minis i ava donn li ban lenstriksyon Polisi i ava kestyonn li lo serten bann size ki annan pou fer avek sa manda ki i annan e li i ava soumet repons e donn serten klarifikasyon ouswa nenport ki leksplikasyon ki bezwen avek Minis pour ki zot kapab kontinyen fer travay bouz devan lo la. Alor sa i premye pwen ki mon'n *capture*.

Dezyenm pwen se sa size konsernan travayer mon krwar Onorab Pillay osi in lev sa bout. Eski bann travayer ki la ozordi oi ganny abzorbe par sa nouvo Komisyon? Sa Lalwa pe fer provizyon pou pran fonksyon Komisyon Lenerzi ozordi.

Ki vedir ki son bann *staff* ek son bann dimoun ki i deza pe fer son bann louvraz dan Komisyon Lenerzi zot pou ganny abzorbe parey i ganny fer dan plizyer ka dan lorganizasyon. E zot travay pou ganny aziste pour reflekte ban nouvo responsabilite ki

deza la. E potansyelman i annan nouvo dimoun avek nouvo konpetans ki bezwen antre e zwenn zot dan zot travay.

I osi annan sa bout ot sa Komisyon i annan drwa *from* bann diferan Komite pou konsey li Komite *Advisory*. E la osi ou annan bann dimoun ki annan abilite dan serten size ki ou ti ganny demande pou *join* swa *as* Komisyoner swa *as* manm konsey ki pou donn konsey sa Komisyon.

I annan en bout kot Onorab Pillay in demann mwan si sa Komisyon pou napa en konfli an vi ki anba Minister i annan bann lezot Antite ki dan en fason i kapab vin an konpetisyon avek bann lilitite par egzanp *sewage*, lanvironnman ek *sewage* ouswa delo avek lagrikiltir.

Wi i pou annan bann keksoz ki kot parfwa pou annan konfli me i pou rol sa Minister pou fer sir sa bann konfli i ganny rezourd. Sa i enn.

Me lot keksoz se ki si mon rapel byen semenn pase letan nou ti pe diskrit *Electricity Bill*, nou ti osi koz lo *the Minister responsible for utilities*, ki pe *oversee utilities*. Mwan mon napa okenn preferans pou sa Lalwa ganny trouve anba en Minis, ki son

rol se *oversee* bann *utilities* dan pei.

E i napa okenn rezon spesyal ekspekte lefe ki ozordi Komisyon Lenerzi anba Minister Lanvironnman, Klima ek Lenerzi. Me i napa okenn rezon spesyal pou li ganny pase obligatwarman anba Minis pou Lanvironnman. Alor i en Komisyon ki sipoze pe get bann *utilities* e ki sipoze pe annan en lapros endepandan ki fer ki i kapab ganny plase dan nenport ki pozisyon e non pa zis anba Minis pou Lanvironnman.

I annan en pwen ki'n ganny leve Mr Speaker kot i konsern *disqualification of office bearers* anba 10(c); afilyasyon avek en *political party*. Sa i en size ki mon krwar petet *Attorney Zeneral* ki a kapab klarifye sa pou nou pli tar.

Mwan mon napa okenn lopinyon lo la. I enportan pou nou get bann legzanp dan bann lezot Lalwa ki mannyer i fonksyonnen, e ki mannyer sa osi i zwenn avek bann drwa ki Onorab in mansyonnen dan son repons.

I pou en kestyon pou *Attorney Zeneral* klarifye avek Lasanble lo sa size, e si i annan en problem avek *then* Lasanble byensir pou bezwen fer son desizyon lo si sa

provizyon pou reste oubyen pou sorti dan sa Lalwa.

Timeframe pou *Commissioners* i annan sa size kontinite e si mon tann byen ban ki'n *draft* sa Lalwa, enn bann rezon ki sa ban *timeframe* i diferan i annan plizyer provizyon kot i annan ki 3an, 4an, 5an. Si mon konpran byen rezon ki sa bann *timeframe* i diferan, se akoz pou ou pa annan en sityasyon kot tou *Commissioners* i fini an menm tan e ou napa enn ki'n la pou li swiv travay sa lorganizasyon.

Alor i enportan ki nou annan en pe kontinite e nou kapab fer ki *Commissioners* zot bann manda i pa mars ansanm e apre sa premye seri *timeframe* 3an, 4an, 5an apre sa ou kapab apwent tou dimoun lo en baz 5an. Me selman ou konnen zot pa pou sorti ansanm e ou pou toultan annan dimoun ki ti deza la avan ki fer ki ou annan kontinyen dan sa lorganizasyon.

Direktiv lo la lo si Minis pou donn direktiv sa Komisyon? Eski Minis i pou donn lord sa Komisyon? Non. Mwan mon krwar Minis i pou donn direksyon Polisi e i pou kominik bann pwennvi sorti kot Gouvernman avek sa Komisyon e sa Komisyon son

rol se enplimant sa bann provizyon e fer ki ou annan en fason fonksyonnen ki reflekte lanbisyon Gouvernman dan sa letan ki sa Komisyon pe fonksyonnen.

I annan en pwen ki'n ganny leve konsernan *the Commission* i annan drwa pou li *acquire land*, pou li *dispose of* serten byen eksetera.

Sa pwen Mr Speaker i egziste deza anba Lalwa Lenerzi 2012 ki fer ki *Energy Commission* son *status* i pa diferan avek sa enn ki la ozordi. Zot ganny konsidere dan menm laliny e zot annan menm drwa pou zot *acquire* propriyete e *dispose of any* propriyete, ki zot arive annan dan letan ki zot pe fonksyonnen.

Mon konnen poudir i pa toultan kler letan toultan kler - i pa toultan apropriye pou nou annan en Komisyon pe *acquire* propriyete. Me i arive ki en Komisyon dan son fonksyonman parfwa i kapab war li avek serten propriyete ki li i pe tenir lo *behalf* Leta.

En senp legzanp se veikil i annan lezot lekipman, i annan lezot keksoz ki sa Komisyon i kapab annan dan son lanmen a okenn moman. Me sa pa vedir ki sa Komisyon pa ganny drwa *dispose of* sa bann *assets* parey i anvi me plito i bezwen pas dan prosedir

akoz sa bann *assets* menm si i anba en Komisyon i reste koman en *asset* Leta e i annan en prosedir pou aplik- ki aplike pou *disposal* okenn *assets* ki pou Leta.

Kot prosedir pou lapwentman Mr Speaker, Onorab in lev sa pwen kot Prezidan i apwent bann *Commissioners*. Nou konnen poudir ozordi i en keksoz ki pa ankor byen ganny etabli, me sa ki mon kapab enform Onorab se ki, i annan prosedir ki pe ganny met an plas kot ou pou annan en *panel* ki pou konsider okenn lapwentman lo okenn *Board*, Komisyon okenn nominasyon lo bann lorganizasyon, antite ki Gouvernman ouswa *parastatal* ki pou fer ki ou pa vin Prezidan i apwente. Me Prezidan ki resevwar rekomandasyon pou lapwentman sa bann dimoun.

E mon mazine sa Lasanble i a ganny enformen bann detay lo sa prosedir. Me selman sa ki mwan mon'n war, se ki i annan demars ki pe ganny fer i an diskisyon pou annan bann *panel* endepandan ki pou *vet* bann dimoun ki'n ganny propoze pou okip bann pozisyon e apre Prezidan li i resevwar e aprouv *membership* sa bann dimoun lo sa bann Komisyon.

Lot keksoz se *staff*; Eski sa Komisyon pou reprezant bann *staff* ouswa ki pou koz lo *behalf* bann dimoun ki travay avek sa bann konpanyen *utilities* parey *PUC* eksetera? E ki son relasyon akote lezot lorganizasyon parey *PMC*?

Mon krwar Onorab ou'n lev byen sa pwen se ki *PMC* i pe get zesyon sa bann lorganizasyon. Sa Komisyon pe travay for lo lafason ki sa sekter i ganny fonksyonnen e son bann regilasyon ki i devret vin avek pou asire ki servis i lo en oter.

Me sa Komisyon i pa neserman pou antre dan tou bann size administrative ki annan pou fer avek fonksyonnan sa lorganizasyon e zot bann travayer la fason ki zot fonksyonnen eksepte dan le ka kot s ape afekte par egzant kalite servis ki zot pe donn ouswa i annan serten move konportman ki afekte konsonmater.

Alor i pa neserman direktman enplike dan sa bann kalite loperasyon e mon pa ekspekte ki sa Komisyon pou pran en pozisyon kot son rol pou kontradir sa ki *PMC* pe fer ozordi son relasyon avek bann Antite gouvènmantal.

Mon krwar mon'n pas en pe lo laplipar bann pwen Mr Speaker. Mon pa konnen si

bann Manm Onorab ki'n entervenir i oule plis klarifikasyon, ouswa si nou pare pou nou reponn sa bann klarifikasyon. Mersi.

MR SPEAKER

Wi Minis. Mersi. Nou a ganny sans pran klarifikasyon ankor dan Staz Komite. Avek repons Minis nou'n pare pou vot lo merit zeneral sa *Bill*.

Manm ki an faver lev lanmen silvouple. Mersi. Manm ki kont? Lo *general merit Utilities Regulatory Commission Bill, 2022*, 18 Manm in vot pour, 0 kont e 7 abstansyon. Donk sa *Bill* in aprouve lo merit zeneral pou *Second Reading*. E Madanm Clerk a fer *Formal Second Reading*.

MADAM CLERK

Mersi Mr Speaker. *A Bill for an Act to establish the Utilities Regulatory Commission for regulating the electricity sector, water and sewage sector and for other connected or incidental matters*. Mersi Mr Speaker.

MR SPEAKER

Mersi madam Clerk. Mon remarke ki letan i tre favorab pou nou, nou'n ariv en staz avanse lo *Bill* deza.

Mon pe propoze nou a regard *committee work* ziska

5er e nou a kapab fer en lazournen ase boner. Mon ava apel *Sergeant* pou nou pas dan Staz Komite silvouple?

Alor parey labitid mon a ganny manm *Bills Committee* ki pou Onorab Andre ki pou pran direksyon.

HON CLIFFORD ANDRE

Mersi Mr Chair. Mr Chair letan nou pe pas dan sa *Bill* nou'n santi mon pou pas lo son bann *arrangements of sections* avan.

Nou'n santi ki nou bezwen tir (7) akoz (7) i koz lo "*other powers of the Commission*", nou'n santi annou kit bann pouvwar dan "*general powers of the Commission*" dan plas nou met sa. So par lefe ki nou'n tir sa nou pou *renumber* bann ki par anba.

So *actual number* (8) ki "*appointment of Commissioners*" pou vin (7) ensidswit i pou desann e osi letan nou'n ariv kot *actual* (13) ki "*special functions and duties of the Commission*".

Nou tir li akoz ankor i koz lo "*special functions and duties of the Commission*" nou'n santi annou met li dan son "*functions and duties of the Commission*". Savedir nou pou annan *renumbering* ankor de la.

E osi letan mon ale nou'n annan kot *part 4* Mr Chair

nou'n enkli *31 regulations* ki pa ti la so nou'n met *regulations* dan *clause 31, arrangements of sections* ki mon pe dir so *subsequent* nou pou ariv lo la letan nou pe pas dan nou *Bill*.

Mon ava aprezan pas lo definisyon "*Chief Executive Officer*" par lefe ki nou'n renumber nou pou bezwen tir *section 19* lo dezyenm laliny pou nou met *section 17*. E kot premye laliny - eskiz mwan i vin *Chief Executive Officer*, en '*r*' towards the end of the sentence akoz ti napa, ti vin "*Chief Executive Office*".

Mon ava desann lo consumer Mr Chair nou'n *reward* en pti pe definisyon "*consumer*" ki nou'n agree avek *panel* me mon ava permet *panel* pou konfirm sa oubyen Manm ki annan serten komanter lo la pou zot fer. Mersi.

MR SPEAKER

Wi mon annan en lanmen ki'n leve. Onorab Pillay.

HON SEBASTIEN PILLAY

Yes since ou pe fer *renumbering* kot definisyon *Commissioner* i pou reste *pursuant to section 8*, oubyen i pou vin *pursuant to section 7* prezan? Non? Akoz i *appointment pursuant to*

section 8 ou'n renumber section 8 as section 7 non?

MR SPEAKER

Anfen mon war sa ki ou pe dir. Mon a demann, mon pa konnen si *Bills Committee* oubyen *draftsperson* i annan verifikasyon. Yes Onorab Andre?

HON CLIFFORD ANDRE

Yes Mr Chair. Mon krwar sa lamannman i annord akoz *Commissioner* ti *appointment in respect of section 8*, prezan i pou vin *section 7*. So mon krwar nou kapab aksepte sa selman nou a zis konform, sa avek *panel*. Me selman mwan mon war merit ladan. Mersi.

MR SPEAKER

Panel in note? Byen, *ok*. Ou annan lot pwen lo la Onorab Pillay? Nou pe kontinyen? *Ok* ou ti'n ariv lo definisyon '*consumer*' ou pa ti ankor lir definisyon '*consumer*' petet ti a bon ou relir sa ki nouvo non? Parey ou abitye fer.

HON CLIFFORD ANDRE

Yes Mr Chair. So "*consumer means any person who uses any service provided by a service provider including a person who has entered in to a transaction with a service provider;*"

Sorry i pou vin *semi column*. Selman mon sizere ki kekfwa letan mon reget li ankor nou reget li koman *Bills Committee* kekfwa nou bezwen met "*any person who uses any services provide*".

So akoz i pa zis enn ki nou pe dir nou pe dir *water, electricity* avek *sewage*. So si nou met '*services provided*' mon pa konnen ki mannyer nou kapab get sa akoz en dimoun pa pou pran zis enn i kapab pe pran elektrik avek delo enkli *sewage*. So eski.

MR SPEAKER

Eski mon kapab fer en pwen Onorab?

HON CLIFFORD ANDRE

Yes.

MR SPEAKER

Mon pa konnen *panel* i ava adrese. *Actually* '*any service*'; *sounds better* akoz ou pe dir nenport *service* ki i pran. Swa "*water*", swa "*elektrisite*", swa "*sewage or whatever* i aplike. *Panel* i annan en pwennvi?

MINISTER

FLAVIEN

JOUBERT

Mersi Mr Speaker nou dakor avek sa propozisyon sorti kot ou ki nou gard li sengilye "*service*" olye "*services*" thank you.

MR SPEAKER

Thank you. Ok Onorab Andre?

HON CLIFFORD ANDRE

Yes. Nou ava bouze. Dan “*energy efficiency*” lo dernyen laliny nou'n tir sa mo “*lighting*”. So i pou lir; “*appliances, transport vehicle, and machinery*”.

So mon mazine si nou pe met ‘*and*’ nou pou bezwen osi *delete* sa *comma* apre “*vehicles*”.

MR SPEAKER

So mon kapab fer ou klarifye en pwen? Eski ou pe tir “*lightning*” dan tou lede landrwa akoz i annan en “*lighting*” la ki'n ganny siprimen apre i annan en lot “*not limited to lightning appliances*” sa osi pe ganny siprimen?

HON CLIFFORD ANDRE

Non Mr Speaker sa “*not limited to lighting*” i pe reste sa dezyenm pe ganny siprimen, so par lefe ki nou pe siprim sa enn dezyenm anba lo dernyen laliny nou pou bezwen osi tir sa *comma after* “*vehicles*” savedir pou “*transport vehicles and machinery*”.

MR SPEAKER

Thank you. Mon pa ankor war okenn lanmen ki'n leve

Onorab. Alors ou kapab kontinyen.

HON CLIFFORD ANDRE

Ok mon a kontinyen Mr Chair. “*Service provider*”-

MR SPEAKER

Ah sorry, Onorab Hoareau?

HON JOHN HOAREAU

Mersi Mr Chair. Mr Chair an vi ki larepons ki Minis in donner avek kestyon ki Onorab pe sey leve dan son entervansyon. Mon pe *suggest* ki *meaning* pou *Minister* la; “*Minister means the Minister responsible for public utilities*”.

Akoz Minis in dir koumsa poudir i pa *mind* ki parey dan Lalwa presedan nou met li koman “*the Minister responsible for public utilities*”. Akoz vi ki son *Minister* i *Minister- Ministry for Agriculture, Climate Change and Environment*, i pa mansyonn dan son portfolyo *public utilities*.

Me an vi ki li i sa dimoun ki responsab pou *public utilities* so i tonm anba li. So *Minister* mon pe sizere ki nou met li en pti amannman la ki “*Minister means the Minister responsible for public utilities*”.

MR SPEAKER

Panel? Yes Onorab Pillay avan.

HON SEBASTIEN PILLAY

Wi Mr Speaker. Be selman mwan mon krwar annou pa met sa mo “*public*” akoz *this is utilities in the general sense it will include both public utilities provider parey PUC e i pou include individual power producer ki pou vann zot power ek PUC. So we’re talking about utilities in general.*

MR SPEAKER

Mersi. *Panel zot ti a kontan adrese?*

MINISTER FLAVIEN JOUBERT

Nou dakor Mr Speaker.

MR SPEAKER

Thank you. So nou pran li koman en senp amendment in ganny aksepte. Onorab Andre ou kapab al kot ou ti'n arive. Yes Onorab Cosgrow?

HON WALLACE COSGROW

Zis en pti konsern lo sa ki'n fek ganny dir la. Nou dir “*utilities*”. Dizon i arive dan le fitir ki diferan kalite “*utilities*” i ganny ansarz par diferan portfolyo, diferan Minis. Ki mannyer nou dil avek sa? Zis en pti pwen pou petet *panel*.

MR SPEAKER

Yes Onorab Pillay?

HON SEBASTIEN PILLAY

Son larepons i dan *section 2, utility services - basically se Lalwa li menm ki prevwar lekel bann utilities ki pou vini. Menm si i pou ganny dan son (mannyer nou kapab dir sa) lenplimantasyon. What we’re saying i ki because of the importance of utilities i pou bezwen annan en Minis- en dimoun ki responsab sa.*

It cannot be spread over different areas, akoz tou son bann aksyon i bezwen ganny pran centrally rather than ganny spread dan diferan Minister. Se sa ki nou pe konsernen avek ki mannyer i pou ganny enplimante.

MR SPEAKER

Mersi. Onorab Andre?

HON CLIFFORD ANDRE

Mr Speaker sa ti en pwen ki anfe nou ti leve dan *Bills Committee*.

Mon krwar nou ti ganny en leksplikasyon par *Acting CEO* mon krwar ki pe asize, madanm ki pe asize laba - ki lentansyon se si sa ki i vin apre akoz si nou get dan “*objects and reasons*” ki *obviously* i pa vin *part of the Act* me selman i mete;

“the objects of this Bill to make provision for the establishment of a Commission for regulating the electricity sector, water and sewage

sector and for other connected incidental matter”.

So in fer provizyon ladan ki i pou ganny *engulfed* ladan letan Lalwa i sorti. Parey Onorab Pillay in dir sa Lalwa ki pou ganny *enacted* par en Lasanble, i pou dir poudir sa pou tonm anba “*Utilities Regulatory Commission*”.

So i pou pran ka sa konsern ki Onorab Cosgrow pe leve. Me selman i en konsern ki *genuine* me selman *it will be taken care of*.

MR SPEAKER

Thank you. Ok mon krwar sa in ganny settle. An menm tan ou kapab kontinyen Onorab akoz-

HON CLIFFORD ANDRE

Yes Mr Chair. “*Service provider means any person who or which provided a utility service*”. Nou ti'n tonm dakor avek *panel* letan nou ti dan *Bills Committee* dan *utility service* dan premye laliny nou pou *delete after “in” the word “the”*. Ok.

MR SPEAKER

Mon kapab fer en pwen?

HON CLIFFORD ANDRE

Yes.

MR SPEAKER

Panel petet legal drafts person. Si ou dir “any person who” normally persons are referred to as who as a pronoun “who” or “which”. Akoz i bezwen annan “which”. Akoz ler ou refer to a person you always refer to it as “who”. Onorab Hoareau?

HON JOHN HOAREAU

Mr Chair. Akoz ‘*person*’ i kapab en ‘*person - natural person*’ i kapab osi en *person* koman en *company*.

MR SPEAKER

Ok. So, alright. Thank you. Onorab Andre back to you.

HON CLIFFORD ANDRE

Yes ok. Nou'n fini avek ‘utility service’. So nou'n ariv lo clause 3(1)- sorry clause(3)(3) dan premye laliny nou delete ‘s’ avek consists.

Clause 3(4) i pou lir koumsa; “The Commissioners shall be appointed in accordance with section 8 and be employed by the Commission on a part-time basis to serve the mandate in section 9”.

MR SPEAKER

Thank you. Onorab Pillay in lev lanmen.

HON SEBASTIEN PILLAY

Mr Speaker 2 keksoz. Premye keksoz i en kestyon lozik.

The Commissioners are themselves the Commission, right? So you are employed under the Commissions by the - the Commission employed staff. Does it employ Commissioners? Pou mwan i pa fer sans.

Prezan dezyenm keksoz mon pe note *which needs to be changed. "To serve the mandate in section 9".* Ler mon regard renumbering ki'n ganny fer lo versyon ki annan avek mwan *section 9 i pa koz lo mandates i koz lo "termination of mandates of a Commissioner."*

So nou pe plito *refer* lo en lot seksyon akoz le mon pe get mon pe sey rod *mandate* sa bann *Commissioners* ki seksyon i tonbe, *should be section 7 and 8. So savedir si nou pe koz section 8, nouvo section 8 which is section 7 then the 9 should become an 8 ok?*

MR SPEAKER

Bills Committee, panel i kapab verifye.

HON CLIFFORD ANDRE

Yes. Mr Chair sa i korek. Permet nou akoz letan nou'n fer sa bann koreksyon i annan kantite *cross refer* ki nou'n fer en ta *renumbering*. Nou

bezwen felisit nou *SLO* pou travay ekselan ki in fer.

Me selman i arive bann pti limero ki nou'n omite oubyen *mistakenly* in ganny mete la. Me selman sa i korek. So 7 and 8. Si mon pou relir Mr Chair.

"The Commissioners shall be appointed in accordance with section 7 and be employed by the Commission on a part-time basis to serve the mandate, the mandates in section 8"

MR SPEAKER

Ok. Onorab Pillay?

HON SEBASTIEN PILLAY

Non mon ava fer li ler nou ariv kot *section 8*.

MR SPEAKER

Ok. Byen. Alor nou kapab kontinyen Onorab Andre?

HON CLIFFORD ANDRE

Yes. 4(2) (a) would read as such;

"Maintain an efficient structure for the regulated sector to ensure their economic feasibility".

Mon a kontinyen Mr Chair. Dan 4(2)(f) i read as such;

"promote the use of renewable energy, water and energy efficiency".

MR SPEAKER

Panel, draftsperson i satisfè avek sa? Ok. Ok Onorab Andre?

HON CLIFFORD ANDRE

Yes, ok. nou kontinyen Mr Chair. 5(1)(c) i pou lir koumsa;

“Monitor compliance with the Government’s international and regional obligations relating to” nou delete *‘the’ - ‘service’* nou kite *“in regulated sectors”*. So si pou mwan fer li kler i pou lir koumsa;

“Monitor compliance with the Government’s international and regional obligations relating to services in the regulated sectors”.

MR SPEAKER

Thank you. Yes Onorab Pillay?

HON SEBASTIEN PILLAY

Mersi Mr Chairman. Mr Chairman mon oule retourn lo 5(1)(a) si posib. Mon pa oule fer en gran deba lo la. Me mon pe vwar en konfli.

Dan Lalwa ki nou fek pase Minis i annan en pouvwar pou li donn direktiv sa Komisyon, akòz nou'n fini pas en Lalwa ki donn Minis sa prerogativ. Akòz dan sa Lalwa ki nou'n pase nou'n osi link li avek sa enn Lalwa ki la. Me selman sa enn Lalwa i dir ou Komisyon pou *advise* Minis.

So kestyon ki mon annan se- mon ti ganny dir sa lot fwa. Lekel lisyen lekel ki lake? Ou konpran, lake pa kapab bat lisyen, lisyen pa kapab- le pwen i se ki la lekel ki fer kwa la? Akòz ou fek dir mwan dan ou *summing-up* ki ou pou donn *policy directive* sa Komisyon, me sa Komisyon i sipoze *advise* ou lo *policy directives* ki ou pou donner. Ou konpran?

So zis mon pa oule al dan en gran deba lo la, me mon ti a kontan konpran ki mannyer sa dan laplikasyon pou ganny fer si ou annan en antite Gouvernman ki pe *oversee* sa Komisyon? *Dans la personne d’un ministre* avek ou permisyon Mr Chairman of course si ou pou les Minis eksplik mwan sa.

MR SPEAKER

Wi. Minis i kapab adrese wi.

MINISTER FLAVIEN JOUBERT

Mersi Mr Chair. Mr Chair dan sa lot Lalwa ki nou ti pase semenn pase si ou get byen- si nou pou get byen *sorry*. I annan sa bout kot i dir *‘the Minister after “consultation with the Commission”*.

Mon krwar petet lafason ki in ganny ekrir dan sa Lalwa, i sanble ki ou annan de diferan konversasyon ouswa de

diferan fason ki kontribisyon in ganny fer, Komisyon i *advise* Minis ouswa Minis i donn direksyon.

I pli apropiye petet pou nou servi sa term kot “*the Minister may with consultation of the Commission*” ouswa “*with*” - wi an konsiltasyon avek Komisyon, nou a ganny son fason ekrir byen i fer sa bann Polisi desizyon.

So i pa neserman ki Komisyon ki donn Minis sibstans pou li form son Polisi ki apre i pou donn Komisyon pou enplimante. Me plito ki Minis letan i annan en desizyon pou li fer konsernan en Polisi i konsilte Komisyon, i ganny lenformasyon sorti kot Komisyon i formil en pozisyon e apre Komisyon ki egzekut sa bann desizyon. Mersi.

MR SPEAKER

Onorab Andre, wi.

HON CLIFFORD ANDRE

Mersi Mr Chair. Letan mon ekout Minis, mon ekout Onorab Pillay personnelman mon pa war problem ek sa ki'n ekrir la mwan.

Sa personnelman Clifford Andre akoz i dir “*The functions of the Commission are to advise the Minister on the formulation of the national policy on matters relating to any regulated sector*”.

So definitivman Minis pa pou ganny *advice* si i pa demann *advice*. So oubyen an dot mo se kekfwa letan zot pe get en pti git Polisi zot vwar ki kekfwa zot bezwen donn Minis en konsey zot ava *advise* Minis.

Me selman sa ki Minis in dir mwan personnelman mon war *it's taken care of* dan sa Lalwa mannyer i ete. So mon pa santi i annan okenn defayans oubyen *cross refer* akoz sak Lalwa in met dan son konteks ki mannyer in devret ganny aplike.

Sa enn ki la i plito pou bann *regulatory works* ki annan pou fer avek bann *electricity, water, sewage*. So i pou bann Polisi ki pe vini an referans avek bann regilasyon ki bezwen ganny met an plas. Sa lot i bann laplikasyon sa bann regilasyon ki pou ganny determinen par Minis.

So mwan personnelman *unless* ki Onorab Pillay i konvenk mwan diferaman selman mon ankor pe sey konpran ki i pe sey dir me *it is taken care of* la. Mersi.

MR SPEAKER

Onorab Pillay i ti dir i pa pou fer en gran deba lo la me i kapab kontinyen adrese. Oule fer en pwen Onorab?

HON SEBASTIEN PILLAY

Avek ou permisyon mon oule fer en dernyen pwen.

MR SPEAKER

Wi.

HON SEBASTIEN PILLAY

Problenm i sa. dan lot Lalwa se Minis ki determin Polisi *ok?* Dan sa enn Lalwa se Komisyon ki pe *advise* Minis lo sa Polisi.

Mon konsern mwan ki mon oule adrese se ki lekel ki fer kwa? Sa Komisyon par egzantp si ou regard *(b)* Onorab Andre i pa zis esper Minis vin rod *advice* ek li i sipoze pe *proactively provide* Minis avèk bann diferan - i pe *promote the efficient and economic development of the regulated sector*.

I pa esper Minis vin kot li poudir li ou bezwen fer sa. *Policy directive* i ganny donnen par Gouvernman. Mon pe zis fer Lasanble note poudir nou pa'n enkli ki sa *advice* i bezwen *also* vin *part of a consultation*. Minis i oule enkli konsiltasyon ladan. *Ok?*

Nou kapab dir "*advise and consult with the Minister on the formulation of the national policy*". *Ok?* Or "*in consultation with the Minister formulate national policy on matters relating to any regulated sector*". I dir pli byen.

"In consultation with the Minister formulate national policy on matters relating to any regulated sector". Mersi.

MR SPEAKER

Thank you. Onorab Hoareau?

HON JOHN HOAREAU

Mr Chair mwan osi mon pa vwar okenn problenm ek sa aprouvasyon, akoz dan sa Komisyon i pou annan bann dimoun teknik ki zot annan en *advisory role, the Commission itself has an advisory role to the Minister*.

Me selman pa li ki fer, ki *publish*, oubyen ki fer konnen *regulations*. *The Minister* ki fer me selman li i kapab ganny servi koman en *advisory body* osi *to the Minister*. Mersi.

MR SPEAKER

Ok i sanble mwan- wi Onorab Andre.

HON CLIFFORD ANDRE

Mersi Mr Chair. Mr Chair parey Onorab Pillay in dir e Minis ti'n dir avèk mon napa problenm si nou met "*in consultation*". Akoz si i pou avans nou travay definitivman i an konsiltasyon e si Minis i santi sa i apropiye, mon krwar nou kapab bouze avèk sa pti mo "*in consultation with the Minister formulate national policies*" ensidswit. So,

MR SPEAKER

Wi *the key point* se lekel ki pou annan *final decision* lo sa *policy* si se Minis oubyen Komisyon? Mon krwar - Minis *yes*, Minis in lev lanmen.

MINISTER FLAVIEN JOUBERT

Mersi Mr Chair. An mezir nou pe- *I mean* diskisyon pe ganny fer lo sa pwen, mon krwar nou pe diskite la mon pe reflexir poudir sa Lalwa ki nou pe koze lo al lo komansman - *sorry* premye Lalwa ki nou ti koz lo la semenn pase, i pe koz lo fonksyon Minis e Minis li i fer Polisi an konsiltasyon.

Me sa ki la i pe koz lo fonksyon *to the Commission*. E *the Commission* son rol i en rol *advisory*. So mon pa tromon'n ganny konvenki ki nou pa bezwen sanz (a) aköz son rol i *advisory* e i pe dir *advice*.

So mon krwar nou kontinyen nou dapre *panel* letan nou pe diskite i pa pou en nesosite pou nou aziste sa pwen 5(1)(a) pou fer li dan en lot fason, aköz i pe fer sa rol ki i sipoze pe fer *the Commission* i fer sa rol *advisory* anver Minister. *Thank you*.

MR SPEAKER

Ok. Mon sizere si sa i satisfè *panel* nou kontinyen. Onorab

Andre, nou a les li koumsanmenm? *Next point*.

HON CLIFFORD ANDRE

Yes. Mersi Mr Chair. Mr Chair nou ava bouz lo 5(1)- i paret mwan nou annan en pti problem aköz letan nou pe gete- Minister si nou pe get 5(1)(i) *unless* nou fer (i) nou annan (I),(II),(III). *Unless* ki nou oule li koumsa, oubyen nou pe dir ki i *devret* (i), (j), (k), (l), (m)?

MR SPEAKER

Me eskiz mwan eski ou pa'n sot (c), (f) and (g)?

HON CLIFFORD ANDRE

Non, (c) nou ti'n fini Mr Chair. 5(1)(c) nou ti'n fini, nou ti'n bouze nou ti'n ariv lo 5(1)- nou annan en (IV) ki tonm anba (i). so *unless* nou kit li koumsanmenm aköz apre mon war i vin (j).

Me selman “*monitor, enforce and ensure compliance by licensees or authorization holder carry out activities in any regulated sector of the obligations and conditions established in*” mon krwar i ok, dan (4) nou pou *delete the words “standards of”* nou pou kit li pou li lir “*approved service standards.*”

Mon ava kontinyen Mr Chair. (j) lo dezyenm laliny nou pou *delete “with”* nou pou *insert “to”* so i pou lir koumsa;

“ensure the protection of the interest of consumers in relation to the provision of a service in any regulated sector”. Nou pou al lo (m).

MR SPEAKER

Onorab Pillay?

HON SEBASTIEN PILLAY

Yes. Mon pe regarde anba (k) *“receive and settle disputes in any regulated sector in accordance with regulatory laws”*. Pa i fer plis sans? Pou fer li parey anler.

First sa dimoun i fer ... son protection ‘in any regulated sector’ then ou settle disputes ‘in any regulated sector in accordance with regulatory laws’. Nou met *“any regulated sector”* nou delete sa “s” nou azout sa mo *“any” between “in” and “regulated”*.

MR SPEAKER

Panel. Ou insert *“any”* e tir *“s”* – *“any regulated sector”*. Wi.

MINISTER FLAVIEN JOUBERT

Thank you Mr Chair. Legal draftsman in eksplik mwan poudir “regulated sector means any sector” anba definisyon “in respect of which the Commission has regulatory functions and powers.” So it

cannot then include “any” again the second time.

MR SPEAKER

Onorab Pillay?

HON SEBASTIEN PILLAY

Then i annan en konfizyon. Dan (j) ou dir ou “ensure the protection of the interest of consumers in relation to the provision of a service in any regulated sector”. Wi ou konpran? So ou deza dir be en *consumer protection will include a dispute.*

MR SPEAKER

Onorab Andre, wi?

HON CLIFFORD ANDRE

Mersi Mr Chair. Mr Chair par lefe ki *regulated sector* i ganny definir, mon ti a sizere ki nou tir *“any”* dan (j) nou met li *“service in regulated sector”*.

MR SPEAKER

Si ou tir *“any”* ou pou bezwen met *“sectors”* la?

HON CLIFFORD ANDRE

Yes nou a met *“sectors”*. *Regulated sectors.*

MR SPEAKER

Panel i dakor ki savedir (j) avek (k) i a lir parey *“in regulated sectors”* tou lede? Dakor ok. Onorab Andre. Swivan.

HON CLIFFORD ANDRE

Mersi Mr Chair. Lo (m) lo dezyenm laliny nou pou tir-
delete the word “where” nou
pou *insert “that”* so i pou lir
koumsa;

“Promote competition in the exercise of its function to the extent that competition is feasible in any regulated sector”. Ankor nou annan sa *issue “any”* so in *‘regulated sector’* mon sizere *“sectors”*-mon sizere nou fer pou li *consistent* avèk anler *“and in accordance with the corresponding regulatory laws”*.

MR SPEAKER

Panel? Ok?

HON CLIFFORD ANDRE

Mon a kontinyen Mr Chair. Nou ava al lo (n) i pou lir koumsa;

“Maintain a register in the prescribed form containing records of licensees” savedir nou'n *include-* nou'n *insert “in the prescribed form”* akòz i pa ti la – *“record of licensees and authorization holders, carry out activity in a regulated sector;”*

So prezan nou pou bezwen gete si kontinyelman letan nou annan *“regulated sector”* nou pa pou met ni *“any”* ni *“a”* in *regulated sectors* si nou pe dir

consistency diferan *well, ok this is in respect of register*. Mon a kontinyen Mr Chair.

Nou al lo (o) dan dezyenm laliny apre *“including”* nou pou *delete “the”*, so i pou lir *“sectors including efficiency in the use of regulated services”*.

MR SPEAKER

Ok.

HON CLIFFORD ANDRE

Mr Chair. Mon pa konnen ou ti'n dir nou *by* 5er.

MR SPEAKER

Wi nou'n ariv a lafen pou sa seksyon la. Napa lot keksoz, *right?*

HON CLIFFORD ANDRE

Non pou le moman napa lo (5). Non.

MR SPEAKER

Lo (5) ya. So mon krwar i en bon moman pou nou kapab raport kontinyasyon pou demen. Onorab Hoareau ou annan en pwen?

HON JOHN HOAREAU

Wi Mr Chair. Zis avan nou fini petet akòz nou pe fini lo sa bout ki la, sa bout *subsection (3)* la mon ti a sizere ki nou *move* li to, anba *“general powers”* e nou tir sa bout ki deza *6(1)* anba *“general powers”*. So sa (3) ki la i vin sa

6(1). Akoz i *more or less the same thing*. Mersi.

MR SPEAKER

Akoz ou pa pran sa koman komansman 6(1) demen Onorab Hoareau nou an komans lo la? Mersi. *Ok*, nou a fer en *stop* la kot nou'n arive e nou ava pas dan Staz Lasanble pou nou *adjourn*.

Bon Minis ek delegasyon nou pou bezwen war zot ankor demen bomaten, so mon a dir zot pas en bon sware e *welcome back* demen. Mersi tou bann Manm. Nou a *adjourn* la e Lasanble a rebran 9er bomaten demen.

(ADJOURNMENT)